

KUBA KU LUBAZU LWA JESU

¶ ...busena bumwi mu Louisville, oko nko—nko mulya, alimwi bula tegwa, atu bone, Resturanti yaku Dogpatch. Nda jisi bomwe, sunu. Cindi kufumbwa muntu alya okuya, mpawo ba bweza mali ayo ngo bapa, a kutumina mbungano kwakkumi kuzwa kuli ngawo. Nku busena bumwi ku 319 West Jefferson Street. Ndi yeeyela kuti nke kaambo Billy wakali kujisi ka cibikkidwe awa, kutegwa bakonzye kubona. Eco ncibotu maningi.

² Lino, bakwesu, Ta ndizi nzila zyanu zya—zya muswaangano wa bantu, buyo eco nco mucita, na obo mbo cita miswaangano yako. Elyo ikuti na Nda zwa ku mabambe okuno, baa, kuzwa kucilengwa calyonse, baa, akwiite kupakamana kwangu kuli ncico.

³ Ca kakanza sunumasiku, Nda kayeeya, mbuli Mbwe kajisi ii—ii cisusulo kutali ciindi cilamfu cainda a mweembeli wesu muyandisi kapati, Mukwesu Neville, elyo Nda kali kwaamba cintucimwi kuli nguwe eco cakali aa moyo wangu. Elyo Nda kayeeya, ikuti na twa bikka cikama ca baalumi antoomwe, a bakutausi, balo mbabelesima okuno iba Makanimabotu, a baaalumi, inga twa ambaula kuli umwi aumwi mu nzila eyo njo tunga tii twa cibandika kumbele lya buleya. Nkaambo toonse tuli mu... Tuli bantu bamvwisya mbuli bantu, bantu Banakristo. Alimwi nzila eyo, kanji, mu mbunga, nkamu, waamba cintucimwi, alimwi—alimwi umwi uyo ciyaamika munzila *eyi* aniini, alimwi umwi uyo ciyaamika munzila *eyo*, alimwi—alimwi mpawo coonse cilazwa. Pele oko nko tuboola kusola, sunumasiku, ku mwaambila eco Nce jisi mu moyo wangu, kujatikizya mbungano, a busena bwayo—a bwayo, a caabilo cayo. Elyo mpawo ikuti na twa manizya mu ciindi, Ndi yanda kukanana kuli ndinywe aniiini buyo aa Ijwi, ikuti na kuli kabotu. Kubaanga nku lulamika eco, kutegwa tu jane cibeela cesu camakani, na cibeela eco Nce yanda kutondezya kuli ndinywe, lutaanzi. Elyo Ndi yeeyela kuti ndiza mwalekela, ciindi calyonse, kutandila naini theeti na cintucimwi mbuli ceeco, mbuli busiku abumwi. Ee, Njo sola ku mujata kwa ciindi cilamfu. Juunza mu Mujibelo, alimwi mbuzuba upati bwa mpindu, pele lino tweelede kuba a zilyo zyesu azimwi zimbi.

⁴ Ndi yanda kwaamba ku Mukwesu Neville, antangalala. Lino Ndi—Ndi yanda kwaamba, kuli umwi aumwi wanu, mbuli buyo Mbwe kali kukanana cakumbali kuli ndinywe, umwi aumwi. Nkaambo, muli nkamu eyo—eyo ngu... Ndi yeeyela boobo ncobeni, a kusyoma a kuyiisya, kuti, bantu, Leza wakabamba bantu busololi bwa Mbungano Yakwe, ya bantu Bakwe. Mwabona? Elyo cili ii... Mbuli Mbwe kali kukambauka

kunselelo kuli ya Mukwesu Junie Jackson, masiku ainda, kujatikizya Leza waakkabilila bantu Bakwe—Bakwe kubelesya Ijwi Lyakwe. Elyo wakali mwanakazi wa kadonkola mundando oyo akupa kuyoya ku kaambo, alimwi ciindi ni cakacita, Leza zyoonse waka cibikka Cakwe, ku bantu ku bamba Mbungano Yakwe kukwabililwa ku Ijwi.

⁵ Lino, Ndi—Ndi yanda kuyumya Mukwesu Neville aniini buyo, kwaambaula kuli nguwe kumbali. Nda kabona busiku bwainda, kutweluka kwaka ndijata, ziindi zyobilo na zyotatwe, kuciindi Ne kali mu cikambaukilo. Elyo Nda kanyona, nkaambo Ndi sola kutantamuka kuli ncico mbuli Mbwe konzya, kusikila Nda kajana ciloto neco cakali kwaamba kuli ndime okuno kutali ciindi cilamfu cainda, mvwiki zisyoonto zyainda. Ca kandijatilila kwa ciindi cilamfu. Nda ka caamba okuno mu mbungano, kujatikizya cintucimwi kujatikizya Mulumbe a—a kutweluka, azimwi zimbi. Tii caka cita buyo, tii cakali kuzwa kabotu. Ku kuyeyya kwangu, kuti ciindi camana, alimwi—alimwi ndiza inga Nda lubizya aali eco. Pele Nda kabona kuti—kuti Mukwesu Neville wakali kubaanga wakatala a kunyongana.

⁶ Elyo nekubaboo Ndali kuyanda buyo kuti uzibe, Mukwesu Neville, kuti uli mukulangila buyo mu luswaanano olu muli olo. Sena mwakabona buyo eco Saatani ncasola kucita mu mazuba masyoonto ainda kuli ceecu bakutausi abo basangene mu luswaanano olu? Koimikila buyo kwa maminiti masyoonto, a kugambwa. Ngooyu ulikkede Mukwesu Crase, ukkede awa, sunumasiku, kutandila kujaigwa okuya mu mugwagwa. Mwabona? Elyo Nda katii dubulwe mutwe wangu kubelesya shotigani, na a raifo. Mwabona? Saatani kasola kutubweza. Elyo alya wa kalipwaya moonya mukati, alimwi no kalijaya omwini a mwanakazi umwi awalo. Mwabona? Buyo bakatausi, amulange buyo i—i nkamu iikutauka. Mwabona? Ngu Saatani, alimwi uli mukusola kutumwaya.

⁷ Lino, tuli, mukuziba kuti, ta tubungene okuno ku kwaambaula musyobo umwi wa mulimo. Tuli waano kubungana, ku kwaambaula aa i...ali Kristo, alimwi kujata kutola kujata, a cakucita ku ciindi eci calino.

Elyo Ndi—Ndi yanda kukulwaizya, Mukwesu Neville. Koba sicamba. Takukwe makani eco ciboola, eco cicitika, uta lekeli cintu ku kunyonganya. Koima buyo awo mbuli mwaala wa makkalo, nkabela Leza uyo bamba zintu zyoonse kuzwa kabotu. Wa kacitondezya eco kuli nduwe. Mubwini, eco ni caka kunyonganya, eco cakali kukonzya kujaya mwanakazi oyo, alimwi eco nicakaba mu mizeeo yako, mazuba ako onse, alimwi nikwakaba zintu zinji. Pele Leza ucili aa Cuuno cabwami. Walo, Ula lekela zintu ezyo kubeleka kabotu. Wa kali kukonzya kutubweza, awalo. Elyo, aboobo, Saatani kalwana ku Mbungano.

⁸ Lino, cindi Ne kabikka eco ciswi cabuyake okuya cifumo eco, Nse kalimvwa kuti Nda kali kuyooba mweembezi. Tii cakali mu kwiitwa kwangu, ku matalikilo. Elyo kwiitwa kwangu kutaanzi kwa keelede kuba mu mulimo wa buvangeli. Eyo yakali myaka minji yakainda. Elyo katalika kweenda, awa mu tente, kutala buyo lya kagwaga.

Elyo Nda yeeya cindi Mukwesu Roy Davis, kunselelo okuya, a mbungano yakwe ya kaumpwa. Eyo nkamu ya bantu yakali buyo mbuli mbelele zimwaikide kakunyina mweembezi, kabata jisi busena bwa kuunka.

Elyo Ba. Hibstenberg bakali Bapati ba Basilikani kaindi, elyo wa kanditumina kunselelo okuya. Wa kati kuli ndime, "Tuli waano kukugwasya." Kati, "Ndili muna Katolika, lwangu, pele," kati, "baloo bantu," kati, "antela taba jisi zisani." Cakali kuciindi ca buyumuyumu bwa makwebo. Kati, "Ba lainka ku mambungano aambi alimwi bali mvwa kuzwa mu busena, alimwi mbantu babotu. Ndi lizyi bunji bwabo." Wa kati, "Billy, ikuti na uyanda katalika mbungano," wa kati, "Ndi yanda kuti uzibe kuti tuli kunze lyako mu cintu cili coonse nco tukonzya kucita ku kugwasya." Elyo Nda kamulumba nkambo ka ncico.

⁹ Twa kajisi buzuba bwkubikka mpa. Lutaanzi, twa kakomba a kulomba Mwami. Elyo bantu baka boola kuli ndime alimwi bakali kuyanda kuyaka mbungano, kutegwa inga bwaba a busena bwa kuunka. Elyo twa kabamba muzeezo wa busena obu, alimwi busiku bumwi antomwe ciindi eci, na ambele aniini awa, mu cilwi cabwizu bwa mbizi antomwe awa, a maanzi mu cidindi eci, alimwi cakali buyo mbuli cisowelo catombe, mbuli. Ee, Mwami wakakanana kuli ndime kwini a kuti, "Ko ciyaka mpoonya awa." Kaatakwe kkobili lya mali, alimwi akati kesu twa kajisi kutandila—kutandila maseenti ali makumi ali lusele na dollar. Elyo oko, mubwini, inga waseka eco eno, pele, mukwesu, ayo akali mali amwi kaindi.

¹⁰ Cindi simukobo umwi ajika mupika wa bunyangu, nkabela baka jana simukobo oyo wata kajisi cintu kwa mazuba obile na otatwe, kuboola akulya masyoonto, ezyo zyakali ziindi ziymu. Bunji bwa balombwana baniini tii bakabona oko, pele oko kwakali kweenda kuyumu. Nda kabona ciindi noka konzya kwiinda mu mbungano eyi mutiba waku yobolweda, ziindi zyobile, na zyotatwe, aku jana maseenti ali theeti kuzwa kubusena bwakazwide, a kulombelela ncico. Ni caka... Antela noka jana maseenti ali theeti, a kuba amulumbo mubotu. Mwabona? Bwalo mbweende bukatazya.

¹¹ Elyo tii twa kajisi cintu cakuyasya, nekubaboo i-i kuyandisya kwa bantu kwa keelede kuyaka mbungano, kutegwa katu konzya kuba a busena bwa kuunka. Nkaambo, mu mazuba ayo... I Mulumbe, ee, muyeeya kuti Wa kali muyeeyo mubi lino. Yebo wa keelede ku Ci ziba mpawo, cindi kwa tanooli muntu,

elyo mpawo lubapatizyo olu lwa maanzi mu Zina lyu Jesu Kristo, a i—i zilongezyo a zintu nzo tu syoma a kwiiminina.

¹² Aboobo ku moyo wangu Nda kapanga cisyomezyo kuli Leza, kuti inga twa kkala awa a kuyaka cikombelo. I cifumo ni twa bikka ciswi cabuyake, Wa kandi swaana okuya mu cilengaano, kutandila eiti okuloko cifumo eco, cindi Ne kakkede alya, nke langilila koonse, zuba kali boola, kutandila buyo ciindi eci ca mwaka. Elyo Wa kandaambila, Na kamana kundi swaana kunselelo okuya ku mulonga, a Ceeco, cindi Angelo wa Mwami nakabonekela mu Mumuni oyo. Nda ka Mu bona kulaale. Wa kaboneka mbuli nyenyezi. Elyo Wa kaseluka ansi eni Mpe kabede, alimwi alo Majwi mabotu loko akaambwa. Elyo aboobo, mpawo, Nda kakanza mpawo kujana busena bwa bantu bwa kukombela mo.

¹³ Lino, Nda kayeeya, lwangu, “Ta cili cangu pe. Ta cili cintu kuli ndime.” Pele nekubaboo kufumbwa cintu cijatikizya Leza ncibeela cangu, takukwe makani ikuti na cili... Kufumbwa cintu eco—eco ca bana ba Leza, nca ndime, naa mbulizi bwangu kucita *ceeci*, na kucita *ceeco*. Mbulizi bwangu kubona ku lukono lwa Leza, kakutakwe kulanganya oko nko lubede. Mwabona?

¹⁴ Mbuli buyo mbonga waamba, “Ee, ma...” Mbuli kuti wakali mulombe muniini, kaamba, “Mulimo wangu—wangu ngwa kugonka nkuni, kutali kuzibikka mukati. Lekela Johane azibikke mukati. Ta ndikwe makani na caanda cawa aali nzizyo, mvula. Mu leke azwe aka zibweze.” Peepe. Mbulizi bwako mbuli ii—mbuli mwana wa muunzi oyo kubona kuti ezyo nkuni taziteti meenda, zya banyoko. Wabona? Zibikke mukati.

¹⁵ Ikuti na baamba kuti, “Ee, Frank weelede kaunka kuyo leta maanzi. Taili ncito yangu.” Pele ikuti na Frank taka teka maanzi, ni ncito yako ya kumamela maanzi. Kwa mana. Lino, eyo nje nzila buyo mbo ceenda.

Elyo nje nzila mbo ceenda mu mukwasyi wa Leza, awalo. Ikuti na bamwi babo—bamwi babo balati...

¹⁶ I umbi, kutali ciindi cilamfu cakainda, wakati, “Leka kukambauka nzila mbo cita. Ma, akaka, uyo nyonyoona mweenzinyoko oonse ngo jisi, a zintuzyonse mbuli ezyo.” Kati, “Cileke eco cilikke. Ndi lizi cili lubide, pele, ma, taili ncito yesu.”

Ee, ino ni ncito yani kai? Ikuti na uli lubide, muntuumwi weelede kucicita, aboobo atu cicite buyo. Elyo nje nzila Mbwe limvwa kujatikizya Mbungano.

¹⁷ I mabambe aa buyake azimwi zimbi aboola, kutanta akuseluka, kutanta akuseluka, elyo kwakali bubotu a buyumuyumu, mu mayake, a zimwi zimbi. Umwi wakali kuciyanda, alimwi umbi takali kuciyanda, alimwi *eci*, *eco*. Yebo, ula cijana mbuli eco.

¹⁸ Inga mwajana eco mbuli mbo mucita aakati ka bakutausi, aakati ka zisangabalilo, aakati ka zisangabalilo, masena oonse nko maya. Oko nko mujisi nkamu ya bantu, mu—mu jisi mizeezo yandeene. Elyo aboobo, nkikaako, weeled e kuba a muntu omwe ngo bikka kaanzambwene, a kusala muntu oyo. Milimo yoonse a ceeco.

Mbuli buyo mu mpi, mweelede kuba aumwi geniro, ayo nge mahedikkota. Silutwe waamba *eci*, ngu silutwe wa nkamu eyo, pele mpawo geniro ula konzya kucinca malailile aakwe.

Elyo Mupati Uulailila Mupati, mubwini, ngu Jesu Kristo, mu Mbungano. Elyo bakutausi Bakwe mbe basilutwe Bakwe ba nkamu, abo—abo ba Mwi imininaa ano aa nyika.

¹⁹ Elyo ba soleka zintu zinji, cikombelo ciniini okuno. Elyo kumalekelo . . . Nda kuumuna muli ncico, kubona buyo, Ne kamana kwiiyaka. Elyo mpawo Mwami waka nditumina mu masena akubelekela, kutandila myaka ili kkumi ayosanwe, kkumi acisambomwe yakainda, elyo Nda kasiya mbungano.

Pele, nekubaboo, Nse konzyi buyo kucisandula. Nda kabikka zina lyangu lyoonse kuli ncico, kutegwa inga Nda aba avooti ciindicimwi ikuti na cintu cilubide catalika omuno. Inga ndaba anguzu zya kuboola a—a ku cilesya, nkaambo Nda ka cipengela kwa myaka minji kunze lya cikambaukilo *eci*, myaka ili kkumi aciloba mukati muno, ku kubamba cintu cigaminina. Cindi misyobo yoonse ya tukamu twazilengwa zita tonkomene a kumwaika, a misyobo yoonse ya kakamu kanguzuuzu. Elyo mukuba basitubungwe banji, zintuzyonse zyakaulukila mukati, zyakauluka mu nzila *eyi*, alimwi ku lugwasyo lwa Leza twa kaima awa a Makani mabotu aanjoloma, alimwi uciimvwi mbubonya sunumasiku. Mbubo, aboobo tu . . . Pele kuli ziindi ezyo mbungano eyi niya kasola kusambalwa kuzwa kunsi lyangu, a zintuzyonse zimbi mbuli zeezyo. Ikuti na zina lyangu tilya kajatene kuli ncico kunselelo okuya, baa, incobeni nilyakaba, cali mu ciimo cibyaabi masiku ano. Kutali . . . Elyo nsekali ndime, wakali Leza, mubwini, eco caka cicita.

²⁰ Elyo mpawo, mbuli Mbwe cibona lino, kuboola mu busena obo mbo cibede, alimwi tu ponena mu oora pati, cicili kuyandisywa kwangu kwa kwaamba cintucimwi kujatikizya mbungano eyi, mwabona, nkaambo nci—nci beela cangu. Takukwe makani na Ndili waano na pe, cicili cibeela cangu. Elyo mbulizi bwangu ku cibona kuti cibeleka kabotu, bweelede, alimwi ku bubotu loko Mbwe konzya ku Bwami bwa Leza.

²¹ Elyo Ndili lumbide kapati, kuti, mu mazuba aya, Nda bona ili jisi mitabi miniini kuli njiyo, eyo Nce lumbila. Mukwesu Crase okuno, nkamu yakwe ya Sellersburg; a mukwesu kusule okuya, oyo wakatola buyo busena bwa Mukwesu Snelling ku Utica; a Mukwesu Ruddell kutala okuno; a Mukwesu Junior Jackson; a balombe abo bayandisi, balo baalumi babotu, baalumi babotu

iba Leza. Ba kambauka Mulumbe oyu. Lino, inga bacita, umwi inga tazuminana kuniini acintcimwi na cimbi, oyo muntunsi buyo akati ka nkamu ya bakutausi. Elyo ikuti na bakambausi bajisi lwandaano luniini, takukabi i—i cimvule ca lwandaano muli ncico.

Ndiza umwi inga wati, “Nda syoma kuti Mileniamu iyo boola, nkabela Jesu uyooba aa mbizi iituba.” I umwi umbi wati, “Nda syoma, cindi Aboola, Uyo boola aatala lya kkumbi lituba.” Ee, kufumbwa kuti ba syoma kuti Ula boola, eco nce cintu cipati, mwabona, takukwe makani obo Mbwa boola. Buyo, bala syoma kuti Ula boola, a kulibambilila kuli ncico. Elyo nzila eyo . . .

²² Nda kasola kujana lino. Elyo Nda kali kulangalanga. Nda ka caamba kumbele lya mbunga. Nda kali kulangalanga Mbungano ntaanzi. Elyo Nda kalangilila nzila bantu abo bakananikidwe mboba kabamba Ng’anda ya Mwami, a ncililano ya kukomba kwa Mwami mu Ng’anda, nkabela cakandi jata, kabotu loko. Elyo Nda kakambauka kuno ciindi cimwi cainda, alimwi aa ciyo ca Joeli 2, “Njo boozezya, mbwaamba Mwami, myaka yoonse diingo njoya kalya, a camusokonya, a nsabaandwa, a zimwi zimbi.” Elyo Nda katalika kulangalanga ali ceeco, kujatikizya eco baalumi aba ncoba kacita, a nzila njo bakamamela Mbungano eyo Leza njaka basiila kulanga.

²³ Lino tuyu talikila a Mbungano ntaanzi, a Kwi leta buyo kutandila maminiti osanwe lino, kunselelo kuli ceeco ncoba kacita, elyo mpawo Nda konzya kumutondezya cilengaano eco Nce jisilidi ciindi ciza. Lino, ku matalikilo, Mbungano yakali mu kugwasigwa ku Pentekoste. Elyo ngooyo Muuya Uusalala waka bawida, awo Jesu mpa kasala bali kkumi ababili. Elyo umwi wabo wakali wide, elyo bakasala Matiasi kutola busena bwakwe. Elyo Muuya Uusalala wakalindila kusikila zyoonse ezi zyakali mu ncililano, ka Utana boola. Ba kacita kusala umwi kutola busena bwa bubbishopo bwa—bwa Judasi, oyo wakawa ku nsotoko, ku kuzulizya Lugwalo.

²⁴ Elyo Ndi syoma kuti zintu ezi zyoonse zili jisi ciindi cakukakatila, kulindila, pele cilindila ciindi ca Lugwalo kuti luluzilizigwe, kusikila zintu zyoonse zila lulama, zintu zyoonse mu ncililano, kazilindila. Ziindi zinji tubula luka- . . . tubula lukakatilo, mbuli mwana. Tu bupati . . . jana kulangila kupati, alimwi ziindi zinji kusotokela ambele loko, elyo oko—oko kusinkila buyo mulimo, kusikila mulimo waka janikizya. Mwabona? Twe elede kweenda buyo cabulemu, kuba a bukanze mu moyo kuti Leza, ikuti na Wa yanda ku tubelesya muli *ceeci-a-ceeci*, pele lindila kusikila Ajule, nkaambo We elde kuunka kumbele yesu.

²⁵ Amuyeeye Davida kaya ku nkondo busiku obo? Wa kali katede kujatikizya nkondo eyo, alimwi waka kkala kunsi lya masamu ayo a mulubbeni kusikila wa kamvwa Mwami mu

kucwacwalika kwa matu, kasika kuli nguwe. Mpawo wa keenda a camba, nkaambo wa kalizi kuti Leza waka unkide kumbele lyakwe.

Elyo ikuti na twa cita buyo eco, bakwesu. Mukuziba kuti nkondo yeelede kusika, pele twe elede kulindila mane tuka bone janza lyu Leza kali boola kumbele lyesu, ku kubamba nzila.

²⁶ Lino, Nda bona kuti obo mambungano, buvangeli bwakatalika kumwaika koonse. Elyo mpawo tuyu bweza, kupa mukozyanyo, Paulo kaba missionari mupati ku bantu besu. Tu jana kuti wa kaunka, kufumbwa oko Mwami nkwa kamusololela, nkabela wa kayaka mbungano. Elyo lwakali Lusyomo lupya. I mambungano aa mazuba ayo, mbuli mu Asia Niini, moonse mu Europe, tii—tii ba kasyoma Mulumbe oyo. Elyo cindi na kacita kukambauka Mulumbe, a banji bakasanduka kuli Nguwo, mpawo kwakanyina umwi... . Iku na wa kasiya bantu mu ciimo eco, inga batuntulika kujoka ku tuleza twabo twa bupagani, amu bukombi Bwacijuda, abumwi bumbi, nkaambo bantu teeba kajisi umwi wa kuba yiisya. I—i basanduki, tiiba kajisi busena bwa kuunka, aboobo Paulo wakayaka mambungano mu zibeela zyandeene zya cisi.

²⁷ Imwi aimwi ya mambungano aya, wa kasiya muntu umwi oyo wakali mu ncililano, muntu oyo wakali kuyaaminwa kuba kabotu usyomeka, muntu waka zizilwe mbuli mweembeli, mweembezi. Na, mpawo, kuzwe mbungano eyi mpawo kuba... . Mambungano ambi akazwa kuli njiyo. Baalumi bakubusyi a bamadaala bakabuka, a kuba mambungano kuzwa kuli eco. I muntu wakali kweendelezya mbungano ntaanzi waka tegwa bishopo. Elyo mpawo bakwe abo ba kazwa kuli nguwe, bana bakwe, baka itwa kuti beembezi, na beembeli. Elyo mpawo... . alimwi nkamu aimwi ya mambungano maniini oonse ayo jokela kuli bishopo oyu.

²⁸ Mbuli mu ciindi ca Irenaeus, wa ka zumanana a cintu nciconya. Martin waka zumanana a cintu nciconya. Polycarp waka zumanana aa cintu nciconya. Kuzumanana ncobeni muciindi ca bukkalo, baka jisi eco. Elyo mpawo muapostolo wa Mbungano, muapostolo, oyo wakali Paulo. Elyo cindi Paulo nakazwa, Johane wakatola bweendelezi bwa Mbungano. Elyo cindi Johane nakazwa, Polycarp wakatola bweendelezi kuli Njiyo. Cindi Polycarp nakazwa, Irenaeus wakatola bweendelezi kuli Njiyo. Elyo kuyabuya muciindi cakatabela, Martin, abamwi bambi.

Kazumanana buyo kuyabuya kusikila mbungano ya Katolika ya Roma yakapasaula cintu coonse, a ku baumpa, a ku zimwaya. Elyo diingo lyakalya *ceeci*, alimwi nsabaandwa yakalya *ceeco*. Elyo azimwi zimbi zya kalya *ceeco*, a kulya *ceeco*, kusikila baka Ci leta kulaale kunselelo ku cikuba.

Lino, pele, Leza wakasyomezya kuboozezya alubo cintu eco nciconya.

²⁹ Ndi jisi . . . Nda syoma, a moyo wangu oonse, kuti tu pona mu mazuba aa mamanino. Nda syoma kuti taakwe—taakwe kunji loko cinga capasaula eci, kufumbwa cintu . . . Elyo bupanduluzi bwangu inga bwa lubila, ku Magwalo, kuti Jesu takali kukonzya kuboola sunumasiku. Ndi syoma kuti eco ciniini cisyeede ku zulizigwa, cikonzya kuzulizigwa kakutana kuca cifumo, elyo Nda kali kubona. Elyo inga Nda lubila aa ciindi ca kuzulizya oko, pele cili afwaafwi. I . . . Nda syoma eco.

Elyo, amuyeeye, Paulo wakasyoma eco. Johane wakasyoma eco. Polycarp wakasyoma eco. Irenaeus wakasyoma eco. Martin wakasyoma eco. Boonse bamwi babo baka cisyoma.

³⁰ Ino kuti Leza nakaambila Johane, siku yubununa, “Lino, iyooba myaka ili zyuulu zyobilo kakutanaba Kuboola Kwangu”? Johane naka jokela a kwaambila Mbungano, “Ee, Ndi yeeyela kuti inga akwalo twalya, kunywa, a ku kkomana, nkaambo kuyooba mazyalani manji.” Mwabona? “Jesu tabooli kwa myaka ili zyuulu zyobilo.” Mwabona? Aboobo, mwabona, Mbungano niya kaangululwa. Ni kwaataba “aa mpa.” Ni kwaataba kulindila.

Elyo nekubaboobo, nkulangila kwanu, ikuti na mwaona mu kulangilila oko, kuti mwa sinsimuka a bulangizi mbubonya. Nkaambo, ta cika sinkili cintu comwe. Muyo oba mpoonya awo aa ciindi, nekuba. Mwabona? Mwabona eco Nce wamba?

³¹ Lino, cindi—cindi Musalali Martin wabuka mu bubuke, Musalali Paulo, boonse bamwi babo, kuyooba mbuli bupya kubotu mbuli kuti bakali moonya mu nkondo, kulwana mpoonya awo, nkaambo baka selemukila kwini kunsi lya bulangizi obo mbubonya, kulangila Kuboola Kwakwe. Elyo kuyooba Kukwiila, elyo kutala kuyo boola Mbungano yoonse. Nywebo mwabona? Kuyooba mbubo. Aboobo, tacikwe makani. Mwabona?

³² Twe elede ku Mu langila ndyoonya lino. Akwalo . . . Ta tuzi. Inga—inga cakonzeka kuti inga caba myaka ili mwaanda kuzwa lino. Inga yaba myaka ili myaanda yosanwe, myaka ili cuulu, myaka ili zyuulu zili kkumi. Ta ndizi. Taakwe uuzi. Pele, kwaamba, kupa mukozyanyo, kuti twa kapona buzuba abumwi, kuti Wa kali kuboola buzuba obo. Mwabona? Ikuti na twa kapona mbuli kuti Wa kali kuboola buzuba obuno, cindi twa sinsimuka, ikuti na twa ona, elyo tula buka mu bubuke, kuyooba kupya kubotu mbuli kuti twa kazwaa koona, kuzwaa kusinsimuka. “I mweembo uyo lila, bafu muli Kristo bayo buka lutaanzi; swebo tobaumi a basyaalizi tuyu kwempwa antoomwe a mbabo, kuyo swaana Mwami mu mulengalenga.” Mwabona? Aboobo ciyooba buyo mbuli cipywa.

³³ Pele lino, kusikila ku ciindi eco, kusikila Aka boole, tu yanda kupona buzuba abumwi mbuli kuti Wali kuboola miniti litobelwa,

nkaambo inga aba mamanino aa buumi bwako ku miniti eelyo. Yebo tozyi cindi noya kuunka. Oku inga kwaba kuyoya kwesu kumwi kwamamanino, tuli kujisi muli ndiswe lino, aboobo uyanda kupona mbuli mbo kubede.

³⁴ Pele lino kuzumanana, ambele, tweelede kubikka mano aa maulu awa aa miseenga ya ciindi, ayo bamwi ngoba konzya kubona. Ikuti Paulo nata kazumanana nzila mbwa kacita, mpawo Johane nataka ziba nzila yakutobela. Ikuti na Johane nata kaunka kunembo, Polycarp nata kaziba nzila yakutobela. Ikuti na Polycarp nata kazumanana, Irenaeus nata kaziba nzila yakutobela. Ikuti na Irenaeus nata kazumanana, Martin nata kaziba nzila yakutobela. Mwabona eco Nce pandulula? Umwi aumwi weelede kubikka mano aa miseenga ya ciindi.

³⁵ Ee, ikuti na Nda kayeeya kuti kwakali kabungwe na kufumbwa nkamu imbi ya basyomi, baka jisi cimiwi cibotu kwinda nco tu jisi okuno, bakwesu, Ne kayanda kusanganya oyu mibili muniini ancico cakufwambaana. Nda kalindila, Nda kasukamina, Ndili kunsi lya bulangizi a kusyoma kuti umwi mupati uya kuboola buzuba bumwi, na ndiza musinsimi mupati oyo Ngwe kanana uyo boola, wa Elisha. Nda kasyoma lyoonse a kuyeeya, ndiza, kuti ndiza inga Nda pona kubona buzuba obo cindi Ne konzya kucinca, cindi Ne kabona muntu oyo kabuka aa cilao, mpawo Nda kali kukonzya kubweza mbungano yangu niini a kwaamba, “Bakwesu, *oyu* ngo muntu ngo twa kalangila. *Oyu* muntu, ngo nguwe.” Nda kalindila eco.

Elyo ikuti na mubwini eyo yaindilila, mpawo Ndi langide kwaamba, kuzwa atala *awa*, “Bakwesu, *oyu* ngo Nguwe,” kuzwa *awa*, mwabona. Elyo Ndi—Ndi yanda kubona mbungano kaibambidwe mbuli boobo.

³⁶ Kweelede kuti ndaka njila cintucimwi, na kucita cintucimwi, a kubikka buumi bunji mu cintu eco. [Mukwesu Branham wasunzya maikkrofooni—Mul.]

³⁷ Aboobo lino Ndi yanda kwaamba ceeci, kuti, lino kuti eyi ni mbungano yakayakwa.

³⁸ Andi ime buyo alubo, aniini buyo. Cindi ni Nda kaunka ku Bombay, Nda kabala kuti muswaangano wangu mupati maningi nkaambo ka nguzu ngo waka jisi aa bantu. Elyo Nda . . . Ikuti mu Africa, baamba kuti bali zyuulu zili makumi otatwe bakasika kuli Kristo ku ciindi comwe, mpawo kwakali bali mwaanda a makumi osanwe, na zyuulu zili myaanda yobile bakaboola kuli Kristo ku ciindi comwe, kuzwa ku cisela ca milioni awo. Mwabona? Ncinzi Nce konzya kucita? Kwakanyina cintu. Antela, ndiza, kwaamba kuti kwakali, kwaamba buyo, kwakali zyuulu zili mwaanda zya mbabo. Kwakanyina mbungano, taakwe Nce kali kukonzya kucita. Kwakanyina muntu waku bapa. I Mulumbe oyo Ngwe syoma, Ndi . . . Tii kwakaliko akwalo kabungwe ka Pentekoste kakakonzya kubeleka antoomwe a

ndime. Elyo boonse bantu abo baka jokela muba Sikhs, Jainisi, buna Buddhi, kufumbwa kumbi nkoba kazwida. Taakwe busena bwaku babikka. Lino, ayo mause. Ayo mause. Mwabona? Nkaambo, Nse kajisi kubelekela amwi, nkaambo ka kwiima oko Nkwe bweza. Mwabona?

³⁹ Ee, mu Africa, Nda kanjila omuya kunsi lya lugwasyo olo, lwa i—i—i A.F. ya M. a Afrikaans Faith Missions. Elyo cindi Ne kacita, mubwini, Nse konzyi kuzuminana a mbabo. Balo, bala bapatizya bantu mu lubapatizyo lwa butatu, ziindi zyotatwe, busyu kuya kumbele. Elyo umwi wabo ubbizya ziindi zyotatwe, kusalama. Umwi wa leza omwe, Taata; umwi umbi wa kaleza kambi, Mwana; umwi umbi wa kaleza kambi, Muuya Uusalala; a kubapatizya ziindi zyotatwe zyandeene, ku baleza botatwe bandeene, a zintu zyoonse zili boobo mbuli eco. Elyo, antela, muswaangano waku Durban, kutali kuba anguwo kabotu, elyo bantu bala bona kusabalangana kuli boobo akati ka lusyomo lwa Pentekoste azimwi zimbi, bantu teeba kazyi acakucita. Teeba kajisi busena bwa kuunka.

⁴⁰ Antela, ino kuti ni twali jisi buyo lubukulusyo awa, bakwesu? Andi lubikke mbuli boobu. Ino kuti twa kazwaa kumanizya a lubukulusyo lupati, elyo nywebo bakwesu nomwa kazwaa kusanduka, elyo kwakanyina mbungano ya musyobo oyu mu cisi, amwi; elyo Nda kali muvangeli, elyo lino Nda unka kuzwa, antela tamu kandi boni alubo? Ino inga nacita nzi? Inga nokalimvwa mbuli kuti tokazi cakucita. To konzyi kujokela ku ntimba eyo alubo. Tamu konzyi kujokela ansi okuya, a—a bamakaintu banu kuyo sama zigonkolole, a zyanu...a ku maparti anjuka a zizyano zyanu, a zintu mbuli ezyo, a kusola kukkutila alubo.

Wa boola ku Buumi. Wa sumpukila atala lya cintu eco. Wa sika ku busena, mibusena bwa kwaamba, "Aka nkayanza kesu kabuzumini," kaamba, "Eli ndi Ijwi lya Leza." Elyo waboola kuponera kuli Ceeci, eco Eci necaamba. Elyo kutali cintu...

Elyo wa selemukila okuya aku baswili, a kubamvwa kabaselemuka kusobana zya njuka, akuba cizyano, elyo eci, eco, a cimbi, a ku niini kwa mulumbe oyo wata kajisi cintu muli ncico, kujatikizya meya na cintucimwi, na uyo salwa lwabili, na musyobo umwi wa makani aatunzenyu, akukosola mu maminiti ali kkumi na kkumi aosanwe; kakuli wakali kkede awa, buzuba a buzuba, a majubbili mapati akubulyobulyo bwa Ijwi a zintu. Inga toziba cakucita.

Inga waba amukuli maningi ancico, kusikila nobamwi mamembala buyo inga mwalmivwa mbuli katalika mbungano, a katalika ku Li kambauka lwako, nkaambo moyo wako inga wapya nkambo ka Ijwi lya Leza, alimwi inga walimvwa bubi ku bantu bakalimvwa nzila njiyonya njo kacita. Lino, sa eco tacili kabotu?

⁴¹ Nekubakuti mulizi kuti Jesu wakali kuboola, kayeeya kuti Wa kali kuboola juunza, nekubaboobo inga mwayanda kucita cintucimwi sunu ku bantu abo, basicisi nyina ba Bwami bwa Leza, kuboola antoomwe. Mu yanda luswaanano a mbabo. Mbo mbubo. Aboobo ikuti na eyi nje nzila . . .

⁴² Lino, Nda syoma a moyo wangu oonse kuti Mwami waka ndigwasya alimwi waka ndibelesya kutalisya lubukulusyo lupati, umwi lupati maningi olo lwa kasola kuuma inyika kuzwida ku mazuba mataanzu, ku inyika yoonse. Tu lizi obo. Mbo mbubo. Ca kali manide ciindi eco, alimwi—alimwi Wa kandi swaana kunselelo kuya ku mulonga a ku ndaambila kuti Mulumbe oyo Ngwe kajisi uyo sololela Kuboola kwabili kwa Kristo. Elyo Ndi yeeyela kuti taakwe muntu awa sunumasiku wakali kunselelo okuya buzuba obo. Oko kwakali kutandila myaka ili makumi otatwe ayobilo yakainda, cindi oyo Mumuni niwa kalibonya; elyo nkeimvwi alya, mebo nkelangide nkoonya kuli Nguwo. Myaanda ya bantu kabaimvwi, kaba Ulangide. Wa kaboola ncobeni aansi, nkabela Jwi eelyo ly a kaamba.

⁴³ Myaka yakainda, ceenzu kuti kkamera yaka kkopa cifwanikiso nciconya, kuboneka cintu nciconya mbubonya buyo Nce kamwaambila, kunselelo ly a mulonga. Lino, inga Nda lubila mu zintu zinji, bakwesu, pele ta Ndi yandi kuba sikuupaupa. Ndi yanda kusyomeka a kululama kuli ndinyewe.

⁴⁴ Elyo mpawo, cintu cimbi, ikuti Ne kaunka, inzi? Ni twa—ni twa takayaka mbungano okuno mbuli boobo. Nciyumu kwaamba eco nco twa kali nooba aco, mwabona, ikuti na Nda kazumanana buyo. Pele Leza wa Julu waka cibikka ku moyo wangu kuyaka mbungano eyi awa. Elyo mpawo cindi Na kandi tumina mu buvangeli . . . Twa kali jisi mweembeli kutobel a mweembeli, abumwi bumbi, pele lino tu jisi ii—ii mukwesu muyandisi awa wa Lusyomo, ula usyoma Mulumbe. Tu jisi bakwesu bambi okuno abo basyoma Mulumbe. Kuba . . .

⁴⁵ Sa Ndiya bumvwika maningi, Mukwesu Beeler? [Mukwesu Beeler waamba, “Aniini.”—Mul.] Ncibotu, atu bone. [“Peepe. Ko zumanana.”] Inzya. Kajisi . . .

Tu jisi—tu jisi cintu.

⁴⁶ Elyo lino yebo wati, “Ee, Mukwesu Branham, ikuti na taba kamvwi zitondezyo a zigambyo ezi zya Leza mupati wa Julu, mbobuti mbo tuyu cicita?” Ee, lino, ino kuti Musalali Paulo naka jisi muzeezo oyo nguwenya? Mwabona? Inzi? Pele ta kacita. Abo mabishopo baka kkala cakusyomeka ku Mulumbe! Elyo ba . . . Elyo Paulo, kanji loko, nakamana kubamba nyendo zyakwe . . . Mwa kabala Bbaibbele, obo mbwa kajoka swaya mambungano aya, kwaambaula a beembeli, a ba mabishopo, abamwi bambi, a kupumuna kuzwa ku bantu, alimwi—alimwi kajisi, oh, ciindi buyo cipati ca luswaanano, mbuli lubukulusyo na ciindi cipati

ca jubbili. Elyo Muuya Uusalala wakali kunga wabawida, elyo milumbe yakali kunga yaboola.

⁴⁷ Amulange cindi naka selemukila okuya kuli Filipo, nobaba bana bakwe basimbi bakasinsima. Elyo kati, "Kuli nketani a ntolongo kulindila ii—ii mukwesu wesu cindi asika kutala kuya." Ta kazwa buyo mu lubuwa, elyo mpaawo kwa kaboola Agabu, musinsimi, kaselemuka, kalanga koonse mu kagwagwa. Elyo takalina bona Paulo, mulinguzi wakonse, eyi nkamu yoonse ya mambungano moonse mu Asia. Elyo wa keenda okuya a kukwela katambo kuzwa ku lubazu lwakwe, wa kalyaangide cikobela cakwe, kaanga maanza akwe a kuti, "MBUBOOBU MBWAAMBA I MWAMI, nketani a ntolongo zilindila umwi oyo waka samide ceeei kutala okuya." Mwabona? Kusinsima.

⁴⁸ Paulo wakati, "Ndi licizi. Ndi licizi. Pele uta nyonganyi moyo wangu eno. Andi manizye lweendo wangu." Wa kali katede. Wa kali manide. Elyo wa kali kwiinka kuyosiya bubbishopo bwakwe kuli Timoteo.

⁴⁹ Lino tweelede kuyeyya bantu bakubusyi. Tuli jisi bana. Bunji bwesu swebo to bantu awa, baalumi bakwete, tuli jisi bana. Ee, ino kujatikizya mbabo abo baboola? Mwabona?

⁵⁰ Mbuli mbo Nda kali kubbansa, ansi awa, kujatikizya kuwaala oto tunyandi mu mulonga, ku zigusya mu zifuko; a zyakunywa, bakolwi a zintu. Nda kazibona kazilundana kulampa mbuli eyi siling'i awa, nswi, zipati zibotu kazibikkidwe alya. I kununka inga kwaba koonse ku mulonga. Nda kaselemuka, mbuli sikulanga banyama bamusokwe, ku babamba kucilesya. Ndi jisi lugwalo, "Koaleka alikke. Ino uyo cita nzi? Ci zulilwa ku Kentucky." Lino, sikumamela muna Kentucky takonzyi kusika okuno, nkaambo ulizwide mu cooko cakwe. Sikumamela muna Indiana ta jisi cintu ca kwaamba mumo, nkaambo maanzi azulilwa ku Kentucky. Nceeco we. Taakwe cikonzya kicutwa.

⁵¹ Nda kati, "Ndi jisi mulombe uboola, uyanda kuzela nswi. Baa, bakali kubikka cifwanikiso cakwe mu pepa ikuti na wajata aniini, myaka ili makumi obile kuzwa lino; kulekela eco kuzumanana mbuli obo, oto tunyandi, tooze, zintuzyonse zimbi." Elyo ciya buba mbuli ceeco ndyoonya lino. Mwabona? Ino ndipenzi nzi? We elede kuyeyya baaba baboola.

⁵² Aboobo tweelede kuyeyya bamwi abo baboola kusule lyesu, bantu aba baniini, a zimwi zimbi, a busena bwa bana besu. Bana besu basimbi, ta tubayandi kuba mu nyika, mu zintu ezi mbuli ezyo. Tu yanda basimbi kukomezegwa mbuli bamanyina babo. Elyo tweelede kulibambilila kuli ceeco. Elyo ikuti na kwiina juunza, ta tuzi obo. Ikuti na taakwe juunza, taakwe nco twa kacita pele kali mulimo wa Simalela a kujanwa ku bulizi bwesu bwa mulimo cindi Na boola. Mwabona?

⁵³ Aboobo, inga Nda yeeyela boobu. Nda cita, ku Mukwesu Neville. Atu bweze ceeci mbuli buyo mbo tu jisi. Atu cileke buyo nzila mbo cibede.

Ndili lumbide ku bakutausi aba bakubusyi. Mwabona, mubwini, ku Buzuba bwa Lubeta, ku makkuti aya oonse kwiinda awa, takukabi ntamizyo, nkaambo tujisi mabungano masyoonto ali ku masena amwi, mitabi, intabi ziswiilila, akulindila.

⁵⁴ Busiku bwainda Nda kali mu mbungano ya mukwesu, a kubuzya ikuti na boonse omuya bakali kwabilidwe kunze lya Ijwi. Elyo maanza oonse anyamunwa. Lino, eco caka ndibamba kulimvwa kabotu. Mwabona?

⁵⁵ Lino, eco ncenga Nda yeeya, inga caba eci, bakwesu, eco mbuli mu mbungano awa eno. Ndi... . . . Mulimo wangu ulijisi, zintu zibotu kwiinda zya kuyeeya kwangu, zintu zyone ezyo zikonzya kicitwa. Elyo antela tii zyaba zyone, pele oko nko kulanganya kulikke Nkwe konzya kuyeeya; ikuti na Oyo wakakanana kuli ndime kunselelo okuya ku mulonga, ikuti na oku nku koonse kwa kasiilwa mbungano ya Bamasi.

Kwalo, tula mvwisyta, mu Ciybunuzyo, nchipati, citaanzi, cabili acatatu ku Mbungano. I Mbungano yainka kujulu, mu cipati 4. Ta ijoki limbi kusikila ku cipati 19, eco nciindi Mwaakwe wa Mapenzi cindi Leza naita ba Juda. Mbo mbubo.

⁵⁶ Elyo mbuli Enoki, wa katanta kakutanaba dosi lyomwe lya mvula kusola kuuma nyika. Wa kalizwide, mpawo mapenzi akatalika kuba. Mwabona? Nowa wakali mu bwaato mapenzi kaatana talika kuba. Lota wakazwa mu Sodoma kakutanaba mapenzi amwi akaba. Mwabona? Elyo Mbungano ino unkide kakutanaba Mwaakwe umwi wa Mapenzi.

⁵⁷ Lino, mu mwaakwe wa Mapenzi mapati, ayo oba: nakalindu woona uyo vwimwa kuli simwaaba, a kuswida *maanzi* kuzwa ku mulomo wakwe, ayo aamba kuti, “makamu a bantu,” impi iyo langalanga a kubweza mwanakazi oyu, basyaalizi ba lunyungu lwakwe, nkabela bayo mujaya. Lino, eco ciyooba mu Mwaakwe wa Mapenzi.

Pele Mbungano iyo unka ku Muunzi. Lino, ikuti—ikuti na eco catola, ciyo citika juunza, inga tica tusinkila kuzumanana buyo sunu. Atu zwidilizye buzuba sunu.

⁵⁸ Lino, eco Nce yeeya, kunselelo okuya, ikuti na oyo Angelo wa kaamba Majwi ayo kuli ndime, kati, “Mbuli Johane Mubapatizi mbwa katumwa kusololela Kuboola kutaanzi kwa Kristo,” mwabona, “Mulumbe wako...” Nda keelede kutola Mulumbe oyu, alimwi “Uyo solelela Kuboola kwabili kwa Kristo.” Ee, ikuti na Eci cali Neico, mpawo tuli munsi loko loko, bakwesu, nkaambo oora a Mumuni wa Mulumbe zitandila kumana.

⁵⁹ Sena mwakabona cindi Pentekoste niyakawa, nkabela abo bakwesu baka zulwa ku Pentekoste, a Muuya Uusalala? Tii

cakali ciindi cili coonse kusikila Mulumbe niwa katalika kuzima, elyo ba katalika kubikka mambungano kuti bajatilile buyake bwa kucingilila, bwa Kristo, ka Mu langila kuboola. Ee, eco nce cintu nciconya cicitika sunu, ikuti na Lugwalo ndwa bwini, "Njo boozezya, mbwaamba Mwami, zyoonse ezyo diingo a nsabaandwa nco zyakalya." Lino, ikuti na eco neico, ikuti na oyo Mulumbe, alimwi, Leza kondi jatila, Ta-Ta ndizi. Ikuti na nce ncico, mpawo ciindi cili afwaafwi, ncobeni, nkaambo Mulumbe wamana.

⁶⁰ Elyo busiku bumwi, Nda kali kulota kuti Nda kaunka kuyooba a kutweluka oko nkamu mpati ya beenzuma nko baka bungene, zyuulu zya mbabo mu muswaangano. Kwakali mulombwana wakasika, wandi jata. Elyo Billy kanji ulaboola, kundi bweza, nkaambo toambauli kuli ndime. Elyo oyu mwaalumi wakali kwaambaula buyo kalembo ka bbulu. Elyo Nke tana kusika okuya, bunanike boonse bwakamana kuzwa kuli ndime, nkambo ka ncico. Elyo mpawo Nda kati, "Ee, Ndiyo unka buyo okuya a—a kukambauka Mulumbe, wa kwaambilila bantu abo, 'Mutali cengi a tubungwe oto,' azimwi zimbi, a, 'Amuzwe, mbuli boobu.'" Elyo cindi Ne kasika ku cibumbili, eco caka ndisiya.

⁶¹ Ta ndizi nco cakali kwaamba, pele Mebo, kuzumanana buyo. Ta ndizi buyo. Inga aba mamanino aa lweendo lwangu. Inga kwaba Kuboola kwa Mwami. Inga kwaba ku cinca kwa buzuba. Inga kwaba kuboola kwa oyo umwi singuzu, ikuti na kuli umbi kunze lya oyo waboola kale. Inga caba ceeco. Zyonse zintu ezyo, nko tunga twa jana, inga kwaba. Elyo mbuli mbo Ndi imvwi awa sunumasiku, kumbele lya Leza a nywebo bakwesi: Ta ndizi. Nse konzyi ku mwaambilila. Ikuti na Nda kacita, inga Nda mwaambilila, na inga Nse amba, kuleta cili coonse mbuli ceeci. Ikuti na Nse kazi nzila eyo... Ikuti na Ndi lizi nzila cintu mbo cakali kuunka, inga Nda—Nda caamba, pele Nse zyi. Nse konzyi kuziba. Ndiya bweenda ncobeni lino aa miswaangano kakutakwe kabehela komwe ka kusololelwa. Ndila inka nkaambo Nse yandi kukkanatala awo. Ndila—Ndila—Ndila yanda kuuka mu zisaka akwalo mbuli muntu uli oonse. Ikuti na Nda lubizya muli ceeci, Leza kondi jatila.

⁶² Kuli zintu zyotatwe zikonzya kucitika kuli ndime. Antela magolelo aa lweendo lwangu, a kulekela oyu umwi umbi kuboola; Nda kajula mugwagwa kuli nguwe kuti abweze, nkaambo, amuyeeye, oyo uboola kukambauka, uyooba aa Ijwi, "Kuboozya Lusyomo lwa bana kujoka ku matata." Inga aba mamanino aa lweendo lwangu. Inga kwaba kuti Uli mucinca mulimo wangu kujoka mu buvangeli, ku masi ambi. Na, inga caba kuti Ta kandiiti limbi ku muvangeli, alimwi Uli mukunditola mu nkanda ku busena bumwi, kuyondi nanika, kundi tuma mbuli umwi waka syomezegwa mbwa kuboola, Nda yeeya. Inga caba cimwi ca zintu ezyo.

⁶³ Nse konzyi kuzumanana mu nzila Mbwe kali kuunka. Nkaambo Ndili...I bantu baka ndisyoma. Nde—Nde elede kwaamba ceeci. Nda caamba kumbele lya bantu. I bantu, ziindi zinji, bala ndilemeka kuba musinsimi. Ta ndili langnaya ceeco lwangu. Peepe, munene. Nse citi. Ndi jisi... Nse ambi ceeco kuba mubombe. Nda amba ceeco kuba uusyomeka. Nse lilemeki kuba musinsimi wa Mwami. Nse—Nse jisi bulemu obo.

⁶⁴ Nda syoma kuti Mwami waka ndibelesya, mu zintu ziniini zisalesale, ku kugwasya ndiza kubikka ntalisyo ya musinsimi oyo uyo boola. Pele musinsimi tabeleki munzila Nje beleka. Lino, nywebo mulizi eco. I musinsimi tali muvangeli, alimwi muvangeli tali musinsimi. Ii mweembeli tali muvangeli, alimwi muvangeli tali mweembeli. “Pele Leza wakabikka mu Mbungano, lutaanzi baapostolo, mpawo basinsimi, mpawo bamayi, mpawo beembeli,” abumwi bumbi. Leza waka babikka mu Mbungano, nkabela Leza waka bapa ofesi.

⁶⁵ Pele, cifumo cindi Ne kabikka ciswi cabuyake! Nkaambo, lino, ikuti na uli simuuya, ula cimvwa. Nkaambo ka kulila kwa bantu! Ikuti na inga wa mwaya eco, na kubweza bbuku a kuli bala, lya kati, “Kocita mulimo wa muvangeli.” Taka ndiita kuba muvangeli, pele kati, “Kocita mulimo wa muvangeli, nkambo ciindi cijo boola nobata kaswilili ku Njiisyo mbotu, pele bayo gana kuli janina, bamayi, bali mbuli kuyanda kwa myoyo yabo beni kuti baka botelwe kubamvwa, nakabela bayo kuzwa ku Bwini kuya kuli zya mankwangwalizya.” Mwabona? Kabalulula Lugwalo olo a ku ndaambila awo aku Lu jana. Kaamba ziindi zyotatwe. Elyo Nda kabweza Bbaibbele a kunyonena oko Nkwa kandaambilila, elyo nceeco mbo cakabede. Elyo mpawo mulizi kujatikizya tugomo tobilo, twa Bumwi bwa Pentekoste a Assembilisi ya Pentekoste. Nse na zizabuka. Nda kabyala zisamu zyabo zini mpoonya awo mpo zya kabede, nkaambo Ndi yeeya kuti zili lubide zyobilo. Pele, kuzwa kuli ncico, Nda kali aa ciingano, ku butebuzi.

⁶⁶ Leza ulemeka muntu uli oonse usinizizye. Petro wakaamba obo. Wa kaziba kuti Leza takali kulemeku bantu, masi oonse kaita, cindi aa ng’anda eyo ya Koneliyo, cindi niba katambula Muuya Uusalala mbuli mbo bakacita ku matalikilo. Mwabona? Leza talemeki ciwa ca muntu. Tula bona muntu cakusakana a usinizizye, ula konzya kulubila cakusinizya. Pele ikuti na uli mukusinizya, Leza uyo musololela ku Mumuni, kubusena bumwi. Uyo boola kuli Nguwo, nkaambo Leza ulisinikizidwe kucita ceeco.

⁶⁷ Elyo tu yeeya makani aa Kuboola kwa Mwami, mukuba cintu ii—ii cipati boobo; a Mulumbe, buyo mbuli Mbo weenda. Amuyeeye, kuli nkamu ya kakanzwa kuba kokuno cindi Mwami abweeda, alimwi antela inga tii caba kutandila ku kkumi ababili. Mwabona? Ta tuzi. Inga aba mamilioni ali mwaanda; inga aba zyuulu zili kkumi. Pele ikuti...I bakakanzwa bayo

mvwa Mulumbe a ku Usyoma, ikuti na Walo Mulumbe wakatumwa aa Leza, oyo ngo tu Usyoma kuba.

⁶⁸ Lino, mpaawa mpo tube, mpaawo, mpoonya atala awa ku mamanino aa ciindi. Cindi, ikuti na Leza waka ndiita...Lino, amuswiilile, eci ta ceelede kuloolola. Ikuti na Wa kandiitila kuba musinsimi Wakwe, nkokuti Nse jisi mulimo ncobeni wa umwi. Basinsimi taba citi zya buvangeli. I musinsimi ulalisisa mwini mu nkanda, alikke, a Leza, kusikila walulama ncobeni, cigaminina eco Leza nca yanda kuti acite. Elyo ulajintauka ncobeni a kupa Mulumbe wakwe, a kujoka mu nkanda ula inka alimwi. Tali muvangeli, kajisi miswaangano, a kubamba kubeleka antoomwe, a zintu ezi zyoonse mbuli bavangeli mbo bacita. Ta yiisyi mbuli bavangeli. Uli jisi MBUBOOBU MBWAAMBA I MWAMI, nkabela nce ncico, alimwi kwamana. Ula cipa, ku cisowa, akulekela tufwapula kuwida nko tuyanda, elyo mpaawo ngooyo waunka alubo. Kwiina uuzyi mpa bede. Uli alikke, kubusena bumwi.

⁶⁹ Lino, Nse konzyi, na ikuti na Wa kandiitila kuba booboo, Nse konzyi kuba muvangeli. Elyo ikuti na Wa kandiitila kuba muvangeli, Nse konzyi kuba musinsimi. Lino, mwa cimvwa eco Nce pandulula? Nse zyi cakucita. Nda kacita, cabulemu, cindi Na kandaambila, lutaanzi, kujatikizya ndime jatilila janza lya bantu a ku bakombela, mpaawo kuziba maseseke aa moyo wabo, zyoonse ezi zintu zyandeene. Elyo, bakwesu, eco taci kakilwi. Nywebo mulizi obo Mbwini. Umwi aumwi wanu ulizi obo. Mwabona?

Elyo nzila Mbwa kandaambila kuti Uyo kasa koonse ku inyika, alimwi Wa kacicita mbubonya buyo! Cisi coonse kunsi lya majulu ca Cau mvwa, koonse, mitende, marekkordi aa teepu, masena oonse. Ta ndizi nzila mbo Wa kasola kucicita. Pele, kwiinda moonse mu inyika, magwalo alaboola mukati, a bantu kuzwa kumusanza kulaale mu Thailand, abana Hontentoti omuya. Obo aba bamamisionari mboba kasyankana kujoka omuya a mateepu ayo, akupa obo bupanduluzi bwa Ijwi. Elyo lino tula mvwa kuzwa ku inyika yoonse, mwabona, kuzunguluka inyika. Lino, balo, Mbungano, ili kanzidwe nyika mbiizulwa, kumasena oonse. "Kuba bobilo mu bulo; bobilo mu muunda," mwabona, kubweza omwe a kusiya omwe.

⁷⁰ Lino, mbuli Mbwe kacita mulimo wa muvangeli. Alimwi nkooku kukombeleyza kwangu. Ikuti na eco cila botezya kuli Leza, alimwi Nda cita mulimo kabotu, kusyoma kuti Nda Mu boteleyza, kulomba kujatilwa kwa bulubizi bwangu boonse, mpaawo ndiza Uyo ndiita kuzwa ku muunda wa buvangeli, kuba musinsimi Wakwe. Mpawo ikuti na mbo cibede, Ndiyo siya buvangeli. Pele ikuti na Wa ndita kuba musinsimi, Nse konzyi kuba muvangeli. Ikuti na Nde elede kuba muvangeli, Nse konzyi kuba musinsimi.

Ndili mukusanganya maofesi obilo. Awo mpe mpawo Nda kali kukwankwanya lyoonse. Nkeimvwi aa cibumbili, tii cakali cibotu, caka zwidilila. Leza waka bubelesya, pele Nse na kuyeeya kuti lwakali luyando Lwakwe lwa cigaminina. Lwakali luyando Lwakwe lwakuzumizigwa. Koimikila aa cibumbili, cilengaano na zyobilo ziyo kuzunda, kutandila. Mwabona? Elyo mpawo ikuti na waambila muntu *oyu* nzila ya kulilulamika mwini, aceeco cakucita; elyo mpawo muntu utobelala uliimvwi alya, ula ngila cintu nciconya. Elyo to konzyi ku mwaambila, citakuti Cintucimwi ca kwaambila ku mwaambila. Elyo mpawo bantu bamwi balimvwa mbuli kuti uli sikuteya, na sikuwa, na—na daimona na cintucimwi, nkaambo to baambili eco ncoba yanda kuziba. Mwabona, oyo tauli mulimo, nzila musinsimi mbwa beleka.

⁷¹ Ii musinsimi ukkala *okuno* kusikila wa bbunukila omya mu cibbadela, na kufumbwa nkwaunka, a MBUBOOBU MBWAAMBA I MWAMI, a ku caamba, a ku bbunuka kujoka alubo. Tali muvangeli, pe. Ta jisi miswaangano a kubandika zintu. Uli jisi Ijwi lya Mwami kufumbwa ngwa tuma.

⁷² Ikuti na wa katumwa ku White House, ula bbunuka nkoonya kumbele lya White House, kati, “MBUBOOBU MBWAAMBA I MWAMI.” Ikuti na nca mulangi wa cisi, kufumbwa na nguni, ngu MBUBOOBU MBWAAMBA I MWAMI. Ta sobani a nkamu ya mambungano, kusola ku banjizya kuboola mukati a kubweza Ijwi, a kukambauka zintu ezi mbuli bavangeli. Tali muvangeli.

⁷³ Aboobo, nywebo mwabona, bakwesu, aako nke kaambo Nse liiti kuba musinsimi lwangu. Ta ndili akwalo mu mulimo wa umwi. Mwabona? Lino mula mvwisyi eco Nce pandulula?

Lino, inga kwaba kunji kuzumanana mbuli boobo kwa ciindi cilamfu, pele Ndi langila kuta tola ciindi canu cinji loko, kusikila Ndi jane kusyoonto kwa Ijwi eli Nde yanda kubala sunumasiku.

⁷⁴ Lino, nceeci eco Nce cita. Nse na mvwide kuti Nde elede kuponena mu Indiana. Ndili ii—Ndili ii—ii sinyema zya kulikwaya. Nse citi... Ndiyo unka busena bomwe, Nda yeeya, “Ndiyo unka kokuno, Ndiyo kkalikila awa. Nce ncico.” Nse konzyi kucicita. Cindi Nda unka kubusena bumwi bumbi, Ndi yeeya kuti, “Ndiyo unka awa.” Cindi Nda cicita....

Mukaintu wangu undiita... Ino ndwiimbo nzi ndo baimba? *Myuuwo Itakkalikili*. Mwa kalumvwa, Nda yeeyela. Bunji bwanu nyoonse mula bamvwa kwiimba. Ee, obo mbwa ndiita kuti, “Myuuwo itakkalikili.”

Kutandila ciindi Nda sika okuno, Ndi yeeya kuti, “Mulombe, Nde elede buyo kuya ku muunzi. Nde elede kubona mukaintu a bana. Nde elede kuunka buyo ku mbungano alubo a kukambauka.” Nda sika okuno, a kuselemuka a kukambauka lomwe. Kumyonta mukaintu wangu a kubukata bana boonse. Kuya mu lubuwa kuyo gela bwizu, nkabela ndeke iyo landuka.

Nda leka, pukuta nkasaalo kuzwa ku busyu bwangu, elyo Ndi yanda kuunka a nguwe. Kubusena bumwi bumbi Nde elede kuunka. Ee, Ndi yeeya kuti Nde elede kuunka kunselelo *okuya*. Elyo Nda—Nda unka kunselelo *okuya*, elyo Nda kambauka *okuya* kwakaindi kaniini. Kulanga koonse, mpaawo kwaunka umwi umbi. Nde elede kuunka a nguwe. Mwabona, kwiina busena bwa kukkalikila kuli ndime. Nse konzyi buyo kucicita. Nse kkalikene, kulonga, busena ku busena, cintucimwi. Nse konzyi kucicinca. Ncintu cimwi muli ndime. Elyo Ndi lizi kuti Nde elede kucicita.

⁷⁵ Lino, ku mbungano, ili mu ciimo cayo calino, Nda kali kulimvwa kuyoosya kweenda kuzwa waano. Elyo, amuyeeye, nywebo nyoonse no baalumi bakdede awa, abo Mbe syoma kuti Ndiyo kkala Butamani, omuya mu nyika ya Bulemu. Tuli jisi bantu bali kabotu, zibelesyo zili kabotu, bantu, bali kabotu babombomene. Cainoino buyo kwakali lubukulusyo lwaka pasuka mu mbungano kuno aakati ka bantu. I Muuya wakasika akati kabo, katalika kupa zipego. Nda ka ulangilila, kubona kuti na wakai noleya kunjila mu ciimo cakwiindilizya. Ciindi coonse catalika kweenda mu nzila eyo, Muuya inga wa cilingula a kucijosya *awa*. Nda kayeeya, “Alumbwe Mwami.” Mwabona? Ko jatilila buyo busena bwako awo. Kuli kabotu. Wabona?

⁷⁶ Lino, obo mizeeo yangu mboibede, ili boobu, nkuti na inga kwakonzeka kuti, cindi Nda talika kuya kubusena bumwi... Ta ndizi oko Nkwe unka. Pele Nse konzyi kakkala zii. Nse kakkalikili awa. Nse konzyi buyo kucicita. Nde elede kweenda kubusena bumwi. Elyo antela Nse kakkali awo pele mazuba masyoonto, kaenda kubusena bumwi bumbi. Nde elede kwiinka kubusena bumwi. Ta ndizi oko Nkwe unka. Naanka Abrahamu wakaziba oko nkwa kali kuunka. Wa kazabuka buyo mulonga a kutalika kweenda. Kwa mana.

⁷⁷ Ndi limvwa kuti eco neo tweede kucita awa, mu ciindi eci calino, Nda syoma kuti tu yandika mbungano. Ndi yeeya—Ndi yeeya kuti ng'anda ya Leza... Yebo wati, “Ee, ino, kubikka mali ayo oonse muli njiyo ikuti na Mwami uyo boola?” Ee, ino mbubotu nzi mbo ciya kucita kubamba mali ikuti na Mwami wasika? Mwabona? Elyo ikuti na bantu bakapanga mali aa mbungano, mbulizi bwesu, antomwe a kusala kumaninide akuno, kuti Nda kabweza busiku obo, kuyaka mbungano. Aboobo, mwiiyake. Inga ndaamba, “Mwiiyake. Iiyi, munene.”

⁷⁸ Nse na tondezya eci pe, pele Ndi yanda kucicita kumbele lyanu nobantu. Tandi yandi banakazi awa, nkaambo umwi uyaama munzila *eyi*, alimwi munzila *eyo*. Lino Ndi sola, ku mwaambila kaambo Nce yanda kucicita. Ndi yeeya kuti, ikuti na Mwami ulaboola nsondo iicilila, atu talike mbungano mvwiki ino. Ncamasimpe. Atu Mu tondezye. Atwi ime ku bulizi bwesu

bwa mulimo. Iiyi, munene. Elyo mpawo ikuti na twa...cindi mbungano yayakwa.

⁷⁹ Nkaambonzi? Kwaamba ikuti na Ngu...Ino kuti Wa kali myaka ili kkumi kuzwa lino? Ino kuti Wa kali myaka ili makumi obilo? Na ino kuti Wa kali myaka ili mwaanda? Kufumbwa mbo cibede, cindi Aboola, eelyo tacikwe makani. Tu lizyi kuti Uyo boolela ndiswe kacitanaba ciindi eco, nkaambo ta tukonzyi kupona kwindilizya, imbi myaka ili mwaanda. Uyo tu boolela, pele tweelede kusiya cibeela kunze lyesu. Elyo Nda kayeeya eci. Nkaambonzi mpawo kuta lekela bboodi ya mbungano okuno, kwaambaula kuli mbabo eno, kuyaka mbungano eyo? Amwi yake awa. Mwiibamba kuba kabotu, alimwi busena bubotu oko bantu nkoba konzya kusika.

⁸⁰ Inga ndayeeyla, Mukwesu Neville kuba mweembeli wa mbungano, kufumbwa kuti mbungano ya muyeyela kuba mweembeli. Oko nku voota kwa mbungano. Kufumbwa kuti kajisi bulizi bwa mulimo oyo a kukkanala a Lusyomo, uyanda kuboola, kulimvwwa kusololelwaa kwa Mwami, mpawo kusololela kwa Mwami kuli nguwe ku kkala, ikuti na mbunga ya voota mbubonya.

⁸¹ Mpawo inga Nda amba, umwi aumwi wa baalumi aba kumasena okuno, aba baalumi bamwi, mbuli Mukwesu Crase, a Mukwesu Junior, boonse babo, kufumbwa kuti kabalimvwa bulizi bwabo ku cikunguzyo eco, alimwi bali swaangene kuno antoomwe. To konzyi kuunka kunselelo akuyo swaana a Methodisti. To jisi luswaanano a mbabo. Iba Baptisti, mwa unka, kwaambaula zya kukanana mu myaambo, a lubbizyo mu Zina Iya Jesu, bala kutandila anze, cakufwambaana *oko*. [Mukwesu Branham wanontola tunwe twakwe—Mul.] Mbo mbubo. Nywebo mula kkala koonse kuya, inga waba mbuli i—i nziba aakati ka nkamu ya bacikwaangala. Inga notaba a luswaanano, nokuceya. Inga wafwa. Nse fubaazyi ba Methodisti aba Baptisti, lino. Amuyeye eco. Nse ambi ceeco. Ndi bamba buyo lweezyanisyo. Kuya, banji, abo ba Methodisti a Baptisti mbaalumi babotu, bantu banaleza. Pele Ndi kanana makani a luswaanano.

Ngooyo Mukwesu ndi zina nzi lyakwe, kusule okuya sunumasiku, i—i muvangeli ukkede kusule okuya, Mukwesu J. T. Parnell. Mukwesu Beeler. Kosyoma, oyu mukwesu ukkede awa. Bamwi ba...Bunji bwanu ano mbantu ba Leza, baitwa mu buumi bwanu. Inga kamucita cintu cimwi. Muta kkali buyo koonse. Atu cite cintucimwi. Tamu jani pele buntu bomwe bwaka futulwa, ku cita oyo omwe kufutuka. Umwi aumwi wesu.

⁸² Lino, Ndi yeeya kuti, mbungano eyi, ikuti na nywebo nobaalumi mwakonzya, cindi mwayaka mbungano eyi, amu bambe obu mbuli masena anu akweendelezezya, alimwi mbuli Mukwesu Neville okuno mukuba mbuli mwaalu mupati akati kanu. Mwabona? Elyo ziindizimwi ula jana mubuzyo oyo ngo

takonzyi kubandika a mbungano yako kubusena okuya, mpawo kucileta mukati muno ku Mukwesu Neville, alimwi nyoonse mula cibandika antoomwe. Ikuti na tamu konzyi kuboola ku muzeezo uli oonse, Ndino boola munsi, cakufwambaana loko, mpawo toonse tuyoo boola antoomwe a nguwo.

⁸³ Elyo—elyo mpawo, omuya, kujana kwiya mu nkamu zyanu zini, bakutausi bamwi, bantu abo mbo mubona abo bajisi kwiitwa mu buumi bwabo, ku mulimo. Mubayiisya baalumi bakubusyi. Amu banjizye awa ku mwaalu. Nyoonse nywebo mula kkala antoomwe mu muswaangano wa bakutausi, elyo okuya kuyiisya zintu zisakene loko zya Leza. Uta unki ku mamanino mabi. Kobamba muntu umwi uukonzya kuba a kaanzambwene, kuba musyobo mbuli i—i musololi wa ndinywe. Elyo mpawo, ziindizimwi, ikuti na to ciboni mbubonya buyo mbwa cita, eenda, eco cili kabotu. Uli mu Lusyomo, nekuba. Koenda buyo ambali. Ndiza cindi twa boola antoomwe, mpawo, toonse swebo antoomwe, tuyoo komba; kutweluka kwa Leza kuseluka ansi, nkabela Uyo cipa mbubonya buyo mbo cibede, nywebo mwabona, a ku tu zibya buyo nzila ya kucicita.

⁸⁴ Elyo omuya, mambungano inga aunka kumvwa, a kwiisya nkamu ya bantu. Elyo ikuti na Ndili mu mulimo wabuvangeli kubusena bumwi, kuli masena Mbwe konzya kuba bikka, inyikayoonse.

⁸⁵ Ino kuti ni Nda kali mu India, kujokela ku India? Okuya Nda kali kwaambila bantu aba, ndiza, bakali zyuulu zinji zyabo. Kukkala awo kwa mvwiki na zyobilo, elyo bala bona mulimo. Bala uyanda. Bala syoma kuti Mbwini. Ba kazwa mu buhedeni. Okuya Ndi jisi... alimwi ndiza mu mvwiki zyobilo na zyotatwe.

Cindi Ne kali kokuya, masiku obilo, alimwi ndiza bali zyuulu zili mwaanda bakasanduka kuli Kristo; taakwe kwa kuunka. I buzuba bucilila, kubweza ndeke a katalika kujoka ku Rome, mpawo ku United States. Kubaleka mbubonya mbuli mbelele zya bikkwa akati ka baumpe.

Ino kuti ni Nda kajisi nkamu ya baalumi, baalumi bakubusyi bakayiisigwa mu Mulumbe, mwabona, ku kwaamba, “Lino, lindila aniini. Ka Ndi tana kuzwa okuno, tuyoo bikka mu ncililano mambungano aya. Ndi yooba a bantu. Nda kabatumina kale telegilamu. Bali jisi mali. Bali mu lweendo lwabo awa, ndyoonya lino, kutola bweendelezi kuli ceeci; muntu uli kabotu. Kuli baalumi bobile na botatwe bakubusyi a nguwe, abo bayooba basikugwasya a baiminina bwakwe”?

⁸⁶ Elyo mbungano ya Lusyomo olu inga ya yakwa awo, eyo iya kuba mutabi mu India, mutabi mu Germany, mutabi mu Switzerland. Baa, ndyoonya lino, tweelede kuba ambabo ku masi oonse oko Nkwe kabede. Elyo Mulumbe mpawo, kuzwa awo, kwaboola umbi, kuzwa kuli umbi kwaboola umbi. Mwabona eco Nce pandulula?

⁸⁷ Lino, juunza masiku, na isikati lya juunza masiku, moyo bona Mattsson-Boze kaboola kunselelo okuno, uuli mweenzuma. Muya kuba ncobeni oyo muna Swede muniini, mulema ncakacita omuya mu Tanganyika. Wa kanjila omuya. Elyo, lino, Mattsson-Boze muntu uli kabotu, pele ta syomi Lusyomo olo ndo tusyoma.

⁸⁸ Nda ka mutola mpoonya abusena, a ku mutola a ku mwaanga buyo ku busena buli boobo mu Lugwalo. Nda amba, "Mattsson, uli mweenzuma. Lino toka sotoki na kucija. Tuyo imikila buyo awa, kujatilila maanza a umwi aumwi, mbuli babunyina Banakristo, a kwaambaula." Mwabona?

⁸⁹ Elyo kubikka Mulumbe nkoonya kuli nguwe, elyo wakali kunga waima buyo awo. Wa kat, "Mukwesu Branham, uli—uli luleme ncobeni."

⁹⁰ Nda amba, "Lino, Mattsson, to syomi eco, na inga wa Ci tambula."

⁹¹ "Ee, Mukwesu Branham, Nda—Nda syoma eco nco wamba Mbwini."

⁹² "Mpawo nkaambonzi to Bu tambuli?" Mwabona? Ko Ciumpa buyo ncobeni aansi kuli nguwe. Elyo walo—walo, mpawo, kufumbwa biyo atantamuka, wa sakana. Mwabona?

⁹³ Pele amulangilile buyo eco muntu nca kacita mu missioni yakwe okuya, muntu omwe buyo. Nkaambo, wa kali kukonzya kujoka nkoonya ku Chicago a kubweza Burton a boonse bamwi babo, aku batumina okuya mbuli obo, a kutilika kucita ncito. Mane, lino baya butanta mu makumi a zyuulu, zya lubukulusyo lomwe luniini. Kutali muntu ujisi zipego, muntu buyo oyo waka jisi camba cinji ca kuunka kuya a kutilika.

Ncinzi cakalino citwa kunsi lya Ceeci? Ni cakaba mu musela wa mamilioni. Masimpe. Twa kasweekelwa ciindi eco. Oko nko kuyeeeyela kwangu mbo kunga kwaba.

⁹⁴ Lino amuyeeye, mu kucita ceeci, moyo jana kuti, ndiza kuyooba ziindi nzo muta kazuminani a Mukwesu *Niini-a-niini*. Muyo impana awa. Elyo amuyeeye, kufumbwa kuti wasika ku kasena, nywebo mwati, "Ee, nkaambo ta Ci syomi mbubonya mbuli ndime, Ta ndiinki ku..." mpawo kuli cintu cimwi cilubide kuli nduwe. Cili luleme ku mulombwana umbi. Calo ncintucimwi cilubide kuli nduwe. Cindi, bakwesu abo basola kujatilila antoomwe!

⁹⁵ Kuli cintu comwe, swebo tobana Branham, tuli fuka antomwe, elyo inga twa lwana mbuli babwa. Pele, nekuba, cindi nitwa kamana kulwana, twa kacili ba Branham. Umwi wakalizi umbi wakali muna Branham. Nda kalizi kuti wakali muna Branham. Wa kalizi kuti Nda kali muna Branham. Mwabona? Pele inga twa lwana. Mula eco mu mukwasyi wanu, pele mucili babunyina.

Eyo nje nzila mboibede. Inga twaimpana, oko kuli kabotu, pele tu cili bomwe. Tuli bomwe muli Kristo. Tula syoma Mulumbe oyu, alimwi atu kkale a Nguwo.

⁹⁶ Elyo Ndi yeeya kuti eco nce cintu cakucita, kuzumanana kulilemeka bumwi, kusikila Jesu akaboole. Elyo nce ncico Nceli kuyanda kwaamba mu ciyanza eco. Elyo Nda syoma ikuti na mwa yanda...

⁹⁷ Mwabona, weelete ku botelwa a Ncico. Ikuti na tamu botelwa, nkokuti kuli cintucimwi cilubide. Kuli cintucimwi cilubide. Yebo ujisi, kutali kwaamba buyo kuti, “Ee, mweesi wainda Nda kabotelwa loko, pele Ta ndizi.” Mwabona, mpawo kuli cintucimwi cilubide kubusena bumwi. We elede ku botelwa kapati, ciindi coonse, mwabona, a kuzumanana buyo kuumpata. Ngu dyabulosi, kusola ku kubweza.

Mbuli, lyoonse Nda kayanda muleli wesu wamamanino, Ba. Eisenhower. Nda kajisi kunyomenena kupati kuli Geniro Eisenhower. Wa kati, “Cindi ni twakali kulwana,” wa kati, “kuli ziindi zinji ni twa kabweza musyonga a kuulongela mu ntobolo, a kusomona nsando ali njyo, a kumulekela kuwa, elyo yaka lesuka. Tii yaka lesuka.” Kati, “Tee twa kaleka.” Kati, “Kwayanda twa kabikka mukati iimbi, alimwi yaka lesuka, ayalo.” Kati, “Tee twa kaleka pe.” Kati, “Twa kazumanana kulesula kusikila imwi yaka lesuka.”

⁹⁸ Nce ncico. Eyo nje nzila yakuwina nkondo. Kuzumanana kusola. Kolongela musyonga mukati a ku labbula. Uli jisi bukanze, mbaakanzi ya kuuma. Elyo ikuti na yaleya, kwiisowa, a kunjizya imwi imbi mukati, a kwiisola alubo. Kwi waala mukati kusola alimwi, kusikila umwi wa dubuka. Kuli imwi yazyo omuya ila nguzu, alimwi imwi yazyo inga ya dubuka. Pele eyo nje nzila njo tweelede kucita. Kuzumanana buyo kudubula, kudubula, kusikila cintucimwi cacitika.

⁹⁹ Ino ndi cita nzi? Ndila dubula eno. Ndiya kubusena obu, kuta ziba akwalo... kumwi kusololelwaa kumwi.

Ii mulimo! Bantu bali mamilioni kaba kulanga, “Ino uyo cita nzi? Ino ni ntaamo nzi itobelaa?” Bamwi bayeeya kuti Ndili fwide. Bamwi bayeeya *ceeci*. Ayalo ntobolo eyo yaka lesuka, buzuba bumwi, kati Nda kali kusola kulijaya. Zintuzyonse, mwabona, kumasena koonse ku cisi, a zintuzyonse. Mwabona? Pele muli jisi zyoonse ezyo zya kulwana. Mpawo, ujisi mukuli wa bantu.

¹⁰⁰ Elyo amuyeeye buyo, ino kuti Leza inga wabikka busena aali ndinywe, kuti wa kauuzi moyo wa bantu ngo kali kwaambawida? Amuyeeye kujatikizya *ceeco*. Mwabona? Bakwesu, ndiza, Ndi lizi muli jisi mikuli, pele tamu mvwisyi. Elyo kunze lya *ceeco*, awa, muli jisi mulimo awa.

¹⁰¹ Yebo watii, “Ee, eco ceelede kuba citete kuli nduwe, Mukwesu Branham. Kufumbwa cintu cakucita, Leza ukwaambilaa buyo.” Peepe. Ta citi. Nda cipengela kapati, mbuli buyo mbo mucita, a

ciyumu coonse. Masimpe. Nde elede ku cipengela kpati kwiinda mbo cita.

Elyo kuyooba kunji kuyandika kuli ndime. Oko nkoelede kupeda bwiinguzi ku mbungano, oko nkoelede kupeda bwiinguzi ku mukwasyi wako, na ndiza kuli lwako buyo, mwabona, kuli bali mamilioni aa bantu Mbe elede kuyopeda bwiinguzi. Nde elede kuziba milimo yangu. Elyo ikuti na Saatani ka kuumaa, nkambo ka buntu bomwe, na buntu busyoonto obo mboyo jata, ino kujatikizya okuno mamilioni nkoba kkede mu ncililano? Nkunji buti kubbotoka kuliko nkwa waala omuya? Mwabona? Aboobo muli jisi kunji loko kwa kuyeeya, bakwesu. Kuti, ta cigambyi Nda libilika ziindizimwi. Masimpe.

¹⁰² Pele lino Ndu uma kupola eno. Ndila waala musyonga mukati. Ikuti na wadubuka, ngooyo we. Ikuti na taudubuki, Nse koleka pe. Ndila waala umbi awo, mbuli kuwa, akusola umwi umbi. Umwi wabo uyo zwa. Nkukoonse kuliko kuli ncico. Umwi wazyo uyo dubuka, kubusenabumwi. Mpawo, Ndi—Ndi yanda kuba aa mbaakani, aboobo, cindi wa dubuka, Ndiyo uma cintu eco Nce kali mu kudubula. Elyo lino mulizi eco Nce wamba. Ndili masimpe. Mwabona? Kuli cintucimwi, kubusena bumwi. Ndi siya miswaangano eyi, ku dumpukizya buyo kutala okuya. Nse kanzili kuyiisa zintu ezi zipati Nze muyiisa nobantu.

¹⁰³ Mula yeeya ciloto eco, eco Nce kajana bupanduluzi, bwakali? “Kojoka a kuyobola Cakulya.” Kwakali buyake bwa ciyobwedo? Cikombelo eci. Nkokuli kuli cintu cili coonse mbuli ncico mu cisi, koonse kuno kuli koonse, eco ciyo ezyanisy a Mulumbe oyo ngo tujisi?

Lino, mubwini, bakwesu besu baniini awa bali abusena awa,aya mambungano amwi maniini, alo ndiswe. Tuli bomwe.

Nkokuli nkoya kuunka, kuyo Li jana? Tondezya lweezyanisy Lwalyo kubusena buli boonse. Ula unka moonya mu tuyanza twabuzumini twatubungwe. Muyo zwa ncobeni kuzwa ku Zina lya Mwami Jesu. Muyo zwa ncobeni ku zintu ezi zimbi. Mwabona? Elyo mpaawa awo Cakulya mpo caka yobolwa.

¹⁰⁴ Ee, Mulumbe omwe oyo Ngwe kambauka okuno kuli ndinywe nyoonse... Amulange, Nda kali kukambauka kuzwa kuli wani kusika ku maoora ali cisambomwe kuli ndinywe, aa Mulumbe. Ee, ikuti ni Nda belesya umwi wa Milumbe eyo, Iinga ndatola mvwiki Kuu tola, aniiini buyo awa alimwi aniiini *alya*, mwabona, nkaambo Uli mukuyobolwa awa.

¹⁰⁵ Cili aa mateepu. Walo wiinka ku inyika yoonse, oko ku bantu mu maanda abo. Alo mateepu ayo wida moonya mu maanza aa bakakanza aa Leza. Ula konzya ku lailila Ijwi, Uyo lailila zintu zyoonse mbubonya buyo mu bwini bwa ncico. Aako nke kaambo Nca ka ndijosya kucita eci: “Ko yobola Cakulya awa.” Wa kandi kasya kuya ku masi aambi.

¹⁰⁶ Mukwesu Arganbright wakati, “Ee, boola, koya. Yebo ujisi busiku bomwe, pele tuyu kutola lweendo lwa bantu beeblela zilengwaleza koonse ku cisi.” I nzila Mbwe kabona Mukwesu Fred a Mukwesu Banks kabasola kuunka.

¹⁰⁷ Nda kati, “Inga nseinka mu nzila eyo.” Mwabona? Ca katondezya kuti kwakali cintucimwi cimbi.

¹⁰⁸ Ndi bindaanina ncobeni ku mbaakan eno, pele Nse zyi nzila ya kuunka. Pele kuli misyonga ibikkidwe koonse kuli ndime. Sena Wa kandiitila kujokela ku buvangeli? Sena Wa kandiitila ku mamissioni aakumbi? Sena Wa kandiitila kuba musinsimi Wakwe? Sa Ndili mweembeli kubusena bumwi? Kufumbwa cintu Nce elede kucita, Njo zumanana buyo kuwaala musyonga mukati a kukwela nsando ali ncico. Imwi yazyo uyo somoka. Pele Nse kakkali buyo a kulanga, kwaamba, “Mwami, Wa bikka cipapa mu ntobolo.” Ndiyo bikka musyonga mu ntobolo, ku cita kukwela lwangu. Alekwe Adu bule mwini. Ngo Nguwe wakubamba ceeco. Andi zumanane buyo kweenda.

¹⁰⁹ Kumasesa, cindi Nda akuunka ku miswaangano eyi lino, Ndi zwa buyo. Ta ndizi. Calo, Inga—Inga tee ndaamba cintu comwe kujatikizya Mulumbe oyu mbuli Mbwe kambauka okuno. Kwayanda akwalo nse jisi busiku bomwe bwa kutweluka. Ta ndizi. Ndi inka buyo, mukutaziba eco Nceyo cita. Inga tiinda mwaambila. Nde enda buyo, alimwi oko luzutu.

¹¹⁰ Elyo nje nzila njoelede kucita. Uli jisi cintucimwi mu mizeeo. I bantu okuno bayanda mbungano. Amwii yake. Cakufwambaana mbuli mbo mukonzya, amwi yake. Amujane bamaiyi azintu zyanu.

Nywebo bakwesu nomuli ku masena mulaale, a mambungano anu maniini, elyo mula yanda, muli mukucita mulimo, Leza uyo mupa bulumbu kuli ceeco. Koya okuya, kakambauke, kocita zintuzyonse nzo konzya. Oonse wanu aswaangane antoomwe, nywebo no nkamu ya bantu, a kuba a miswaangano, a kwaambaula zintu zisakene zya Lugwalo.

Elyo, amukombe. Muta-muta booli buyo kuno ku kubungana, citakuti mwabolela muswaangano wa mipailo ulikke. Mucite kupaila kwanu mu trumpetue. Mukkale kumasena akumbali. Kamuya mu twaanda twanu. Muyube kumasena amwi. Elyo kufugama buyo, a kukkala buyo kumbele lya Leza, a kukkala kuya.

Mpawo ikuti na mwajana, kuboneka mbuli kuti cintucimwi cili mukweenda, oh, muyo unka buyo, elyo mujana kuti cila nyonganya aniiini ku Ijwi, mpawo amu cenjele. Takukwe makani obo mbo ciboneka kabotu, koima mpoonya awo. I muuya mubi waka kuuma. Nkaambo, Mulumbe wa buzuba buno ngwa ku Ijwi. Mwabona? Muta... Mwabona?

¹¹¹ Ikuti na wati, “Oh, ma, Mukwesu Branham! Nda kwaambila *niini-a-niini*. Baa, *Niini-a-niini* bakaimikila busiku bumwi, eci cintu cimbi caka citika mbuli *boobu*.”

Amu cilangilile. Amu cilangilile kabotu. Muta takati cintu. Amulindile buyo a kubona obo mbo cililemeka, elyo mpawo ku cileta ku Ijwi a kubona obo mbo ceendelana a Ijwi. Mpawo, ikuti na ceendelana a Ijwi, a zintuzyonse zili kabotu, alumbwe Leza, a kuzumanana buyo kweenda mpawo, mwabona, kufumbwa buyo kuti kaikkala mu Ijwi. Oyo muzeezo wangu, eco Nce yeeya kuti mweelede kucita.

¹¹² Mukwesu Neville, Mukwesu Ruddell, Mukwesu Crase, a Mukwesu Beeler, a nyoonse nywebo bakwesu awa, Junie, kufumbwa nkobede, a nobamwi bakwesu, Leza amulongezye cabuvubi.

Nda bona Terry, Lynn, Charlie Cox, David, bunji bwanu no baalumi bakubusyi awa. Leza amunanike. Ma! Obo Mbwe yanda kubweza basyoonto banu, kuba bavangeli, aku mubamba kubusena bumwi, mwabona, kuziba kuti mwa komena kabotu. Inga waima a kuziba Mulumbe, a kubala, kulitondezya lwako, ulamvwa kwiitwa mu buumi bwako. Nda bona baalumi bakubusyi bobile na botatwe, a bone na bosanwe, kaba kkede, ku mundando umbi kusule *awa*, a—a mbuli boobo. Uli mwaalumi mukubusyi. Ndiya bucumbaala. Mukwesu Neville uya bucumbaala. Tuli baalumi bakakomena bakatikati. Ikuti na nciindi capumbulika, tuyo enda kuzwa aa cilao, kwainda kaindi. We elede kuzuzya mabbusu esu. Mwabona? Elyo aboobo, nywebo mwabona, elyo mpawo, ndiza, mu buzuba obo, akwalo kuyo komenenwa maningi, ikuti na kunooli juunza.

¹¹³ Pele kuciindi nokucili buzuba bwasunu, atu beleke kuciindi nobucili buzuba. Juunza inga tee bwaboola. Ikuti na cacita, atu libambile kuli ncico. Mwabona eco nce Ndi pandulula? Lino, eco ncencenco nce Ndi konzya kuyeeya, kuli ndinywe.

¹¹⁴ Sa inga cabota kubona mukwesu kutala kuya kuzwa ku Utica, Mukwesu Crase, nyoonse nywebo bakwesu bamwi kuno, boola antoomwe, kuswaangana, kuboola mu busena. Nywebo nobakutausi kukkanala antoomwe a kubandika zintu. Mweelede kuba a luswaanano kubusena bumwi. We elede kuba a cintucimwi, ca kuboola antoomwe, kubaanga nkuba antoomwe. Nyoonse mula boola antoomwe mbuli nkamu ya bantu a kusyoma imwi aimwi, a mbuli eyo, a kubandika mapenzi aya, a kukkanala, ndiza, lomwe mu mweezi, bakautausi balikke. Kamuno swaangana kubusena bumwi muli iwi ya mambungano anu. Kokkala awo a kucibandika, a ku caambaula, umwi aumwi wanu no beembeli, a bavangeli, a kufumbwa mbo bede.

Elyo mpawo ikuti na penzi pati lyaboola, tamu konzyi kulibambaa, mpawo, ikuti na Nda itwa mu mulimo wa buvangeli. Ta ndizi kuti Njo oba. Ikuti na Njo oba, ulizi

kuti Njo jokela, cakuzumanana, ciindi coonse. Elyo mpawo ikuti na wajana zintu ezyo, mpawo, cindi Nda joka kuno, ee, tuyu swaangana antoomwe a kukkala buyo awo. Umwi wanu ujisi kwiitwa mu buumi bwako... Ta tukabi a kubuzyanya kwa kumbali a zintu nzo twali kuba azyo. Tuyo boola antoomwe ncobeni, a kukkala awo mane tukabe a MBUBOOBU MBWAAMBA I MWAMI.

¹¹⁵ Elyo ikuti na mwakonzya kubamba bakambausi kululama, alimwi walo kaunka kabotu, amulange eco ncaya kucita. Uyo oongelezya i... Inga capa makani a myaanda ya zintu ezi. Nce ncico. Tu cuuma buyo, nywebo mwabona. Mweelede kucibikka mu ciyanza, ciyanza ca Leza.

¹¹⁶ Mbuli Jetro mbwa kaambila Musa, "Baa, to konzyi kuzunda boonse babo." Na, elyo Leza wakabikka baalu okuya, bali makumi ali ciloba ambabo. Elyo kabweza Muuya wakali aali Musa, a ku babikka aa baalu abo bali makumi ali ciloba. Elyo ba kasinsima. Elyo tii caka kompamya Musa nokuceya. Ca kamululamika. Wa kajisi cisinsimi cinji muli nguwe mbuli mbwa kacita kabatana gusya Muuya kuzwa kuli nguwe, ku kusinsima. Mwabona? Wa kandaana buyo, kati, "Lino, Musa, baleke kabano beteka zintu ziniini loko. Elyo, pele, cindi caboola ku zintu zipati, mula njila a mbabo a kubagwasya mbuli booboo."

¹¹⁷ Lino, eyo nje nzila. Eyo yakali nzila ya Leza kaindi eelyo. Eyo yakali nzila ya Leza mu i—mu Bukkalo butaanzi bwa Mbungano. Elyo Ndi syoma kuti ni nzila ya Leza lino, nconzyo, kuli ndiswe kucicita. Aboobo, atu cicite. Amuleke buyo kwaambaula kujatikizya ncico, a kucicita. Kwa mana. Tula konzya kucicita ku luzyalo lwa Leza. Sena mula cisyoma?

Lino, lino, atu bone. Oh, Nda mana ciindi cangu.

¹¹⁸ Pele Billy walemba kagwalo awa. Kaindi buyo kaniini, Njo bona mbo kabede. "Ndi zwa ku New Albany. Daughter Grace, Memorial Hospital, wa katyola kuboko kwakwe. Uyanda mupailo kuli nguwe. T-r-o-u-b, W. C. Troub." Troub, cintucimwi mbuli eco.

Atube a mupailo wa mulindu oyu mukubusyi.

¹¹⁹ Taata wesu Wakujulu, mbuli mbo tukanana lino, alimwi Ndi yeeya kuti ndiza cindi Irenaeus nakalanga aa nkamu yakwe niini ya bantu, antela yakali nkamu niini maningi kwinda mboibede awa sunumasiku. Elyo tiiba kajisi cuuno cakukkala mukati. Ba kakkala aa samende utontola wakaindi wa mwaala. Elyo ba kakkala awo, nkabela wa kaambaula kuli mbabo. Abo bantu bakeenda kumasena abalo cindi, kuunka, ba kalizi kuti bakali ukonzya kusaninwa ku balavu, mitwe yabo ya kagonkwa. Pele Lusyomo lwa matata lucipona, mu ntolongo ya museenengo, mabangabanga a cceba.

¹²⁰ Nda Ku lumba ku baalumi aba, Mwami. Nda komba kuti Uyo balongezya. Elyo Nda leleka umwi aumwi wabo, mu Zina Lyako,

kuti Uyo babamba mu Lusyomo lwa kapedwe ku basalali ciindi cimwi, kuti taba kacinci kuzwa kuli olo. Elyo kuzwa ku nkamu eyi akube kuti U tume beembeli, bamayi, bavangeli. O Leza, ko cipa. Elyo akube kuti bajatilile buyake bwakucingilila, koonse, kufumbwa nko babede. Akube kuti bazumanane kubeleka kusikila Jesu akaboole.

¹²¹ Elyo lino, Taata, Nda kombela nkumbizyo ezi zyoonse zzyaboola omu sunumasiku, a kulomba kuti Uyo yeeya mulindu oyu muniini kunselelo okuno, oyo wazwaa kutyola kuboko kwakwe. Akube kuti nguzu zya Leza Singuzuzyonse umu ponye a kumubamba kuba kabotu. Ko cipa, Mwami. Nda komba kuti Uyo mugwasya a ku mulongezya. Longezya bayandwa bakwe ku kwiita. Elyo akube kuti nguzu zya kabusya Jesu kuzwa mu cuumbwe waka busya musimbi oyu. Akube kuti janza lyakwe libe kabotu.

¹²² Nkumbizyo ezi zyoonse zya kaambwa sunumasiku! Oyo mulombe uutakweankwaya uulede alya, oyo ujisi ceeći, Nda kamvwa mukwesu ka caambilizya, kuti i—i malwazi aa Hodgkin bwaka mulya kusikila busyu bwakwe bwawumpwa, a radiamu a zintu nzoba mupa. Leza, koba siluse ku mulombe oyo. Alekwe apone.

Twa ibaluka oyo mwaalumi wata kalibambila kuswaangana Nduwe, nkabela wakafwa calino; mukaintu wakwe wakapwaigwa ku mutwe. I mwana wakalelwa! Boonse aba bambi!

Mucizi Bruce, kateka maanzi ayo. Uya bucumbaala, Taata. Elyo mpawo waa kaumpa maboko akwe, mujulu aansi mubili wakwe. Twa mukombela. Antela wakabikkwa mu cibbadela. Elyo twa komba kuti uyo muvuna a kumuleta. Ko cipa, Taata. Twa lomba zilongezyo ezi mu Zina lya Jesu Kristo. Ameni.

¹²³ Lino Ndi yanda ku mubuzya cintucimwi, alimwi ndabuzya na—na mulasyoma kuti tu jisi ciindi aniini buyo ca Ijwi. Sena muli jisi? [Mbunga yaamba, “Iiyi”—Mul.] Buyo ku...Lino nku, Ndi lizi, nkumuka aniini, pele Nda jisi cintucimwi ciniini awa eco Nce yeeya sunu, eco Nce yanda ku—ku kanana, kwa kaindi buyo kaniini, alimwi inga kwa mugwasya.

Elyo Nda kayeeya, lutaanzi, kuti inga Nda ambilizya ceeći. Lino, cili aa teepu eyi. Elyo ikuti na umwi uyanda kusola ku tondeka kuli ncico, Jim uyo cijana, mwabona, kuli ceeco Nce yeeya kuti ceelede kucitwa, elyo lino ncinzi ceelede kucitwa ku i...kuli ndinywe bakwesu.

¹²⁴ Lino, sena mulizi, cindi abo bantu bataanzi niba kazwa, ziindizimwi kwakali buyo kutandila cisambomwe na lusele ambabo, antoomwe? Elyo baka zungaanya cisi. Ee, nywebo mulizi, cindi Akula a Prisila, olo lubukulusyo lupati Apolo ndwa kajisi okuya, kwakali baalumi batandila buyo ku cisambomwe na lusele a banakazi mu cikama eco. Eyo mbungano yoonse,

yakali kwaamba cisambomwe na lusele. Muli jisi bosanwe na cisambomwe, ciloba taimuzi mbuli boonse awa sunumasiku mbuli mboba kajisi kaindi.

¹²⁵ Nywebo mulizi, Jesu waka jisi biyo baapostolo bali kkumi ababili. Tula yeeya lyoonse ku cintucimwi cipati. Pele Leza tabeleki mu myeelwe mipati. Cili mu nkamu ezi ziniini awo Mpa ujana. Mwabona? Amulange muciindi coonse kwiinda mu bukkalo, ku ciindi cili coonse Na kasola kuswaangana a bantu. Zyakali mu nkamu ziniini, mwabona, a kukanana a nzizyo, a ku zisala. Nkuyanda kubotu kwa Leza kucita ceeco. Eyo nje nzila Nja yanda kucicita. Elyo lino tu yanda buyo kubamba Leza akati kesu, a kuunka, kucita zintu ezi.

¹²⁶ Lino, Munsono cifumo, Mwami nawayanda, Ndi yanda kukanana kuli ndinywe aa *Ivangeli Lya Kuciindi Caku Mangolezya*. Elyo mpawo Njo, ikuti na Mwami wazumizya, antela Njo unka kusikila ku ciindi eci cabutololo, alimwi Nke tana jokela alubo. Antela ndiyo jokela ciindicimwi mu, kutandila mu Itwi.

Elyo lino Ndila ngila, ku ciindi eco, kuti zintu zyoonse ziyo enda cabubotu loko kuli ndinywe bakwesu, a miswaangano yanu iyo komena mu myeelwe, a luzyalo lwa Leza lube ali ndinywe nyoonse, kusikila tuka swaangane. Elyo Ndi syoma kuti muyo ndikombela, a kuzwidilila.

Amuyeeye, mipailo yanu kuli ndime, eyo yaamba kuti muli babelesima. Muli—muli mulongwe wangu wamunsi, mugwasyi wangu. Elyo, antoomwe, tuli basikugwasya mu Mwami. Elyo lino, cindi Nda noimvwi okuya kumbele lya sinkondo, Ndi—Ndi yanda kuyeeya kuti basilumamba, basyomeka babwini abo bajana mipailo kuvwiilwa ya balwazi a bapengede, elyo baalumi abo balandi kombela. Ndime oyo ucibulide okuya. Ndili cibulide ncobeni. Aboobo, nyoonse kamuno ndikombela cindi mwabungana. Muta ndilubi, mu muswaangano uuli oonse. Amu ndikombele.

¹²⁷ Lino, mu Musalali Johane, cipati 9, Ndi yanda kubala kuzwa ku kampango ka 26 kusika kuli ka 35, lino, kwa maminiti buyo masyoonto. Elyo mpawo tuyu—tuyo jala mu maminiti atobela ali makumi obilo na makumi otatwe, na ndiza kakutanaba ciindi eco, Mwami nawayanda. Ndi yanda kubala Magwalo aya lino kuzwa ku Musalali Johane, 26 ku... Musalali Johane 9:26-35, Nda lemba aapepa awa, cintucimwi buyo Nce kali kuyeeya.

*Mpawo bakati kuli nguwe alubo, Neinzi nca kucitila?
mbobuti mbwa jula meso aako?*

*Alimwi wa kaba ingula, Nda mwaambila kale, nkabela
tii mwa mvwa: nkikaako sa nywebo mulamvwa...
alubo? sena nywebo muyanda kuba basikwiyya bakwe
anywebo?*

Mpawo baka mutukana, a kuti, Nduwe basikwiiya bakwe; pele tuli basikwiiya ba Musa.

Tu lizi kuti Leza wakaambaula kuli Musa: pele ku mulombwana oyu, ta tuzi oko nkwa zwida.

Mwaalumi wakaingula aku baambila kuti, Nkaambonzi omu caba cintu cigambya, kuti nywebo tamuzyi nkwa zwida, alimwi nekubabooobo wa jula meso angu.

Lino tu lizi kuti Leza taswiilili basizibi: pele ikuti na muntu uli oonse kali mukombi wa Leza, a kucita luyando lwakwe, walo ula mumwua.

Kuzwa ciindi inyika niya kalengwa takuna mvugwa kuti muntu umwi wa kajula meso aaumwi wakazyalwa kali moofu.

Ikuti na oyu muntu taakali wa Leza, nata konzya kucita cintu.

Mpawo kavuwa... Ba kavuwa a ku mwambila, Yebo waka zyalwa mu cibi kumaninina, nkabela sa ula tuyisya? Elyo baka mutanda.

Elyo Jesu wakamvwa kuti baka mutanda; elyo cindi naka mujana, wa kati kuli nguwe, Sena ula musyoma Mwana wa Leza?

¹²⁸ Lino Ndi yanda kukanana kwa maminiti buyo masyoonto kuli ndinywe bakwesu, mukuziba kuti, mubandi wangu muniini awa, Ta ndizi eco ciyooba ca ncico. Kusyoma kuti Leza uyo cibelesya mu nzila imwi. Elyo lino muli ceeći, aa Ijwi Lyakwe, aboobo Ndi lizi kuti Mukwesu Sink, Mukwesu Neville na umwi wanu no bakutausi, kanji ula kambauka. Elyo mukuba buyo okuno a ndinywe, muyo ndijatila, Ndi yanda buyo kukanana kuli ndinywe aniini mu ciyanza eci.

¹²⁹ Lino Ndi yanda kubweza ciiyo awa ca: *Kuba Ku Lubazu Lwa Jesu*. Ba Farisi a basololi ba buzuba Bwakwe lyoonse bakasola ku Mu ubausya kumbele lya bantu. Eyo yakali nzila njionya dyabulosi nya kajisi ya kubeleka. Boonse ba Farisi a bamayi ba buzuba Bwakwe cakuzumanana bakasola kuubausya Jesu canguzu. Balo, boonse kabawaala eco neo bakakonzya kupa kuli Nguwe, ba kacicita. Baka Mu langilila, cakuzumanana, kujana awo mpo bakali kukonzya kujana butongo. Elyo taakwe niba kaamba zintu Zyakwe zibotu. Ba kali kujana cintucimwi lyoonse ncoba kali kukonzya ku Mu ubaula, a kwaamba, “Nywebo mwabona, amulangisye awa. Ikuti na Wa kali muntu wa Leza, Na taka cicita nzila eyi.” Na, “Ikuti na Wa kali muntu wa Leza, Na taka cicita mu nzila eyo” Ba kali kusola kuwaala cimvule ali Nguwe, kubamba bantu kuta Mu syoma. Oyo mulimo wa dyabulosi.

¹³⁰ Elyo kooze ako nkakaindi takana mana. Kuli ziindi zinji mukutausi noyocita bulubizi. Elyo ikuti na waboola mu busena bweengelede, mukwesu muyandisi oyo uli mukusola kucita eco ciluleme, a kusololela bantu kabotu; zintu zyoonse dyabolosi nzya konzya kutondeka kuli sikutasyoma na uutegwa Munakristo, mu busena bweengelede, kuleesyia muntu oyo, uyo cicita.

Nywebo mulizi, nzila ini ya Bunakristo nkusisa zintuzyonse nzo konzya kuzwa ku mukwesu. Uta ambi zintu zyakwe zibbi. Koamba buyo zintu zyakwe zibotu. Koamba cibotu eco ncoozyi kujatikizya nguwe. Ikuti na kuli cibbi cimwi, ciskiye cilikke. Mulombwana uutakweankwaya uli jisi kunji ku mulwana, nekuba. Uta soli kubweza poolo a kupindamuna muntu kulaale mu dindi. I kulanganya kwa Munakristo kula musumpula a kumugusya kuzwa mu dindi. Mwabona? Uta soli ku muuma canguzu. Uli kunselelo, kale. Sola ku mugwasya. Elyo, pele, bunji bwesu loko sunu, bantu banji loko sunu, inga Nda amba, kusola kucita eco, ikuti na bakonzya buyo kujana cintucimwi cimbi eco nciba kali kukonzya kwaamba, eco cakali cibyaabi loko.

¹³¹ Lino, kupa mukozyanyo, ikuti—ikuti na umwi wanu bakwesu inga wa lubizya a kucita cintucimwi cilubide; kwalo, ulendelezegwa kucita ncico; Nda cita, ambebo; umwi aumwi wesu. Pele, mbuli mbo tuunka antoomwe, atu yeeye kuti tuli babunyina. Tuli babunyina. Elyo ikuti na tu jisi kulwana kuli koonse, atu lwane umwi aumwi. Ku cileta antoomwe. Ko cileta kumbele ly a bakwesu nkabela cibambwe.

¹³² Lino, ba kali kucita, mu mukwasyi wa Branham, ikuti na umwi wa baniini wacita cintucimwi, bakali kuyo ambila Bill kujatikizya ncico, nkaambo Nda kali mupati kwiinda. Elyo Nda kacita kwiima awo a kubona eco caka luleme a cilubide. Ee, muzeezo wangu wakali boobo, ikuti na ba . . . oyo umwi waka luleme a ulubide. Ikuti na taba cisyomi nekubaboobo, mpawo bainda kusule lyangu aku cilwana. Pele ba kacili babunyina, nywebo mwabona. Ba kali kunga balwana kusule ly a lubuwa, umwi aumwi; a kulwana mu lubuwa lwa kumbele, kuli umwi aumwi. Aboobo eyo nje nzila mbo cakabede, mwabona, alimwi baka cili babunyina.

¹³³ Ee, eyo, nje nzila njo—njo tweede kucita ceeći. Mwabona? Ikuti na ujisi cintucimwi kulwana muntuumwi, munyoko wako, utaambilu muntuumwi umbi kujatikizya ncico. Ikuti na cili lubide, koya kuli nguwe a ku mwaambila. Elyo mpawo ikuti na uyo kazyanya a nduwe, mpawo kotola muntuumwi umbi. Mpawo ko cileta nzila Bbaibbele mbo lyakaamba.

¹³⁴ Pele, Jesu, ba—ba kasola buyo kujana cimvule coonse ciniini eco ncoba kali kukonzya kujana, kusola ku Mu sampaula ku meso aa bantu.

Alimwi nce ncico dyabulosi nca yanda. Ba yanda ku—ba yanda kucisa koongeleya kwanu kumbele lya bantu. Eyo nje nzila mbo yanda kulangilila kabotu eco nco cita. Mweende mbuli bantu beni ba Leza. Amwambaule mbuli bantu ba Leza. Mwabona? Mulilemeke mbuli bantu ba Leza. Mupone mbuli bantu ba Leza. Nkaambo, “I dyabulosi, mulwani wanu, ulaunka koonse mbuli mulavu uvuluma, kusola kunyonyoona eco nca konzya.”

¹³⁵ Nkaambonzi bakacita ceeći? Ba kalaa bbivwe kuli Nguwe. Nke kaambo ncoba kasola ku Mu ubausya. ba kajisi bbivwe ku mulimo Wakwe. Alimwi nke kaambo bakali kusola kuubausya. Ee, Wa kajisi mulimo wa Leza, alimwi ba kalizi eco, pele Ca kaliimpene ku kansiyansiya kabo. Aboobo bakali kusola ku Mu ubausya, kubamba zintuzyonse Nzya... kapapu koonse kaniini ako nkeba kali kukonzya kujana, ku Mu gusya mu nzila. Ba kali ku Mu yanda kuleka. Ba kali kuyanda bantu ku Mu sampaula.

Ba kali kuyanda kwaamba, “Lino, oyu Mulombwana tali cintu. Amulangisye awa. Lino, ngooyo Mbwa bede. Wa—Wa—Wa kacita *ceeci*, alimwi mulizi kuti eco tacili kabotu. Twa kayiisiga, buumi bwesu boonse, kuti tweede kusyoma baalu. Elyo ngooyu Mpali, wakaima mpoonya awo a kubwekela mwaalu oyo. Ta kazuminana a kansiyansiya ka matata. Elyo twa kali... Tweede kusyoma kansiyansiya ka matata esu. Twa kayiisiga eco, kwinda ku rabi aumwi, myaka yoonse yakainda. Elyo ngooyu Muntu oyu waboola koonse a kukazyanya ambabo. Mwabona? Baa, Muntu uli mbuli oyo uuteeleli kuba mukambausi.” Mwabona? Ba kali kusola ku Mu ubausya.

¹³⁶ Pele, muli zyoonse ezyo, bamwi abo baka Mu syoma a ku Mu yanda, alimwi bakabona zitondezyo Zyakwe, zya maleele, tii zyaka sinkilwa kwinda kuli mbabo. Peepe, munene. Balo abo baka Mu syoma baka Mu syoma. Abo baka Mu yanda bakaima munsi Lyakwe. Tiiba kabona eco bamwi ncoba katondekla kuli mbabo.

¹³⁷ Oh, ikuti na twa konzya kuba boobo! Ikuti na tii twa konzya buyo kubona. Ikuti na muntuumwi waboola okuno, akwaamba, “Uli zyi cintu na? Ba amba kuti uli wa pentekoste.”

“Kutali ku kabungwe.”

“Ee, wakali i... Yebo, uli musyobo oyo ubbizya mu Zina lya Jesu.”

“Inzya. Mbo mbubo.”

¹³⁸ “Ee, andi kwaambile cintucimwi. Ndi lizi muntu, ciindi cimwi, waka bbizigwa mbuli boobo, alimwi wa kacita *boobu-a-boobu*.”

¹³⁹ Pele amulangisye, eco tacikwe cintu cakucita a Ncico. Ngu dyabulosi, kasola kuwaala cimvule ali nduwe. Lyoonse bali mukusola ku kutondekela ku bwaato bumwi bwakaindi obo

bwaka pwayafulwa aa nkomwe ya lwizi, pele taba mutondekeli kuli oyo waka zwidilila mu lweendo lupati lwa mu lwizi. Mbo mbubo. Mwabona? Mbo mbubo.

¹⁴⁰ Lyoonse ba sola kuwaala namola okuya, a kwaamba, “*Oyu* ngo mukozyanyo. *Nceeci* nco cakacita. Ndi lizyi mukambausi umwi oyo wakali mukambausi wabusalali, alimwi wa kacita *eci*, *eco*, na *cimbi*.” Pele taba tondekeli kuli bamwi abo batali kusalali, kacita eco acalo, nywebo mwabona. Elyo taba tondezyi zintu zipati Leza nzya kacita.

¹⁴¹ Mbuli muntuumwi wati, “Oh, walo *ngoooyu* mwaalumi oyu wakaunka kulaale. Wa, wa kasakana loko.” Kwayanda wakacita ceeco. “Wa kali nyonyoona mwini. Wa kasakana loko. Wa kaba sikwiindilizya.” Kwayanda wakacita ceeco. Pele kuciindi niba tondela abo bakainka, umwi wakainka kusakana, mbobuti kujatikizya aya mamilioni ataninga kwinka kusakana? Bala kakilwa kubona ceeco. Mwabona eco Nce pandulula?

¹⁴² Aboobo, bantu bakasoleka, balo ba Farisi, a ba Saduki, a basikuupaupa, a ba Heroda, a boonse baka sola kuwaala cimvule ali Jesu. Pele balo basyomi beni abo bakakanzwa kumvwa Mulumbe oyo, baka Umvwa a kuta bona kampenda muli Nguwo pee.

¹⁴³ Mburonya lino. Abo ba Mu syoma, ba Mu yanda. Abo ba Mu syoma, mwabona taba boni kampenda muli Nguwe. Taba boni buzumni bumwi bwiindene. Taba boni cintu cilubide. Taba boni cintu cilubide ku Ijwi Lyakwe. Taba boni cintu cilubide ku bantu Bakwe. Ba bona buyo Jesu. Kwa mana. Balo, ba—ba kanzidwe ku Buumi Butamani, aboobo bajanika buyo ku lubazu lwa Jesu a kukkanla awo.

¹⁴⁴ Twa kali kunga twiimba lwiimbo luniini, Mukwesu Roy Roberson, elyo twa kali kunga twaimba lwiimbo luniini okuno, Nda yeeyela, ciindi nimwakali kusika okuno:

Ndiyo sala nzila ya bace basampaulwa iba
Mwami,
Nda katalika kweenda a Jesu, alimwi Ndiya
buwidilila.

Inga ndasala kweenda a Jesu alikke,
Elyo kuba pilo wangu, mbuli Jakobo, bbwe.

¹⁴⁵ Ee, mwa kamvwa lwiimbo luniini. Mbo mbubo. Inga ndasala kutola nzila ya lukazyo, kutola nzila ya basampaulwa, kutola nzila ya bavwiigwa, a kweenda a Jesu. Kuta bona butongo muli Ncico, pee. Muta boni bulubizi bwa mulombwana umbi. Amuzumanane buyo kuyabuya. Kwa mana.

Lino, eyo nje nzila mboba kacita kuli Jesu. Tiiba—tiiba kacita . . .

Alimwi mweelede kuyisya bantu banu, nywebo no beembeli, kucita mbubonya.

¹⁴⁶ Ikuti na muntuumwi waboola ambali, waamba, “Yebo ulizi, mbungano yako, yakali *boobu-a-boobu*. Ba . . .” Iiyi, munene.

¹⁴⁷ Inga kwaba banji babo bakkede alya mpawo, pele mbuti kujatikizya umwi oyo—oyo—oyo uli kabotu, oyo uukkede awo? Mwabona? Uli—uli—uli . . . To konzyi buyo kubona zisaka, zya masamu. Kwa mana. Lino, nce ncico, kujokela ncobeni alubo. Mwabona lino?

¹⁴⁸ Elyo aboobo bakasoleka. Tiiba kali kuyanda kuzumina kuti Wa kali kucita mulimo wa Leza, aboobo bakali kusola kumiza lukazyo akulesya bantu kusyoma. Pele balo bantu baka Mu syoma, baka kkala ncobeni a Nguwe. Ba kaiminina.

¹⁴⁹ Nywebo mulizi, Nda kayeeya awa, bantu basyoonto Mbe lembede awa. I muntu moofu takacincwa kwinda kuli mbabo, kuti muntu Ngwa kazwaa kapa kukubona kwakwe. Tu likazi kaano. Elyo wa kabapa mubuzyo uuluma maningi, kunze. Lino, ba kasika okuya.

Elyo Jesu wakeenda munsi, nkabela Wa kali Muntu oyo waka sampaulwa a kusulaikwa. I Bbaibbele lyakati Uyo kakwa. “Kuno nyina bubotu kuli Nguwe, tweede ku Mu yanda. Elyo toonse tuli mbuli mbelele zya kasweeka. Wa kali Muntu wa buusu, kazwide kufwaba.” Elyo nzila Bbaibbele mbo lya kaamba coonse Mbwa yooba. “Uyo sampaulwa a kukakwa.” Elyo tula bona Muntu oyo.

¹⁵⁰ Lino, abo bakasyoma Ijwi, ba kalizi kuti nzyoonya zintu ezyo Jesu nzyakali kucita, a zintu zyakali zya buumi Bwakwe, ba kalizi kuti Wa kali ni. Aboobo tiiba kakonzya kubikka caku Mu jaila zina, nkaambo tiiba kakonzya ku cibona. Elyo nywebo mulizi, luyandisyo talu kuboni, nekuba, ku zintu ezyo. “Luyandisyo luvumba zibi zinji,” nywebo mulizi. “Luyandisyo lulondokede lula gwisyu buyoofu, a cibi, koonse kukazya.” Luyandisyo lulacita.

¹⁵¹ Lino, oyu muntu moofu wakali kkede alya, nkabela Jesu a basikwiya Bakwe bakasika ambali. Elyo Ndi yeeya kuti Jesu waka bapa ciyo ciniini awa. Cindi niba kabona muntu oyu, mucete moofu, ba kayeeya, “Ee, lino masimpe, kuli cibi kunze lya ceeco, kubusena bumwi.”

Cindi twa bona cintucimwi kacicitika ku muntu, lyoonse tu laamba, “Ee, wa kabisy. Wa kazwa ku luyando lwa Mwami, kubusenabumwi.” Cindi Mukwesu Crase nakauma cikunguzyo, “Wa kazwa ku luyando lwa Mwami, kubusena bumwi,” mu muzeezo wa muntu umwi. Cindi ntobolo niya kalila, aali ndime, “Ee, wa kali zwide ku luyando lwa Mwami.” Mukwesu Neville wakauma mootokala, “Wa kali zwide ku luyando lwa Mwami.” Eco tacili kabotu ncobeni. Peepe, munene. Tacili obo. Leza ulazumizya zintu ezyo.

Jesu wakanyona a kuba yiisya ciyo.

¹⁵² Ba kati, “Bawisi kweelede kuti bakabisya. Na—na, sa banyina baka bisya? Na, sa wa kabisya?”

Jesu wakati, “Taakwe wabo wakabisya, pele kuti milimo ya Leza iyubululwa.” Ameni. Mwabona? Leza ulalekela zintu kucitika buyo ku...nkambo milimo ya Leza yeelede kuyubululwa. Lino, elyo aboobo Wa kati, kaambila muntu, a kumupa kukubona kwakwe, nkabela Wa kaunka nzila Yakwe.

¹⁵³ Elyo mpaawa kwa kaboola ba Farisi kutala, cindi nikwa kamwaika koonse. “Ngooyu mwaalumi wakali moofu, kakkede kunselelo okuya kalombelela, elyo ngooyu wakali kukonzya kubona.” Elyo ayo akali mavwambukila koonse akati kabo. Elyo, oh, ma, eco cakakopa cintucimwi. Elyo mpaawa bakasika okuya, nkabela bakabona kuti muntu moofu wakali kukonzya kubona.

Elyo lutaanzi, ba kaunka, kali kuyanda kujana nzila imwi ya kubikka buyoofu aa bantu boonse. Nkaambo, ba kaambide kale kuti, “Ikuti na umwi waunka kutobela Njiisyeyi mpya a oyu Musinsimi mupya uutegwa Jesu waku Nazareta, cakufwambaana bayo pegwa mapepa abo a luswaanano kuzwa ku mbungano. Taba konzyi kuunka limbi ku sinagogi. Ikuti na uswaangana a Nguwe, kujanika kuli umwi wa miswaangano Yakwe na kufumbwa cintu, to konzyi kuunka limbi.”

¹⁵⁴ Aboobo, bakali kuyanda kubamba kutondezegwa kupati kuzwa kuli ncico, nkaambo baka Mu sulaika. Tii bakali kuyeeya muntu oyo moofu mucete. Pele bakali kuyanda kubamba kutondezegwa kupati, ku kubamba bantu kuzwa kuli Nguwe.

¹⁵⁵ Ba kati ba yanda kubuzya bawisi a banyina, aboobo bakaunka a kuyo jana bawisi a banyina. Ba kati, “Sa oyu mwana wanu?”

Wa kaamba, “Iiyi, munene.”

“Walo, wa kazyalwa kali moofu?”

“Iiyi, munene.”

“Elyo ni nzila nzi yapa kuti abone?”

¹⁵⁶ “Elyo bawisi a banyina baka yoowa,” Bbaibbele ly a kat, “nkaambo balizi kuti bayo tandwa kuzwa mu sinagogi, ikuti na baka zumina kuti cakali...”

Elyo, mwabona, mbaabo mbo bakabede, kabatola kunselelo. Ba kati, “Lino, tu lizi kuti oyu mwana wesu.”

¹⁵⁷ Oh, antela bantu bali zyuulu zisyoonto kabaimvwi alya. Pele ikuti na wa konzya... Ikuti na balo ba Farisi banunka bakali kukonzya buyo kubikka bubi ku Zina Ly a ini awo, na kucita cintucimwi ca kuyoosya bantu, niba ka Mu tandila aanze okuya, ku muswaangano oyo. Mwabona? Koonse koongelezya Kwakwe nikwaasweeka.

¹⁵⁸ Aboobo ba kati, nkamu ya mbabo yaka boola awo kabasamide zikobela zyabo zya bupaizi, elyo ba kati, “Ko mwaambilila.”

¹⁵⁹ Ba kati, “Tu lizi kuti oyu mwana wesu. Tu lizi kuti wa kazyalwa kali moofu. Pele lino, obo mbwa bona, Ta ndizi. Amu mubuzya. Wa kakomena.” Mwabona? Yaa.

¹⁶⁰ Aboobo ba kaunka okuya a kumu bweza, kati, “Nguni wakupa kukubona kwako? Mbobuti Mbwa kuponya?”

Wa kati, “Umwii wiitwa kuti Jesu waku Nazareta wandipa kukubona kwangu.”

¹⁶¹ Elyo ba kati, “Amulumbaizye kuli Leza.” Kati, “Baa, tu lizi kuti oyu Muntu ngu sizibi.” Kati, a kuti, “Uli kuli Walo?”

¹⁶² Wa kati, “Ta ndizi. Wa kaboola buyo munsi a kundi ponya, nkabela nkukoonse Nkwe zyi kujatikizya ncico. Ndi lizi cintu comwe Nce zyi. Nse konzyi ku kwaambila kujatikizya Nguwe kuba sizibi, na pe. Ta ndizi. Nda zwaa kuswaana Muntu, sunu. Pele ikuti—ikuti na Wa konzya mebo kukubona kwangu—kwangu! Ndi lizi eci cintu comwe, kuti, awo Mpe kali moofu lumwi, Nda konzya lino kubona. Ndili masimpe kuli ceeco. Nkambo, Nda kali moofu, cisela ca oora cainda, elyo lino Ndi jisi buyo kukubona kubotu mbuli ndinywe no balombwana. Aboobo, Ndi lizi Nda konzya kubona.”

¹⁶³ Oh, ino nduumoola lwaka bikkwa ali mbabo! Aboobo ba kayeeya kuti, “Baa . . .”

¹⁶⁴ Wa kati, “Ee,” kati, “nyoonse tuyanda kuba basikwiya Bakwe, anywebo?” Obo mbubotu—obo mbumboni, bubotu butonkomene. Eyo—eyo—eyo ni mbaakani—eyo mbotu. Obo—obo—obo mbumboni bubotu ncobeni, eco Nce konzya kwaamba. Kati, “Sena nyoonse . . .”

¹⁶⁵ Ngooyu membala buyo, muntu moofu, kaimvwi mu kagwagwa nakamana kuswaana Jesu, lino kubuzya sikwiya, kubuzya ba Farisi ikuti na bayanda kuba basikwiya Bakwe. “I mabbishopo, bamasibbuku, tuyanda kuba basikwiya Bakwe, abalo?”

¹⁶⁶ Ba kati, “Peepe! Nduwe sikwiya Wakwe. Tuli basikwiya ba Musa.” Kulanga kulaale kaindi loko ku makani aakale, nywebo mulizi. “Tuli basikwiya ba Musa. Oyu Muntu, ta tuzi cintu kujatikizya Nguwe. Ta tuzi oko Nkwa kazwida. Ee, ta tujisi mulao wa zikolo zyesu zyoonse Nzya kasola kuyutuka. Ta boola kutu buzya kujatikizya zintu ezi. Mwabona? Ta tuzi cintu kujatikizya Ndilyo. Nywebo no bantu kumasena okuya, mula mvwisya kuti Muntu tako salwa? Oyo Muntu musondi na cintucimwi. Ngu Bezebule. Muli kukoogwa. Baa, Ta jisi bweendelezi buli boonse. Ta tuna cipa kuli Nguwe pe. Mwabona? Ta tuzi akwalo oko Muntu oyu nkwarzida.”

¹⁶⁷ Oyu mulombe daala wiimvwi alya wakali kukonzya kubona, kati, “Lino, eci ncintu cibotelezya kapati.” Mwabona? Walo utandila kubamba bantu kuzunda, aba ba Farisi bakali, kuba bamba kuyoowa. Mwabona? Pele wa kali kulubazu lwa Jesu, mwabona, aboobo wa kati, “Eci ncintu cibotelezya loko.”

Andi cipasaule, amwi majwi nga kalino amba. “Lino, nobalombwana nomuliko awa mwa keendelezya onse magolelo a bukombi bwa ceeci kwa myaanda ya myaka. Elyo waamba zya Mesiya uboola a cintucimwi eco ciyo citika buyo mu zimvule zya ciindi, cindi Munununi aboola kutu bona. Elyo utwaambila kuti cindi A boola, kuti—kuti eco coonse Ncayo cita. Elyo mpaawa nywebo, basololi ba kumuuya, bapaizi bapati a bapaizi ba bukkale obu, kabaimvwi awa antoomwe kumbele ly a bantu aba, kusola kubisyia Zina Lyakwe, kusola kwaamba cintucimwi cibi kuli Nguwe. Elyo Muntu wakasika a kujula meso angu aofweede. Nda kazyalilwa nkeli boofu. Ngooyu taata a baama, kupa bumboni kuti Nda kazyalwa nkeli moofu. Kali kkede mpoonya awa akati kanu, kwa myaka eyi yoonse, kazyalilwa neli boofu. Elyo eco tacina citika kuzwa inyika niya katalika. Elyo, ngooyu Muntu inga wasika a kucita maleele ayo aatana citidwe kuzwa inyika niya katalika, elyo, nywebo, basololi ba kumuuya, elyo tamuzi cintu kujatikizya ncico.” Fyuu! Humu! Kati, “Nda amba eci ncintu cibotelezya kapati.”

¹⁶⁸ Wa kaba ku mabazu a Jesu. Mwabona? Wa kazumizigwa kuba moofu kutegwa milimo ya Leza ikonzye ku yubununwa, mwabona, nkaambo wa kaboola ku lubazu lwa Mwami Jesu. Wa kaba ku lubazu Lwakwe.

¹⁶⁹ Lino, wa kabikka lumoola kuli mbabo. Nywebo mulizi na ncoba kacita? Ba kati, “Lino tu lizi kuti waka zyalwa mu cibi. Sola kutu yiisya?” Ba kamutonta kuzwa mu mbungano. Kamuumma kuzwa. Kamutontela anze. Ka mutanda.

Pele mbwa katandwa buyo, sa mwa kabona? Jesu waka mujana alubo. Amen. Amen. Jesu waka mujana alubo. Aboobo muta pengi ikuti na bamutanda. Uyo mujana alubo. Mwabona? Yaa.

Elyo Wa kati kuli nguwe, “Sena ula syoma Mwana wa Leza?”

¹⁷⁰ Wa kati, “Mwami, Nguni Walo?” Ta kazi akwalo. Pele cintu biyo nca kazi, kuti, awo mpa kali moofu, wa kali kukonzya kubona mpawo.

¹⁷¹ Elyo Ndi lizi cintu eci comwe, mukwesu. Inga baita Eci ciimo cakwiindilizya, alimwi kufumbwa nco bayanda. Pele, omo Mwe kali sizibi lumwi, Nda—Nda boola mu luzyalo lino. Cintucimwi cacitika kuli ndime. Mwabona? Eci cintu comwe Nce—Nce zyi lino. Kwiinda ku kusyoma Ijwi Lyakwe, kwiinda muku Mu syoma, Nda katandwa kuzwa ku kabunga koonse kunsi lya busyu bwa Julu. Taakwe wabo uyo nditambula limbi. Nywebo mulizi obo. Bamwi bantu babo bayo cita, kumasena

awa. Bantu babotu bayo zumina. Pele kabunga konse takandi lumbaizyi. Mbo mbubo. Pele Wa kandi jana. Uyo ndijana kubusena bumwi. Mbo mbubo. Mwabona? Mbo mbubo. Kaboola antoomwe mbuli boobo.

¹⁷² Elyo aboobo ciyooba kaboutu, nkaambo tu yanda kuba ku lubazu a Jesu. Alimwi nzila biyo mbo konzya kuba ku lubazu lwa Jesu nkwiiminina eco Nca kaamba, kusyoma Ijwi Lyakwe. Aboobo atube ku lubazu a Nguwe.

¹⁷³ Muntu moofu waka bapeda bumboni bwini. Yaa. Tula jana alubo kuti bakasola kubisya Zina Lyakwe.

Kwa kaindi buyo kaniini, elyo Nde elede kusotoka ku zintu zimwi awa.

Aboobo, ciindi cimwi, kwakali mu Farisi. Nda kakambauka aali ncico kuno ciindi cimwi cainda, a kuciita kuti, "Kusanzya matende aa Jesu." Nda syoma nyoonse mwaka ndimvwa ku kambauka aali eco awa, cindi mu Farisi nakalomba Jesu ku boola kunselelo ku ng'anda yakwe. Mu Farisi, mupati, mudaala situlengwa muyumu, nkabela waka Mu lomba kusika. Elyo mulizi Nda kacipa mu dilama niini, nzila sikuyumuna katundu mbwa kasika aku Mu jana. Elyo—elyo Wa kaselemuka, nekubaboo Wa kalizi kuti Wa kasulaikwa. Nekubaboo, Wa kaunka, nekuba. Elyo cindi nibaka Mu bikka omuya, taakwe noba kasanza matende Akwe. Alimwi a ku Mu lekela ku kkala ansi awo, kanunka, a zintu zyoonse zimbi, kuzwa ku mabote a lweendo. Alimwi mpaawo Wa kali kkede awo.

¹⁷⁴ Elyo mwanakazi muniini wakanjila. Ba kayeeya, "Oh, ma, Mwami mubotu kuli ndiswe, nkaambo, amulange, eci cileta buyo parti yesu mpati!" Ba ka Mu leta kuya nkambo kaku Mu fubaazya. Ba ka Mu leta kuya kuba a kufubaazya buyo kuzwa kuli Nguwe. Elyo eno baka yeeya kuti Mwami wakali kubeleka ambabo ncobeni, nkaambo kakuti oyu mwanakazi sibwaamu wampuwo mbi, wakasika okuya, alimwi wakali kulila, a kusanzya matende Aakwe a misozi yakwe, a kwapukuta kubelesya masusu aya.

Elyo mu Farisi mudaala a boonse bamwi bapaizi bakaimvwi okuya mu kkona, kati, "Mukwesu, zintuzyonse, Mwami waka cibamba mbubonya buyo kuli ndiswe. Mpaawa inga twa bikka kunanikwa aa zina Lyakwe ndyoonya lino. Ula liita Mwini kuti Musinsimi, alimwi bantu bayeeya kuti Walo Musinsimi. Elyo ba Mwi ita kuti Musinsimi waku Galilaya. Elyo akwalo Walo utaminina kuba Mesiya, alimwi tu lizi kuti Mesiya uyooba Musinsimi. Elyo ngooyu Mpali, kakkede kusule okuya. Sa mwabona awo mpo twa ka Mu leta? Amulange okuya. Mulombe, twa Mu bamba ndyoonya lino. Ngooyo Mbwa bede, kakkede kusule okuya, waka sintama mbuli kabwa kakanabbwa na cintucimwi kusule okuya. Elyo sibwaamu umwi, wa nkamu Yakwe mwini, wakali kunga waboola koonse a kusanzya

matende Aakwe mbuli obo, elyo eno Ta zyi akwalo. Ikuti na Wa kali Musinsimi, inga Wa ziba musyobo wa mwanakazi uli buti. Lino, balombe, tuyo nywa ali oyu umwi,” kati, “nkaambo, langa okuya.” Mwabona?

¹⁷⁵ Kufumbwa cintu cakabisya Zina Lyakwe, kufumbwa cintu ca kunyonganya kaanzambwene ka bantu, mukuta ziba kuti baka njidwe dyabulosi kukucita ceeco. Ba kali kubeleka mu lumvwano a dyabulosi, kusola kubisyia Zina ly a Mwana wa Leza.

¹⁷⁶ Mbobuti mbo bakacita eci, bakwesu? Nkaambo taakwe noba kalingula Magwalo. Jesu wakati, “Amulingule Magwalo. Muli Ngawo myeeya kuti mujisi Buumi Butamani, alimwi Nge Ngawo aa Ndi lungulula.” Oh, ino mulimo Ngwa kajisi! Mwabona? Iiyi, munene. “Ikuti na Nse citi milimo ya Taata Wangu, nkokuti muta Ndi syomi.” Mwabona?

¹⁷⁷ Pele awa mu Farisi oyu wakati, “Twa Mu jata lino. Oh, amulangisye awa, antela kuli bantu bali myaanda ili kkumi ayosanwe awa ku pobwe eli. Lino amu Mu lange kakkede awo. Ngooyo Uli kkede a sibwaamu.”

¹⁷⁸ Elyo, oh, ma, ino ncintu ciyoosya cakali mu buzuba obo. Fyyu! Humu! Elyo ngooyo Wa kali a mwanakazi wampuwo mbi, kasobelela mukati mbuli (mbo kuboneka) Wa kasobelela mukati. Wa kaswena kuli sikusanzya matende a zintuzyonse zimbi, akukkala alya.

¹⁷⁹ Elyo kati, “Ngooyu mbwabede, okuya kasanza matende Akwe. Lino, ikuti na Wa kali Musinsimi? Nywebo mwabona, bakwesu, oyo Muntu tali Musinsimi. Ikuti na Wa kali Musinsimi, mpawo inga Wa ziba kuti ncianza nzi ca mwanakazi mbwa kabede, kusanza matende Aakwe.”

¹⁸⁰ Elyo Jesu waka kkala buyo a kumu langilila, taakwe nakapusya tende kusikila na kamana kucita. Ikuti na uyo cita cintucimwi kuli Jesu, Jesu wakkala aku kulangilila kucicita, ciindicimwi. Uh huh. Ula kulekela kuzumanana mane wamanizya, mpawo bulumbu bwasika. Ndiza wazuza muzundano oonse wa buumi, ku Mu belekela, pele, uta pengi, kuli bulumbu ku mamanino, ikuti na watola buyo nzila yako ku lubazu Lwakwe.

¹⁸¹ Inga to-inga tobona muntu omwe kuponesegwa, oyo ngo kombela. Ko zumanana buyo ku bakombela. Nda kaamba kanji, “Ikuti na Nda kakombela bali myaanda yosanwe busiku bomwe; boonse bali myaanda yosanwe bafwa cifumo citobela; juunza masiku Ndino kambauka kuponesegwa kwa Buleza a kukombela balwazi.” Mwabona? Mutabi a cintu comwe cakucita a ncico. Mwabona?

¹⁸² Uyo kulekela kuselumuka nconzyo mu kuzundwa azituzyonse zimbi, mane wasika nkoonya kunselelo ku mamanino aa lweendo a kumanizya ncito yako, mbuli Mbwa kasololela mwanakazi oyo. Waa kali kuyanda ku Mu citila

mulimo, aboobo Wa ka tandabika buyo matende Aakwe kuya a kulekela—ku mulekela kwa sanzya. Oh, ikuti Na kaamba kuti, “Uta citi eco,” na kasotoka a kuzuza. Pele Wa kamulekela kucita mulimo.

¹⁸³ Elyo nakamana kwiindamo, kamanizya mulimo oyo ngwa kali kuyo cita, mpawo Wa kalungumana kuli sikuupaupa oyo kaimvwi kusule kuya, wakali kusola kuwaala bubi aa Zina Lyakwe. Kati, “Simooni, Ndi jisi cintucimwi ca kwaamba kuli nduwe; kutali kuli nguwe, pele kuli nduwe. Yebo, koimvwi kusule kuya, mu moyo wako, ako nke kaambo ncoka Ndi leta kunselelo okuno. To jisi luswaanano a Ndime. Sena Nse kacizyi? Pele waka Ndi leta kunselelo okuno. Elyo ka Ndi kkazika okuno, kuti u Ndi fubaazye. Lekela... Yebo to Ndi pa maanzi, kuti ndisanzye matende Aangu. Yebo to Ndi pa cintu caku Ndi katulusya. Mebo nkekdede awa, nkemvwide kupya a kucisa, yebo to Ndi pa mafuta aku busyu Bwangu. Wa fwabweeme ku Ndi myonta katambula, na kusukana janza Lyangu. Wabona? Wa fwabweeme, kumbele lya nkamu yako. Wa fwabweeme kucicita. Oyu mwanakazi, kuzwida ciindi na njila, taakwe nca cita cita ku cumba matende Angu a kwasazya kubelesya misozi njionya ya meso akwe, kwaapukuta kubesya cisansamuzyo cakwe ca masusus akwe eni. Mpawo, Ndila kutondezya ikuti naa Ndili Musinsimi, na pe.” Ameni. Nda ciyanda eco.

¹⁸⁴ “Lino Ndi yanda ku kanana kuli *nduwe*, kwakaindi buyo kaniini. Zibi zyanu, zyalo zinji, zyoonse zya jatilwa kuli nduwe.” Humu!

¹⁸⁵ Sena bakalibisyia Zina Lyakwe? Ba kali kuyeeya kuti baka Li cita. Ba kali kuyeeya kuti baka Li lesya. Ba kayeeya kuti baka Mu bamba kutegwa lubukulusyo Lwakwe lutakabi mu bukkale bwabantu obo. Ba kayeeya kuti baka nyonyoona koongelezya Kwakwe. Pele caka tola buyo muntu omwe oyo waka Mu yanda, ku sandula ciimo coonse.

¹⁸⁶ Mbobuti mbo ziba kuti toli muntu oyo, ku bukkale bwako bwa bantru na muntuumwi oyo ngoya kuswaana? Kuba ku lubazu a Nguwe. Sena Walo mulimo. Ko Mu citila cintucimwi. Mulizi eco Nce wamba, bakwesu? Kobweza lubazu lwako a Jesu. Ko Mu bweza, ku Mu bamba kuba kusala kwako. Ko Mu citila mulimo mu kutalanganya na umwi umbi na ula sola kubbadelwa alimwi, na cili conse. Ta cibambi lwandaano luli loonse. Amulindile mane mulimo wamana.

¹⁸⁷ Mbobuti mboyanda kuli Nguwe kwaamba... Nekubakuti waka kombela baciswa, nkabela tiiba kaponesegwa. Nekubakuti wakakomba kuti ukancane mu myaambo, nkabela to kacicita. Wa kakombela kusinsima; to kacicita. Pele, nekubaboobo, cintu buyo nco konzya kucita nkwaamba kaano ka Jesu, mu mbungano yako, na mu bukkale bwako bwabantu, ku mulimo wako. Inga akwalo tokacita cintu comwe; toka sololela muntu omwe.

Oyo mwanakazi taka solela omwe kuli Kristo, pele waa kacita mulimo kuli Nguwe. Elyo ino cibamba lwandaano nzi, ku mamanino aa lweendo, ikuti na Uyo amba, “Elyo Nda mwaambila, zibi zyanu zyoonse, nekubakuti taakwe mupailo omwe waka vwiilwa nkambo ka nduwe. Pele, wa boola aa mbaakani ya Ijwi Lyangu. Wa boola nkaambo wa Ndi syoma, alimwi wa Ndi citila mulimo. Elyo Nda amba kuti zibi zinji nzo kacita zyalekelewa zyoonse”? Eco inga cabota kweelede kuli ndime. Ameni. Iiyi, munene. Ncibotu.

¹⁸⁸ Ba yanda kwaamba kuti, “I mazuba aa maleele akamana,” a—a zimwi zimbi. Aba zumanane a ku caamba. Pele atu cite mulimo wa Mwami.

Ba ka Mu sulaika nkaambo bakali ba sibbivwe kuli Nguwe. Ako nkekaambo kalikke. Ba kali babbivwe.

Ba kali kusola kunyonyoona koongeleyza Kwakwe kumbele ly a bantu, mbubonya mbo bali mukucita eno. Balo, ikuti na bakonzya buyo mu—... kunyonyoona koongeleyza kwa Mulumbe kumbele ly a bantu, mpawo bakauma cintu. Mbo mbubo. Nkaambo, nkaambonzi ncoba kasola kucicita? Nkaambo Wa kali kulwana tunsiyansiya twabo toonse a njisyo zyabo zyoonse zya mbungano, a zintu zyoonse ezyo nzyoba kasyoma mo, a kwiita loonse lwabo—loonse lusyomo lwabo azimwi zimbi. Wa kali ku cilwana coonse. Elyo baka Mu sulaika nkaambo Ta kasangana a mbabo.

¹⁸⁹ Lino, ikuti Na kanjila, kati, “Oh, Kayafasi, muntu mubotu wa Taata Wangu. Ndime Mesiya. Boola okuno, Kayafasi. Sena waa bona aya maanzi okuya? Ula yeeya, kumusanza mu—mu Egepita, Musa, musinsimi mupati wakaasandula kuba—kuba bulowa. Sa ula ciyeeya eco, Kayafasi?”

¹⁹⁰ “Oh, Mulombwana mukubusyi, Ndili zibilene loko a kaano ako.”

¹⁹¹ “Yaa, Kayafasi, Ndila sandula kuba maanzi lino, kuzwa ku maanzi kuyaku bulowa, ku mutondezya kuti Ndili Musinsimi oyo Musa ngwa kaamba. Nceeco we, Kayafasi. Ino ueeyea nzi kujatikizya ncico?”

¹⁹² “Ino Uyeeyea nzi,” Kayafasi, mukuba mu Farisi, “ino Yebo ueeyea nzi kujatikizya ba Farisi?”

¹⁹³ “Oh, Ndi yeeya kuti mba zundano ba bantu babotu. Oh, nyoonse mula bamba tunsiyansiya twa matata kabotu buyo ncobeni.”

“Yebo ulizi, Yebo inga waba Mesiya.”

¹⁹⁴ Peepe. Na takaba. Eco cakali caando nciconya cakuti Ta kali nguwe. Cindi wabona muntuumwi kuboola, akuti, “Boolah okuno nkabela Njo kutondezya eco Nceyo cita. Elyo boola okuno, Njo cita ceeci a kucita ceeco.” Ula yeeya, ndyoonya lino, kuli cintucimwi ceenzu kujatikizya ncico, ku kutalika.

Jesu wakati, "Nse citi cintu kusikila Taata wandi tondezya, lutaanzi." Mwabona? Iiyi.

¹⁹⁵ Wa kali kubalwana. Wa kayiisya kwiimpana ambabo. Wa katapatila kubamba kwabo kwa Sabata. Wa katapatila nzila njo bakali kusama. Wa katapatila nzila zyoonse zya buumi bwabo, tunsiyansiya twabo toonse, konse kusanzya mipika yabo, kusanza nketulo, akusanzya maanza, azintuzyonse zimbi. Wa kacipa mulandu, conse nociceya. Kusama kwabo, Wa kati, "Musama zikobela zyakasumwa kusakatizingwa, a kuyandisyia zyuuno zyaatala, a—a kuba a mipailo milamfu, a kunyonyoona maanda aa bamukabafu." Kati, "Muyo tambula lunyonyooko lunji."

"Ee, amuyeeye, Ndili Dr. Niini!"

¹⁹⁶ "Nse kwe ndaba na nduweni." Oh, muntu, Wa kacibikka ncobeni. Tiiba kacita... Nkaambonzi? Nkaambo tiiba ka Mu syoma. Wa kali Ijwi. Mwabona? Wa kali kusola kumwaya cikama eco ca basitulaolao.

Elyo ikuti na Wa kali waano aa nyika sunu, inga Wa sola kucita cintu nciconya.

¹⁹⁷ Bantu bamwi balati, "Ee, lino, lindila aniini. Tula bamba Sabata, lyoonse. Tula cita eci. Elyo, nywebo mulizi, tula bamba eci coonse, alimwi tula bamba eco. Elyo lyonse, baa, lyonse muli Bwasamu Mubotu... Baa, kwalo ciindi cakulimya kulya casika, mazuba ali makumi one kakutanaba Pasika, lyonse tubamba Lenti. Nda kaleka kufweba, kwa mazuba ali makumi one. Nda leka kunywa, kwa mazuba ali makumi one, kakutana, kuciindi ca Lenti." Oh, kansiyansiya ka matata, basitulaolao. Ikuti na muyanda Leza, tamu—tamu kafwebi, mu busena butaanzi. Yebo wakali kuyanda Leza, yebo... Nda—Nda kalemba kusule lya Bbaibbele lyangu liniini, litaanzi Nde kasola kuba alyo, Nda kati:

Utandi buzyi mibuzyo ya bufubafuba.
Bamba eci mu mizeezo yako,
Ikuti na ula muyanda Mwami a moyo wako
oonse,
Toka fwebi, kunywa, na—na, toka kafwebi,
kunyeela, na kunywa kumwi kumweka.

¹⁹⁸ Elyo eco ciciimvwi kacicili cibotu sunu. Nse ciciti nkaambo Ndi yeeya kuti Ula ndipa mulandu wa kucicita. Nda kali kunga ndaleka nkaambo ncintu catombe, alimwi tacili mukuba mukutausi. Mbo mbubo. Inga tee ndaamba...

¹⁹⁹ Ziindi zinji inga Nda unka ku maanda nkabela kuli banakazi baimvwi kubusena kuya. Elyo Nda unka ku ng'anda, nke konkomona aa mulyango, nkabela mucizi wakali kunga wasika ku mulyango, "Konjila, Mukwesu Branham." Ikuti na mulumi wakwe tako, citakuti nkaambo ka malwazi a muntuumwi antoomwe a ndime, Ta ndiinki. Elyo mpawo bala nditumina

ku cibbadela, na ku kaanda, kwaamba, "Mukwesu Branham, boola okuno. Ndili Mucizi *Niini-a-niini* uuzwa kuli *Niini-a-niini*. Ndili—Ndili waano ku hotela. Nda—Nda—Nda leta bamaama ambali. Bali cisidwe." Nda bweza mukaintu wangu. Ikuti na Nse citi, Nda bweza mukwesu umbi. Mwabona? Nse—Nse citi. Nse yeeyi...

²⁰⁰ Ndi yeeya kuti inga caba kabotu kuli ndime kunjila omuya, pele ino kuti muntuumwi wandibona nke njila omuya? Mwabona? Ino kuti muntu umwi wandibona kucicita? Mwabona? Mpawo, cintu citaanzi nywebo mulizi, bakali kunga baamba, "Wa kanjila omuya oko mwanakazi nkwa kabede. Uli mukukama kwiindilila banakazi." Kuti, mwabona, eco inga caba cintu nce Nte elede kucita. Mwabona? Ta mweelede kucita kufumbwa cintu mbuli ceeco, nkaambo mwabikka cilebyo munzila ya muntuumwi umbi. Mwabona? Nse syomi kuti inga Nda cita cintu cili coonse cilubide omuya. Inga, Nda cita, a kusyoma Leza kunjila omuya. Takukwe makani obo cintu mbo cakabede, inga Nda syoma Leza. Pele, nekubaboobo, mwabona, alimwi—alimwi—alimwi Nda tuyanda Mwami kabotu loko mane inga Nse cicita. Mwabona? Lwalo nduyandisyo ndo mujisi. Nywebo, tamu kaciciti nkaambo mulimo wakucicita. Ula cicita nkaambo ula tuyanda Mwami. To ciciti, pele ula cicita, nekuba.

²⁰¹ Paulo wakati, "Kuli ndime zintu zyoonse zili mu mulao, pele kutali zyoonse kuti zileleela." Mwabona? Paulo wakali kukonzya kucita zintu zinji ezyo ndiza nzya kazi kuti Mwami waka mumvwisya, a kumusyoma, pele tii cakali kweelela kuli nguwe kucicita.

Aboobo eyo nje nzila basitulaolao abo, kusola kwaamba kuti, "Mazuba ali makumi one kakutanaba Pasika, lyoonse tula mu kuliimya kulya." Elyo balalya kunji buyo mbuli mbo bakacita lyonse. Ndiza ba lati, "Ee, Nse yandi bunyangu, aboobo Njo leka kulya bunyangu, nkambo ka Lenti." Nda kabamvwa kabaamba boobo. "Nse iyandi nyama ya ngulube, aboobo Nda kaileka nyama ya ngulube, yebo ulizi. Njo leka kunywa, nkambo ka Lenti."

²⁰² Mwanakazi omwe waka ndaambila, kati, "Uli zyi na eco Nce kaleka, nkambo ka Lenti, mwaka oyu, Mukwesu Branham?"

Nda kati, "Peepe. Inzi?"

²⁰³ Kati, "Nswiiti." Kati, "Nse—Nse kabikkila maanu maningi kuli njivo, nekuba." Mwabona?

²⁰⁴ Nceeco we. Lino, baita kuti kuliimyakulya. Mwabona? Busitulaolao. Ba lati, "Ee, Ndi jisi ii... Nywebo mulizi, Nda—Nda—Nda kawa kuya ku mbungano kwa ciindi cilamfu. Nkaambo, Nda mwaambila, Nda kabamba kwiiya kwa Munondo kwa mwaka uuзвwide, nkaambo mwiyi wangu wakati ikuti na niba kapa Bbaibbele kuli oyo wata kaimpya buzuba."

²⁰⁵ Lino, mukwesu, eyo nje nzila imwi ya kuunka. Inga ndasala buyo kuunka kuyo nduulila Bbaibbele. Mwabona? Ikuti na toinka ku cikombelo nkaambo ula muyanda Mwami, inga akwalo wa tantamuka. Kwa mana. Mwabona? Nkaambo, wiinka kokuya nkambo ula muyanda Leza. Nda yeeya lwiimbo olu ndo twiimba:

Kalelekwa kaanzyo ako kaswaanganya
Myoyo yesu mu luyando lwa Bunakristo;
Luswaanano lwa mizeezo iikozyenye
Luli mbuli lwa Kujulu.

Cindi twa andaana,
Kula tupa kucisa kwa mukati;
Pele tu cino swaangene mu moyo,
A kulangila kuyo swaangana alubo.

²⁰⁶ Mwabona? Nce ncico. “Cindi twa ndaana, kula tupa kucisa kwa mukati.” Nda kabona ciindi, mukwesu. Ntapi mulandu kuli lwesu, pele andi sinsimune buyo ku cintu cimwi. Nda kabona ciindi mu mbungano eyi, cindi bantu nibakali kulindila kusikila Bwatatu masiku kuyo swaana umwi aumwi, bakali kunga balilila. Elyo mbo mbubo. Nda kabona bakutausi kaba njila omuno a kwaamba kuti, “Mbobuti mbo cicita? Ee, balo bantu, moyo omwe buyo.” Mwabona?

²⁰⁷ Bala swaana ku mulyango a kwaamba, balo bacizi bala swaangana umwi aumwi kusule okuya, a kugwambatilana umwi aumwi, a kwaamba kuti, “Mucizi, koba masimpe kundi kombela lino, oyandwa. Njo kubona alubo Bwatatu masiku. Muyo komba, embo na? Kamuno ndi kombela, Ndino mupailila.” Elyo kubamba mbuli boobo, a misozi mu meso abo.

²⁰⁸ Mwabona bakwesu kaba sukana maanza kuli umwi aumwi, alimwi taba konzyi buyo kuzwa kuli umwi aumwi mbuli boobo. Olo nduswaanano lwini lwa Bunakristo. Mwabona? Mwabona? Kulindila buyo, kupailila umwi aumwi. Iiyi, munene. Eyo nje nzila mbo tweelede kuba. Yaa.

²⁰⁹ Lino, aba bantu baka panga twaambo otu, tee bakali bantu babi. Tee bakali kuyanda kuba babyaabi. Ba kali kuyeeya kuti bakali kucita mulimo wa Leza. Balo ba Farisi a zintu, tee bakali basambazi bamakoko kunzaacuulu a bakolwi. Ba kali bantu bakombi. Tiiba kali babi. Teeba buyo—teeba katambula buyo Ijwi lya Bwini. Tiiba katambula Muuya. Nkaambonzi? Ba kajatilila ku tunsiyansiya twabo a tunsiyansiya twabo—twabo twa basololi. Mwabona? Ca katondezya kuti bakali kuyanda basololi babo.

²¹⁰ Ngooyu Kayafasi mupati, mupaizi mupati. Kuli bamwi bapaizi abo batapi, a bantu abo beenda kumbele.

Lino, mwa bweza, mbuli Katolika. Ba...Kutali kuba sowela. Cintu nciconya mu ba Protestant. Wa bweza muna Katolika, ula muyanda mupaizi wakwe. Elyo—elyo Ndiyo

mwaambila kujatikizya Ijwi lyा Mwami, alimwi—alimwi ula bona milimo ya Leza. Wa kati, “Pele mbungano yangu—yangu tai cisyomi Eco.” Elyo wa talika kwaambaula, a ku musyamba. Nda amba...

Ii mwanakazi waka ndaambila, buzuba bumwi, kati, “Ncibi kuli ndime ku kuswiilila.” Mwabona? Ta kali kuyanda kuba mubi. Waa kayeeya buyo maningi mbungano yakwe a mupaizi wakwe, kusikila, ikuti na waa kaswiilila kufumbwa cintu cimbi... Waa kali kusyomeka ku mupaizi oyo.

²¹¹ Kamboni wa Jehova ulasyomeka kuli ceeco ncoba syoma. I Baptisti ila syomeka kuli ceeco ncoba syoma. I muna Presbyteria ula syomeka kuli ceeco ncoba syoma. Elyo bala syomeka ku beembeli babo. Sa ta tukonzyi kuba basyomeka ku Ijwi? Mwabona? Lino ikuti abo...

²¹² Ndi yanda ku kubuzya cintucimwi. Yebo watı, “Ee, Mukwesu Branham, mbobuti mbo ziba kuti tabali boobo?”

Lino, ikuti na abo ba Farisi aba Saduki, a basololi ba buzuba obo, niba kazwa ku tunsiyansiya twabo a tuyanza twabo twa buzumini, a kuswiilila kuli ceeco Ijwi ncolya kaamba a ceeco Jesu ncakali kwaamba, mbubonya buyo eco Mesiya nca keelede kucita, niba kazumanana kujatilila kuli Nguwe. Mwabona? Pele ba kayeeya kunji loko kwa basololi babo!

Tiiba kali bantu babi. Tiiba kali kubba, kubeba, kukankezya, kufumbwa cintu mbuli ceeco. Teeba kali kucita ceeco. Inga noba takacita mamambi. Baa, peepe nconzyo. Baa, niba kapa bumboni ku kuumwa mabwe kwa umwi kuli umwi waka cita cintu cili boobo. Elyo tiiba ka—tiiba kacita ceeco. Ba kali bantu babotu.

Pele cintu biyo mbo cakabede, kwakanyina bantu basimuuya. Mukulilemeka, bakali kabotu, pele eco tacili ncico cijisi makani. Elyo ncinzi Jesu nca kabaambila, abalo balo bantu basyomeka? Wa kati, “Muli bauso wanu, dyabulosi.” Mwabona? Ndi Ijwi eelyo lijisí makani.

Lino Ndila bindaana cakufwambaana mbuli mbo kukonzeka.

²¹³ Lino, tii baka zwide Muuya, pele bakali kusyomeka a kujatilila ku kansiyansiya kasunu ka basololi babo. Mwabona? Ncibotu. Mulimo wakwe wakali kutondezya njisyo yabo. Eelyo ndepenzi. Lino amulange. Ndiyo cibweza buyo. Lino buyo...

Bakwesu, Ndi—Ndi, Ndiyo—Ndiyo mulomba, amundi jatile, ndyoonya lino, mu kulampa boobu. Ndili... Ndiza tamu yandi kuti nka joke kuli umwi umbi. Pele, amulange. Amuswiilile kuli ceeci. Mwabona? Ndi yanda kuti mube masimpe kumvwa ceeci.

²¹⁴ Lino, baka jisi tunsiyansiya twabo, alimwi kwakali mambungano malemu a bantu balemu, a bantu balemu, bantu basalala, bantu babotu, bantu balome, bantu babotu, bantu

balemekwa, bantu babulemu, bakiya, basongo, bakombi. Sa mbo mbubo? Elyo toonse tu lizi obo. Kabotu buyo mbuli mbo konzya kujana ali oonse. Mwabona? Pele cindi Jesu nakasika, mulimo Wakwe wakatondezya njiisyo yabo, nkaambo Leza wakali kutondezya kwiinda ku mulimo wa Jesu Kristo kuti Wa kali a Nguwe.

²¹⁵ Sa Petro takali kubalulula cintu nciconya? Wa kati, "Nywebo nobantu ba Israyeli, acizibwe eci kuli ndinywe, a kuswiilila ku majwi angu." Wa kati, "Jesu waku Nazareta, Muntu waka tondezegwa aa Leza akati kanu." Mwabona? Mwabona? Ikuti na ba . . .

²¹⁶ Mbuli muntu oyu moofu mbwa kaamba, "Sa eci tacili cintu cibotu loko? Muli basololi ba kumuuya iba cisi, elyo mpaawa kwaboola Muntu mukati a kujula meso aangu kwiinda ku nguzu zya Leza, elyo nekubaboobo tamuzyi cintu kujatikizya Nguwe." Wa kati, "Eci ncintu ciboteleyza." Wa kajisi cintucimwi. Sa ta kacita? Wa kacita ncobeni. Yaa. Wa kacita. Ii Muntu wakali kukonzya kucita ceeci, elyo nekubaboobo tiiba kazi oko Nkwa kabede. Lino eco cakali cintu cibotu kapati.

²¹⁷ Lino amulange sunu, bakwesu. Mwabona? Tu jisi ii, tu lizi tu jisi mulimo wa Leza. Tu lizi Uli mukucita maleele. Nku ponya baciswa. Akwalo kubusya bafu. Nku tanda madaimona. Cila kanana mu myaambo a kupandulula myaambo. Cila tuma zisinsime; zila citika. Wa ka tutondezya ziloto, kupandulula; kulondoka, mukusinizya. Mpawo sa tacili cintu ceenzu kuti basololi bapati bayo amba kuti twa kali nkamu ya bantu basondokede, cindi nobali basololi ba cisi, basololi ba mambungano? Eco ncintu ciboteleyza.

²¹⁸ Ino ncinzi? Li cili bbiwe. I Muuya a nguzu a Ijwi lya Leza mu mazuba aya akumamanino uli mukutondezya tuyanza twabo twabuzumini a buzumini bwabukombi, nku koonse kuliko kuli ncico, kuti bakofwaazy a bantu kwinda kuli ncico.

Aboobo, bakwesu bangu bakubusyi, nywebo nyoonse nomuunka ku masena aya mu mambungano aya, kamu jatilila ku Ijwi lya Leza. Muta puti. Ikuti na to konzyi ku Ci bamba kucitika, uta imi mu nzila ya umwi umbi. Koima awo, kouma ku citendele ca mulyango, kutondeka buyo nkoonya kuli Nguwo. Mbo mbubo. Kokkala mpoonya awo. Muta taliki ciimo cakwiindilizya, nkaambo kuyo mutondezya mujulu. Pele ikuti na uyo kkala ca bwini a kusalala, a Ijwi eelyo, Leza uyo kusimpikizya. Mbo mbubo.

²¹⁹ Mulimo Wakwe wakali kutondezya njiisyo zyabo a tuyanza twabuzumini. Aboobo ba kabweza ciindi coonse ca ku Mu gusya, ba kali kukonzya kujana. Zintuzyonse nziba kakonzya kujana, zya ku Mu gusya, baka cicita. Kusola kwaamba kuti, "Ee, lino, langizya awa. Langizya awa, Niini-a-niini, oyu umwi."

²²⁰ Ngooyo Mbwa bede, kakkede alya, buzuba bumwi, mu ng'anda ya Simooni, sicinsenda. Taakwe ijwi lyomwe lyakati Wa kamuponya. Wa kali sicinsenda. Taakwe caamba kuti Wa kamuponya. Mbo mbubo.

²²¹ Wa kainda munsi lya ciziba ca Betisaida, elyo mpaawo kwa kalede bantu batandila ku zyuulu zyobilo, balema, boofu, basunkuta, bayuminide mibili. Elyo Wa keenda kuya ku muntu omwe a kumuponya, a kuzwa. Kwaamba, “Ee, lino, ikuti na Wa kali Mesiya, Na kaponya boonse babo. Ikuti na Wa kazwide lweetelelo mbuli ndinywe nyoonse mbo mwaamba kuti Mbwa bede, inga Na kaba aluse ali boonse babo.”

Zintu zyoonse ezyo nzyo bakali kukonzya kujana, ku waala caando cisiya aali Nguwe, baka cicita. Zintuzyonse nzobakali kukonzya kujana, baka ziwaala ali Nguwe. Yaa. Ba kabweza coolwe coonse kuti baka konzya, kugwisya, ku Mu gusya.

²²² Kabuzya kuzyalwa Kwakwe. Kuzyalwa kwakwe kwakali mu mubuzyo. Ba kabikka eco kumbele lya bantu. Tiiba kakonzya kumvvisya nzila Mbwa kazyalwa kukuzyalwa kwa nakalindu. Elyo Josefa, wisi Wakwe, wa keelede kuba mubezi. Elyo Wa kazyalwa Josefa a Mariya kabatana kwtana. Ba kawaalila ceeco kumbele lya bantu. Iyi, munene. Mwabona? Ino Nda amba nzi lino? Bali muku Mu bisizya ciimo. Mwabona?

²²³ “Amu Mu lange. Ino Wa kazwa kuli? Amulange banyina Bakwe, mbuli biyo sikuvuula wamu tugwagwa, waka jisi muvwanda oyu. Elyo muvwanda naka mana kuzyalwa... Waa kamitide kale, muvwanda wa keelede kuzyalwa, mpawo Josefa waka mukwata, kucisisa, mpawo kaboola kubusena a musyobo umwi... Baa, mulimo wa dyabulosi. Sa tamu konzyi kubona? Ngo musyobo oyo wa kuzyalwa.” Ba kasowa ceeco kumbele lya bantu, muta bala mu Bbaibbele, Isaya 9:6, “Ii nakalindu uyo mita.” Mwabona? Cakali cinzi? Ba kazwa ku Ijwi. Nce ncico.

²²⁴ Ba kawaala kubisya bisya ku bwami Bwakwe. “Nobalombwana, sena tamuzi kuti tuli basikwiya ba Musa? Sena tamuzi kuti tuli balanda ba Kristo? Sena tamuzi kuti tu lingula Magwalo abuzuba? Elyo ta tujisi cintu comwe.” Ba kati, “I Mesiya uyo boola ku tempele Lyakwe. Taakwe ijwi lyomwe Lyakwe ku boola ku tempele. Ino Ula ali? Ino ncikolo nzi Nkwa kazwida? Amubuzye kufumbwa wa bakwesu, boonse ba Methodisti, a Baptisti, a Presbyteria, nywebo mulizi; ba Farisi, ba Saduki, abamwi bambi. Ino ujisi kkadi nzi lya luswaanano Ndya bwezezya? Buli kuli bwami Bwakwe nobuba bwa kukambauka? Tana nanikwa. Ta jisi akwalo nguzu zya kukambauka.”

²²⁵ Wa kati, “Kunanikwa kwangu kuzwa kuli Leza. Milimo yangu ilasimpikizya obo Mbwe bede.” Mbo mbubo. “Nse elede kuba a mapepa anu.”

²²⁶ Mwabona eco nce Ndi pandulula? Ba kawaala eeo. Njiisyo Yakwe, baa, baka Mwi ita kuti Bezebule. Njiisyo Yakwe, tiiba kakonzya kumvwisya.

²²⁷ “Baa, Ta kazyanya a tunsiyansiya toonse twa matata. Ta ka zuminana abalo ba Farisi. Wa kazyanya a ba Saduki. Ta ka zuminana a nkamu yoonse yabo. Lino, mpaali Mpa jana Njiisyo Yakwe?” Kuzwa ku Bbaibbele, mubwini.

“Ee,” yebo wati, “ee, lino, mbobuti Mbwe ziba kuti Eco cili luleme?” Leza waka ciiminina.

Eco ncencico muntu moofu nca kaamba. “Ncintu ceenzu, ikuti na uli luzi nkabela Uli lubide loko. Nekubabooobo Ula konzya kubweza nguzu zya Leza a kujula meso angu, nkabela ton a cibona kacicitwa, akwalo. Eco ncintu ceenzu.” Oh, ma! Ndila yandisya kuba ku lubazu a Nguwe, tamu citi? Masimpe. “Mwa amba kuti muli basikwiya ba Musa, alimwi muli luleme loko alimwi Uli lubide loko, mpawo andi mubone kucita zintu Nzyali mukucita.” Ameni.

²²⁸ Mpe mpawo, Njiisyo Yakwe, baka Mu sampaula, koonse kutaminina Kwakwe. Ba kati, “Ta jisi...kutaminina Kwakwe kwakali lubide, mukuba Mesiya. Mbobuti Mbwa kali nooba Mesiya, kutali kuboola ku mbungano? Mbobuti Mbwa konzya kuba Mesiya? Elyo mpaawa mpo tubede, bubotu bwiinda bwa Israyeli.”

Pele bubotu bwinda bwakazo sasa. Mwabona? Oh! Iiyi, munene. Kajisi nzinini muli mbubo, aboobo ba—ba kailulula eco.

²²⁹ Aboobo wa kati, “Mpaawa mpo tubede, mbungano, basale. Tuli...Twa kabamba kansiyansiya. Twa kabamba milao ya Musa. Twa kacita zintu ezi zyoonse, alimwi ansi mbuli obu. Elyo ngooyu Muntu oyu waboola antoomwe a kusampaula kutaminina kwesu. Elyo kunze lya ceeco, bapaizi besu basalala, taata wesu uusalala, wa kacita *ceeci* alimwi wa kacita *ceeco*, a misyobo eyi yoonse imbi ya zintu, a boonse bantu besu bapati, elyo Walo ubaita kuti ‘ba dyabulosi,’ mpawo ula liita Mwini kuti Mwana wa Leza.” Oh, ma! Mwabona?

²³⁰ Ba kasola kuwaala zimvule aa Zina lya Jesu, alimwi aali Jesu, ku cileta kumbele lya bantu. Kunji loko inga kwaambwa awo, pele citola ciindi cinji loko. Pele ninzi? Pele Ijwi a milimo zyaka Mu simpikizya. Ameni.

²³¹ Oh, ku basyomi beni, bakakanzwa abo bakakanzwa ku Mu bona a kuziba mulimo Wakwe, ngooyo Mbwa kabede. Takukwe makani na Wa kasola kujula mulomo Wakwe kujatikizya cintu cili coonse, ba kalizi kuti Mbwa kabede. Aleluya!

²³² Oyo sibwaamu wakaindi muubauba wakeenda okuya ku mukalo buzuba obo, kuteka bbakete lya maanzi. Elyo Mwaalumi

wamusela waakati kakkede okuya, kati, “Kondiletela Mebo cakunywa.”

²³³ Waa kati, “Baa, tacili cilengwa kuli ndinywe noba Juda kulomba mwanakazi waku Samariya mbuli boobu.”

Wa kati, “Pele ikuti nolizi Oyo ngo kanana awe!”

²³⁴ “Lino,” ula yeeya, “ngooyu mu Juda wa musyobo musongo.” Waa kanyona, kati, “Nda bona Uli mu Juda. Elyo ikuti na Uli mu Juda, mubwini, Uli mukombi, alimwi Yebo uti, ku kombela ku Jerusalema. Pele taata wesu, Jakobo, wakanywa kuzwa ku mukalo oyu, a kutila ng’ombe zyakwe awa. Elyo maanzi ali sakene, alimwi To jisi cintu caku tesya. Elyo tu kombela mu dundu eli.”

²³⁵ Wa kati, “Koima buyo kwakaindi kaniini. Koya kalete mulumi wako mubooke okuno.”

Waa kati, “Nse jisi akwalo mulumi.”

²³⁶ Wa kati, “Yebo waamba bwini.” Kati, “Uli jisi bosanwe. Wali kujisi bosanwe, alimwi oyo ngo pona aawe tali wako.”

²³⁷ Oyo sibwaamu muniini, wakakazidwe, Nda konzya kumubona kabikide nongo ansi, elyo waa kati, “Munene, Nda kuziba kuti Uli Musinsimi.” Mwabona? Mwabona?

²³⁸ Eyo mbuto yakali lede awo. I cintu buyo eco nco ya kali kuyandika akali Maanzi, alimwi Maanzi akawida ali njijo.

²³⁹ Cindi Na kawida aba Farisi abo, ba kati, “Ngu Bezebule.” Taka konzya kuleta cintu. Kwakanyina cintu okuya cita nsaku, zya kuzwa.

²⁴⁰ Pele cindi mbuto eyo ya kakanzwa niyakauma Maanzi ayo aa Buumi, waa kati, “Munene, We elede kuba Musinsimi. Ndi lizi kuti cindi Mesiya aboola, Uyo twaambila zintu ezi.”

Wa kati, “Nde Ndime, oyo ukanagan kuli nduwe.”

²⁴¹ Waa kasiya eyo nongo ya maanzi, a mu munzi! Waa kajisi cintucimwi ca kwaamba. Waa kati, “Amuboole, mubone Muntu Oyo wandaambila zintu nze Nda kacita. Sa oyu tali nguwenya Mesiya?” Mwabona? Waa kaba ku lubazu lwa Jesu. Mbo mbubo.

²⁴² Cintu ceenzu, embo na? Boonse ba Farisi a ba Saduki tii baka Mu zyi, nkabela oyu sibwaamu waka Mu ziba. Mwabona? Nkaambonzi? Abo baka Mu syoma, a ku Mu yanda, a kubona zitondezyo Zyakwe, ba kalizi kuti cakali citondezyo ca Mesiya. Kunyina kucizunguluka. Ba kali cizi.

²⁴³ Cindi Nataniyeli mudaala nakasika okuya. Ndiza, Filipo katana, kati, “Lino, Nse zyi kujatikizya ceece, Filipo. Nda kabona zintu zinji kazibuka mu mazuba aya akumamanino. Ndi lizi kuli zintu zinji zicitika.” Pele wa keenda kumbele okuya kumbele Lyakwe. Kati, “Nda unka kuyo swiilila kuli Nguwe, a kubona eco nca keeleda kwaamba.”

²⁴⁴ Keenda kutala okuya, elyo Jesu wakati, “Amubone mu Israyeli muli nguwe mutakwe luuni.”

Wa kati, “Rabi, ino Wa kandiziba lili?”

²⁴⁵ Wa kati, “Kataninga ku kwiita Filipo, cindi noli kunsi lya lya cisamu, Ndali kubwene.”

²⁴⁶ Ncinzi cakacita? I Maanzi akauma mbuto eyo yakakanzwa. Oh, ma! Cindi Ni cakacita, wa kati, “Rabi, Yebo uli Mwana wa Leza. Yebo uli Mwaami wa Israyeli.”

²⁴⁷ Cakali cinzi? I lunyungu lwakali lede alya, kalibambilide. Leza waka isyangide kale kaindi kuzwa ku malengelo aa inyika; Ce elede kuleta Mumuni mpoonya aa ciindi eco. Aleluya!

²⁴⁸ Oko nko kwiima kwangu, mpoonya awo, mukwesu. Awo Mpe syomena, mpoonya awo. Nda Ci kambauka, alimwi Ci wida ava a kokuya, elyo bala unka nzila eyi a nzila eyo. Ta cibambi lwandaano luli loonse. Kubusena bumwi, Iyo uma mbuto. Elyo cindi Ni cakacita, ciyo uluka ku Buumi, mbuli boobo, masimpe buyo mbuli inyika. [Mukwesu Branham wanontola tunwe twakwe—Mul.] Iyi, munene.

²⁴⁹ Mbuli, “Oyo mulombe moofu,” kati, “eci caka citwa kuti milimo ya Leza ika yubululwa.” Mwabona? Mwabona? Wa kalizi eco cakali kuyo citika. Masimpe, Wa kacita. Yaa.

²⁵⁰ Lino, bakakanzwa, cindi niba kabona zitondezyo Zyakwe zya Lugwalo, kalizi kuti Ijwi lya kasimpikizya milimo, na milimo yaka simpikizya Ijwi, kuti Ijwi lyakali luleme. Ba kakanzwa ku Ci bona, alimwi bakali moonya mu mundando ku Ci bona, alimwi baka Ci jana.

Mpawo ba kati . . . Niba kamana kubona kuti tiiba kakonzya kusika kuli koonse.

²⁵¹ Nkaambo bantu bakali kanzidwe ku Buumi Butamani, bakali kuyo Bu jana. Kwa mana. “Boonse abo Taata mbaka Ndi pa bayo boola kuli Ndime. Elyo boonse baboola kuli Ndime, Njo pa Buumi Butamani a kumubusya ku buzuba bwamamanino. Takukabi omwe wabo uyo sweeka.” Ameni. Ndili jatilide ncobeni kuli ceeco.

“Kutali ku milimo, kutali ku micito, kutali ku nguzu, kutali ku bukouz; ku Muuya Wangu, mbwaamba Leza.” Kutali eco Nce kacita, obo Mbwe bede, na obo Mbwe yooba; pele obo Mbwa bede. Elyo Ndili muli Nguwe. Elyo kufumbwa Mbwa bede, Ndili cibeela Cakwe. Ameni. Nda kafutulwa nkaambo Ndili cibeela Cakwe. Elyo, Walo, Ngu Leza. Elyo Ndili cibeela Cakwe, mukuba mwana Wakwe. Mbo mbubo. Aboobo tacili ceeco Nce kacita, eco Nceyo cita. Nceeco Nca kacita. Oko nkusyoma kwangu, mpoonya awo. Yaa.

²⁵² Aboobo bakabona kuti tiiba kakonzya kusika kuli koonse. Ndiyo sotoka kuniini kwa Magwalo aya awa. Ba kabona kuti tiiba kali kukonzya kusika kuli koonse, a Nguwe.

Aboobo, nywebo mulizi, cintu citobela nco bakeelede kucita, kusola ku Mu gusya kuzwa mu muunda, ba kaunka a kwaamba kuli babunyina Bakwe a banyina Bakwe, "Nywebo mulizi, Wa katala kapati. We elede ku Mu gusya kuya ku lubazu lomwe, kwa kaindi." Eyo nkamu ya basikuupaupa! Tii baka cita buyo, cintu, cakali, tii bakali kuyanda buyo kujana, cintu ncoba takali kuyanda kucita... Ba kali kuyanda ku Mu gusya. Tii cakali kuti bakali kuyeeya kuti Wa kali katede loko. Ba kali kuyanda kuli Nguwe kuti alibeleke Mwini ku lufu. Pele ciindi coonse Na kazwa, maleele akatalika kutila, Ijwi lya Leza lya keenda.

Mebo, sa inga tii Nda yanda ku Mu mvwa kaima kuya buzuba obo, aa nkomwe ya lwizi, cindi Na kaita Simooni Petro, a kuti, "Ndi Tobele!" Ni Nda kayanda kutanta citandaaku kkala alya, kasiya tunyandi twangu, akusiya kasamu kangu kakulobozya, Mukwesu Crase, a kukkala alya, kuyaama kusule ku citanda a kuswiilila kuli Nguwe kakambauka cindi Na kanjila mu bwaato obo! Oh, ma, ma! Sa Ne kayanda ku Mu mvwa cindi Na kaamba ceeco, "Amuboole kuli Ndime, nyoonse nomu minidwe amikuli. Njo mupa kulyookezya." Ameni. Ndi yanda ku Mu mvwa ku caamba.

²⁵³ Ba kasola kujana banyina Bakwe a balo ku Mu gusya kuzwa mu muunda. Ba kati, "Ee, yebo ulizi, Wa—Wa kaindizya kubeleka. Nda syoma ncibotu wa Mu gwisyu mu nzila eyo." Kufumbwa nzila, cintu, nku Mu gusya, nku konse nkoba kali kuyanda. Iiyi, munene.

²⁵⁴ Alubo, banji bakaunka a Nguwe, kujana buyo busena bwa ku Mu ceja. Sena mwakalizi obo? Bantu bakatobela ncobeni antoomwe a Nguwe, kujana buyo busena. Ba ka Mu pa, buzuba bumwi, sheleni. Elyo ba kati, "Rabi..."

Kabatana ku Mu pa sheleni, kati, "Rabi, tuli ba Juda. Tu lizi kuti Uli Muntu mulemu wa Leza." Oh, oyo sikuupaupa! Mwabona? Inzya. "Tu lizi kuti Uli Muntu mulemu wa Leza. Iiyi, Munene, Rabi." Ba kali kweenda antoomwe ncobeni a Nguwe. "Oh, wabuka kabotu, Mukwesu! Oh, tuli kkomene kapati kuti Uli kokuno mu cisi cesu! Oh, tuli kkomene loko ku Kubona! Tula Kwi iminina ncobeni, meno amala akanwe, Mukwesu. Ikuti na Uyo oba a lubukulusyo, inga akwalo twa beleka antoomwe a Nduwe." Mwabona? Eco nco bali mukusola kucita nku Mu bikkila kooze. Mwabona?

²⁵⁵ Ba kati, "Lino, tu lizi kuti Uli Muntu mulemu wa Leza. To yoowi luzyalo lwa muntu. To yoowi cintu cita Leza. Elyo tu lizi kuti Uli acamba. Oh, To yoowi Mulumbe Wako! Tu lizi kuti Uli Musinsimi mupati, nkaambo taakwe muntu uukonzya kucita boobo a kutaba uutayoowi a Mulumbe Wakwe mu mazuba mbuli boobu, citakuti Wa kali Musinsimi wa Leza, ulizi awo Mpa imvwi. Aboobo, tu lizi kuti To lemeki muntu, taakwe muntu.

Rabi, Uli Muntu mulemu. Tuli ba Juda. Tuli a Nduwe ncobeni, Mukwesu. Tuli masimpe.

²⁵⁶ “Lino, Rabi, sa kuli kabotu kupa mitelo kuli Kaisara?” Oh, eyo nkamu ya basikuupaupa! Huh!

Amulindile. I Muuya Uusalala wakali a Nguwe. Wa kali Muuya Uusalala. Mwabona? Wa kati, “Uli jisi sheleni?”

Kwaamba, “Oh, iyi, iyi. Inzya. Ndi jisi sheleni, inzya, Nda cita.”

Kati, “Kolipa kuli Ndime.” Kati, “Mbu bwani bulembu buli aali ceeco?”

Kati, “Kaisara.”

Kati, “Mpawo kopa Kaisara eco ca Kaisara; ca Leza eco cili nca Leza.”

²⁵⁷ Ku bikka kooze kuli Nguwe, ka balibanda kuba beenzinyina Bakwe. Kwa kalibonya mbuli kuti taakwe waka konzya ku Mu mvwisya. Ba kali kweenda a Nguwe asyoonto, mpawo waka bijilwa loko kuli Nguwe, a kuzwa. Ba kali kunga bat, “Oh, ee, twa kayeeya, twa kayeeya masimpe . . .” Abalo basikwiyya bakati, “Twa kayeeya ncobeni kuti oyu wakali Nguwe wakali kuyo . . .” Mane, naba Johane waka tuma, ka Mu buzya, “Sa Nduwe Walo, na tu langila umbi?” Mwabona? Oh, ino mbuumi Mbwa keelede kupona, mwabona, a kuziba ceeco! Pele Wa kajisi bukanze bomwe, bukanze bomwe: kucita mulimo wa Leza. Banji bakeenda a Nguwe, kujana buyo busena bwa ku Mu ceja.

²⁵⁸ Lino, Nda syoma tacili ca kusanka cisetekene ikuti na Nda amba kuti ncimwi sunu. Banji bakasika akutobelua muswaangano, ku kujana buyo busena, ku kubona kopailila muntuumwi.

²⁵⁹ Awa, kutali ciindi cilamfu cainda, mucizi umwi oyo uunka ku mbungano eyi, wakali ku mbungano imbi oko Leza nkawakali kupanga zintuzyonse kazicitika. Elyo oyu mucizi wakati ku mucizi umbi, kati, “Yebo ulizi, ulya muntu wakali kukonzya kukombela baciswa,” kati, “kweelede kuba ii—ii—ii buumi bwa kuzunda loko.” Elyo kati, “We elede kukonzya ncobeni, mukwasyi wakwe, zintuzyonse, kuponesegwa ku ijwi lyakaambwa, mbuli *boobo*.” [Mukwesu Branham wanontola tunwe twakwe—Mul.]

Elyo mulindu umbi wakacita kuzwaku Jeffersonville. Elyo Ndili masimpe kuti taakwe muntu weelede kuziba, pele eco Jesu nca kaamba, “Akati ka bantu bako beni,” nywebo mulizi, “cisi cako.” Mbo mbubo. Ako nkekkaambo Nda . . . Inga caba eco ndyoonya lino, kuboola munsi, inga kwaba kucincwa kwa ciindi, nywebo mwabona.

Elyo wa kati—wa kati, “Yebo ulizi cintu na?” Kati, “Taakwe umwi wa bana bakwe ukonzya kuba a ashini, citakuti kutola kuli dokotela.” Cintu cuubaukide, cicete, cakeenwa mbuli ceeco,

mwabona, mwabona, mwanakazi wakalikuyanda buyo kuwaala. Kati, "Cindi bana bakwe baciswa, ula batola kuli dokotela."

²⁶⁰ Kufumbwa muntu oyo ueyea kabotu uyo cita cintu nciconya. Inzya. Bantu taba konzyi kumvwisyu kuti musamu utuminidwe aa Leza. Baa, bakwesu, ikuti na tacili obo, nca dyabolosi. Masimpe, mbocibede. Leza uli awo musamu mpo utakonzyi kusika. Cilimasimpe. Musamu ngwa Leza. "Ee," yebo watyi, "Ndi lizi bamadokotela banji buyo..." Oh, iiyi, alimwi Ndi lizi bakambausi banji bali munzila njionya, abalo. Tali muntu ucikutauka pe, mboobo mbo cibede. Ndi lizi bantu banji bakutauka Ijwi ly a Leza, taba syomi mu kuponesegwa kwa Buleza, bata syomi akwalo muli Leza. Yaa. Pele bala Li kutauka, mbubonya buyo. Kuli bantu banji okuya bajisi musamu, a kusilika kwa kupandula, a zintu, abo bakaka Leza a zintuzyonse zimbi, pele kuli banji abo ba Mu syoma abalo. Aboobo ikuti na cagwasya bantu, nca Leza. Ta ndeelede ku... Ta ndeelede kubweza mootokala oyo a kweenzya kuya ku muunzi sunu masiku. Inga ndeenda ikuti na Nda yanda. Pele Leza waka ndipangila mootokala, aboobo Nda lumba Leza nkambo ka nguwo. Zintu ezi zyoonse zizwa kuli Leza, pele mu zibelesya kubotu. Muta nyongani a nzizyo. Mwabona?

²⁶¹ I cintu nciconya, aboobo, eco, nee ncico, nywebo mwabona. Kusola buyo kujana cintucimwi, ku musanduki oyu mukubusyi, ku bisya zina lyabo, zina lya—lya milimo ya Leza. Mwabona? Ba kali kuyanda kuli bisya. "Ciindi coonse mwana aciswa, umwi wa bana bakwe, ubatola kuli dokotela."

Masimpe, inga Nda cita. Mpawo ikuti na dokotela takonzyi... Ndiyo lomba Leza kugwasya Nke tana unka okuya. Mpawo ikuti na dokotela takonzyi kucita cintu kujatikizya ncico, mpawo Njo mutola atala atala maningi aniini. Uh huh. Mbo mbubo. Iiyi, munene.

Oh, mbubonya buyo sunu, bali mukusola kujana kooze ku busena bumwi.

²⁶² Wa kali bazyi, pele amubone, Ta kabatapatila. Wa kaunka ncobeni ambabo. Uh huh. Ula cita cintu nciconya lino. Ula zumanana ncobeni a mbabo, kuba tondezya luse Lwakwe, mbo mbubo, nekubakuti bala Mu lwana. Nkaambonzi? Nkaambo Ula bayanda. Elyo Wa keenda ambabo.

Pele lyoonse bali libambilide kwiita aali Nguwe mu ciimo ca cibukilambuta. Bala Mu yanda mpawo. Ba yanda... Bayo fubaazya muntuumwi, wa koongolola. Bayo fubaazya muntuumwi ukambauka kuponesegwa kwa Buleza, kwaamba kuti taba syomi muli nkuko. Balo tabana kuciswa nconzyo. Nda kabamvwa banji.

²⁶³ Ii mwanakazi, kafwa, mbubonya mbuli Mbwe kali kutanta matantilo, cindi Ne kali kukambauka mpoonya awa. Elyo mwaalumi kaimvwi nkoonya kuya ku mulyango, kaita kuli

ndime. Waa keenda ambali. Waa kali kukkanala mutala lya kagwagwa awa, nkabela waka jisi ng'ombe kubusena okuya. Elyo waa kati, "Ikuti na ng'ombe yangu ya jana musyobo oyo wa bukombi Billy ngwa jisi, inga Nda ijaya ng'ombe." Mu oora lyomwe kuzwa waawo, waa kaumwa a kutolwa ku cibbadela, mwanakazi mukubusy i mubotu.

Elyo Nda kabindaanina okuya. Mulumi wakwe wakali muna Katolika. Elyo baka nditumina. "Uli mukufwa. Elyo waa kaunka... Meso akwe aka zimba. Waa kati, 'Ko mwiita. Ko mwiita. Ko mwiita. Cakufwambaana. Cakufwambaana."

²⁶⁴ Elyo munyina wakazuza kutala a kwiima awo aa mulyango, a kulindila a kulindila, elyo wa kazumanana kundi tondekela. Elyo busena bwakazwide bantu. Elyo kwiinde kaindi, muntuumwi wakasika a kubikka kagwalo aa—aa desiki awa. Ka kati—kati, "Umwi uli mukufwa mu cibbadela."

Elyo Nda syoma, Mukwesu Graham Snelling, Nda kati, "Kobweza busena bwangu mane Nka unke." Elyo wa kali kunga waima buyo a kusololela kwiimba. Ta kaitwa akwalo, a ku—ku kambauka, ku ciindi eco. Wa kaboola kusololela kwiimba.

Elyo Nda kazwa a kunjila mu moottokala wangu, a kudaanina okuya. Elyo Mbwe kaunkila buyo matantilo, waa kakwela kuyoya kwakwe kwamamanino. Elyo, mubwini, matumbo a nsa, zintuzyonse, kazicita. Elyo Nda kazuzila mukati myua, elyo baka vumba busyu bwakwe kulanga mujulu, a busi kabuboola koonse mbuli obo. Elyo oyo narsi mcembele kaimvwi awo, waa kati, "Mukwesu Branham, waa ka kwiilila kuyoya kwakwe kwamamanino." Kusola ku cilulamika, pele ciindi cakali manide kale, nywebo mwabona. Inzya. Akwalo... Ula konzya kubisya ciindi cimwi kwiindilizya, nywebo mulizi.

²⁶⁵ Elyo waa kabaanga waka... kusakana kumeso akwe. Waa masusu asalaluka; mwanakazi mubotu ncobeni. Elyo masusu akwe—akwe onse akali sisinkene. Meso mapati abbulauni akali tutulukide, a kujalwa buyo kutamaninina. A tukoto twa bbulauni kumeso akwe twa kaba munzila eyo, kuminwa booboo, mane kwakaima buyo mbuli mabbaapu maniini koonse ku busyu bwakwe, a mulomo wakwe wakali jukide. Elyo Nda keenda okuya a kumulanga.

Elyo ngooyo mulumi wakwe wakaima awo, a kwaamba, "Billy, nceeci mbo cakabede." Kati, "Ndili muna Katolika. Ndi yanda kuti umupede mupailo, nkaambo wa inka ku busena bwa kusalazigwa."

Nda kati, "Inzi?"

²⁶⁶ Kati, "Aamba mupailo kuli nguwe." Kati, "Waa kaunka ku busena bwakusalazizya myuuya yabafu. Waa kainda munsi lya mbungano yako kutandila maoora obilo aindaa, a kuti, 'Ikuti na

ng'ombe yesu yasola kujana musyobo wa bukombi, uyo ijaya ng'ombe.” Mwabona? Kati, “Koba mupeda mupailo.”

²⁶⁷ Nda kati, “Oko nkumuka. Waa keelede kusalazya buntu bwakwe okuno, kutali kuti mane waa sika kubusena bumwi bumbi.” Mwabona? Mbo mbubo. Oh, iiyi.

Pele lyoonse tula Mu yanda mu ciindi ca mafwabi. Bantu, Nda kabamvwa kabaamba, “Nse syomi muli Leza.” Aka licise mwini cabubi loko, lomwe, mubone Umwi mutaanzi ngwaya kwiita.

²⁶⁸ Abalo basikwiiya Bakwe, ciindi cimwi nibakali mu guwo lyamvula. Nekubakuti, cindi niba ka Mu bona, ba kali kuyoowa aniini kuli Nguwe. Tiiba kazi ncobeni mbo Ca kabede. Ba kati, “Walo muuya.” Elyo ba koompolola. Pele, nekubaboobo, bulangizi boonse bwa kufutulwa bwakamana, aboobo baka Mu tamba. Inzya. Okuya, lyoonse, naa ula yeeyela aniini na pe. Cindi bulangizi boonse nibwa kamana, ula yanda ku Mu tamba. Inzya. Ba ka Mu tola mukati, nkaambo ba kajisi kubula Kwakwe. Mbo mbubo.

²⁶⁹ Nywebo mulizi, Nda kalibuzya kanji, ciindicimwi, ndiza nke kaambo maguwo aamvula kaboola. Sena mwakasola kuyeyya ceeco? Wa kakkala alya a kubalangilila kusikila baka Mu bula, elyo mpawo Wa kasika aa cilao. Aboobo, tula konzya kubona kubula kwesu kwa Nguwe lino. Tula bona kuti guwo lyamvula lila boola, mukwesu. Atube ku lubazu a Nguwe sunumasiku. Kuba a lubazu ku Ijwi Lyakwe.

Nda—Nda—Nda leka awa.

²⁷⁰ Atube ku lubazu a Nguwe. Atu, nywebo a Ndime, bakwesu, musangane antoomwe a Nguwe, sunumasiku. I guwo lyamvula lila boola. Elyo muta lindili mane bwaato buniini bwa nyikizigwa. Atu Mu bweze mu kaato kesu kaniini lino.

Inga mwalanga a kwaamba, “Nse konzyi kumvwisya zintu ezi zyoonse, Mukwesu Branham.”

²⁷¹ Mwabona ikuti na twaamba cintu cili coonse pele eco cili mu Ijwi. Amubone ikuti na kuli cintu cili coonse awo cita eco Nca kasyomezya kucita. Inga caboneka kuba musangu kuli nduwe, ciindicimwi. Yebo wayeeya, “Oh, ma. Nse konzyi kumvwisya Ceeco.” Pele kuyooba buzuba cindi buumi bwako obu bwaakuzwa. Ta—ta cikaboneki bubi maningi kuli nduwe mpawo. Cindi waziba, lwako, weeledе kujokela kuli Leza waka kulenga, uyo yanda ku Mu njizya mpawo. Atu Mu njizye lino, guwo lyamvula kalitana indila kubija kwinda mbo libede.

²⁷² Ndi yanda Nguwe mu moyo wangu. Ndi yanda Nguwe maningi mu buumi bwangu, mane buntu bwangu boonse buli kkutilide; kuti mizeezo yangu, miyeeyo yangu, zintuzyonse zyangu Mbwe bede, kulelwa a kweendelezegwa a Kristo Jesu.

Ndi yanda kusweeka loko, kuli—kuli lwangu, kuti koonse Nkwewo ziba a kubona ngu Jesu Kristo.

Elyo Ndi yanda kuboola kumbele lyanu nyoonse, ikuti na Leza wa Julu wamu zumizya kuba a zintu ezi Nze kanana. Cindi Nda boola akati kanu, Ndi yanda kuziba Kristo, Walo wakabambulwa. Ndi—Ndi yanda kuziba bulemu a kulumbaizya kuyandisi kwa Leza. Kukkala akati kanu, a kumvwa mukutausi omwe kaimikila a kupa kulumbaizya kuli Leza, kuli ceeco nca kabona cakacitwa mu mbungano yakwe. Umwi umbi, eco nca kabona cakacitwa mu mbungano yakwe. Umwi umbi, eco nca kabona cakacitwa mu mbungano yakwe.

²⁷³ Nce ncico ncobeni ncoba kacita. Elyo cindi baboola antoomwe a kuswaangana mu luswaanano, mu Incito 4, ba kali kupa kaambo kuli ceeco Leza nca kacita *okuno*, a ceeco Leza nca kacita *okuno*. Elyo Petro a Johane baka kanabbwa. Elyo—elyo—elyo bakapanga cisyomezyo cakuti bayo... eco ncobakali kuno bacitila ikuti na bakambauka limbi mu Zina lya Jesu. Elyo bakabungana a bantu babo, alimwi boonse baka kombaa a kuzuminana komwe, a kukomba mu luyando lwa Leza, a kubalulula Lugwalo. “Nkaambonzi bahedeni nciba tingilila, a bantu ncoba yeeyela cintu cabuyo?” Elyo cindi niba kakomba, Muuya Uusalala waka zungaanya busena awo mpo baka bungene antoomwe.

²⁷⁴ Oyo ngo musyobo wa muswaangano ngo tuyanda. Eco nco tweeede kuba aco, bakwesu. Atuli kwabililwe ku Ijwi lya Leza, kwiinda ku Muuya wa Leza, kwiinda ku nguzu zya Leza. Elyo atu lekela Mimuni yesu imwekesya eno, cakuti tube mbuli Stefano.

²⁷⁵ Wa kaima okuya, muntu omwe, alikke, kumbele lya nkamu eyo ya Sanhedrini ya bantu bali cisela ca milioni, ndiza, kabaimvwi okuya. Boonse babo kabatondeka munwe wabo wa kutamikizya ku busyu bwakwe. Cindi mulombwana oyo muniini nakeenda okuya, kati, “Wa kamweka mbuli angelo.” Ta ndaambi, ndiza, mumuni ku busyu bwakwe, mbuli boobo. I angelo taeede kuba a mumuni aali nguwe. Pele angelo walo muntu na.... Ii angelo walo mutumwa, a mutumwa oyo uzi eco nca kanana.

Wa keenda okuya a kuti, “Baalumi, a bakwesu, a matata, bamatata besu mu Mesopotamiya, obo mboba kagusigwa, a Abrahamu,” abumwi bumbi, a kuyabuya kuli *Niini-a-niini*. Elyo mpawo wa kaselemukila ku kaambo keni ka lunyonyooko, kati, “Oh, nywebo noba sicinguni, batapalwidwe mu moyo a matwi, nkaambonzi lyoonse mula kazya Muuya Uusalala? Mbuli bamauso mbo bakacita, anywebo mbomucita.” Wa kalizi ncobeni eco nca kaimvwi. Ako nkekambo ncakali kumweka. Ta kayoowa aniini. Wa kalizi muli Oyo mwa kasyoma.

²⁷⁶ Akwalo cindi lufu nilwaka konkomona ku mulyango wa moyo wa Musalali Paulo. [Mukwesu Branham wakonkomona aa cikambaukilo—Mul.] Elyo wa kati, “Ndi lizi muli Oyo Ngwe kasyoma, alimwi Ndili lamidwe kuti Ula konzya kubamba eco Nce ka Mu tuulila ku buzuba.” Ameni.

²⁷⁷ I Mwami amu longezye, bakwesu. Nda usa kuti Nda mujata mane maminiti ali makumi obilo aosoanwe kusika ku ileveni. Ndi lizi eci tacili ciyanza kuli ndinywe. Nda usa ku cicita. Pele mwali babotu loko sunumasiku; taakwe wanu wazwa. Mwa kkala akupa kuswiilila kwanu kumaninide.

Elyo Nda syoma a kulangila kuti, mu kwaambaula, kwangu kuniini kupasaukide, kwa kulibili mizeezo, kuti Leza, Muuya Uusalala, wacita abusena bumwi kutilalila Mbuto niimi mu moyo wanu, kutegwa nguzu zya Leza zyuumee a Kwii leta ku Buumi, mbubonya mbuli mwanakazi ku mukalo, a bamwi bakakanzwa ku Buumi Butamani. Leza amu longezye.

²⁷⁸ Mukwesu Neville, ula mwaisya, na ncinzi nco yanda kucita? Ucita buti? Buyo mu . . . [Mukwesu Neville waamba, “Ndi yanda kuti uzumanane buyo.”—Mul.]

Sena mula Mu yanda? [Mbunga yaamba, “Ameni!”—Mul.] Sa mula Mu belekela? [“Ameni!”] Sa mula Mu syoma? [“Ameni!”]

Ameni!

Sena mula Mu yanda? Ameni!

Sa mula Mu belekela? Ameni!

Sa mula Mu syoma? Ameni!

Ameni! Ameni!

Tu yanda ku lwiimba. Ameni!

Ameni! Ameni! Ameni! Ameni!

I Bbaibbele mbwini. Ameni!

Nda Li syoma. Ameni!

Ndi Ijwi ly a Leza. Ameni!

Ameni! Ameni!

A twiime.

Ameni! Ameni! Ameni! Ameni! Ameni!

Mwami, tula Ku yanda. Ameni!

Ameni! Ameni! Ameni! Ameni!

Tula syoma kuti Ula boola. Ameni!

Tuli libambilide kuyo Ku swaana. Ameni!

Bool, Mwami Jesu. Ameni!

Ameni! Ameni!

Tu lomba Leza kuti atu bambe mbuli mbo kweelede ku ziindi zyoonse, ku Mu belekela.

Ameni! Ameni! Ameni! Ameni! Ameni!

Nda syoma kuti Uyo mulongezya, a kumu vuna, a kumu bamba, a kulangilila aakati kesu, aku Kudubwida mu Bwami Bwakwe, kucita milimo mipati, a kundi gwasya mu masena akubelekela kusikila tuka swaangane alubo.

Ameni! Ameni! Ameni! Ameni! Ameni!

Ndiyo mukombela. Sa muno ndikombela?

Ameni! Ameni! Ameni! Ameni! Ameni!

²⁷⁹ Taata wesu, twa bungana sunumasiku mu Zina lya Mwami Jesu uulemekwa, eelyo Zina liyandwa aliyandisi toonse ndyo tu yanda akulemekesy. Ndi yeeya obo makamu aa bantu kaindi kwiinda mu myaka, kwa myaka iili makumi otatwe na yiinda, twa bungana mu buyake obu buniini bwakaindi. Obo mbo twakali kukkala ku citofu a matede esu kaatandila, kutontola, a kukkala alya a matende esu mujulu mu stoo, a kwaambaula makani aa Mwami Jesu.

Ndi ibaluka matende amwi mayandisi ayo akalyata lomwe aa nyika, aka kkala amatende atala alya. Ndi yeeya Mukwesu Seward mudaala, Mukwesu Sparks, Mukwesu George DeArk, bantu banji bambi bayandisi abo baka bikka matende abo lomwe ku citofu eco, bakaunka kuyo swaana Mwami wabo sunumasiku, kabapumuna kutala mu zyumbwe, kabalindila oko kwiitwa kupati Kwaatala. Ba kalwana nkondo. Ba kabamba Lusyomo. Ba kamanizya lweendo. Elyo lino balindila musyini wa bululami, Mwami Mubetesi uululeme ngwayo bapa buzuba obo.

²⁸⁰ Taata Leza, twa kakomba cindi nitwa katuula mbungano eyi niini mu kkona, a kwaamba, "Mwami Jesu, ko cilekela kwiima a bantu babe muli ncico cindi Wa kupasuka mu milengalenga, ku boola mu maseseke ayo, cakufwambaana kwiinka kwa Mbungano." Leza, Nda komba kuti myuuya eyo yaboola ku cipaililo eci, myuuya eyo yaka Ku belekela, i Mbuto ya Makani mabotu eyo yaka byalwa koonse akoonse, alimwi koonse akoonse, alimwi koonse kuno, kwa myaka iili makumi otatwe, kuti tula syoma bunji bwa bantu abo bayandisi bayooba okuya ku Buzuba obo, nkaambo ka kukonzya oku kukompeme nko twaka bikka, kuleta Ijwi ku Buumi obo bwakakanzwa. Twa Ku lumba nkambo ka ncico. Elyo amusyome, Leza, sunumasiku, kuti kutali oyo uliko lino cita oyo uyooba aa Buzuba obo, kavumbwa ku Bulowa, kasimpwa muli Jesu. Ko cipa, Taata. Tula syoma muli Nguwe.

²⁸¹ Lino tweede kuswaangana okuno alubo Munsono cifumo, bunji bwesu. Elyo twa komba, Leza, kuti Uyo swaana a ukumona Cinkwa ca Buumi nkambo ka ndiswe.

Leza, inga twa yeeya Mukwesu Ruddell a busena bwakwe kutala okuya, oko kuli abo bedeenda a nguwe. Koba a mulombe oyo tuyandisi, Mwami, Nda komba. Mbuli mbo Ndi mubona kaboola, kubona balombwana aba baniini, Ndi limvwa kuti mba Timoteo bangu. Nda komba, Taata, kuti Uyo longezya

Mukwesu Ruddell a mulimo wakwe. Longezya Mukwesu Junie Jackson. O Leza, twa lomba kuti zilongezyo Zyako ziyooba ali nguwe, aa Mukwesu wesu Crase, aa Mukwesu Snelling, aa mukwesu oyu uumbi kuya oyo uli mukutola busena bwakwe, a Mukwesu Beeler, a mukwesu, boonse aba bakwesu awa, Mwami, a Mukwesu Neville, a umwi aumwi wesu, Mwami. Twa komba buyo kuti zilongezyo Zyako ziyo mwetamweta kuli ndiswe, kuti luzyalo Lwako luyo loonse ndo tu yandikana, Mwami, ku zumanana.

Elyo akube kuti tutalubi kwaamba kuniini, sunumasiku. Nekubakuti mwanakazi oyo muniini wiimvwi alya, mukutaziba obo mamanino mbwa yooba; pele Jesu wakali kuyandikana kukutaukilwa, nkabela waa kali kukupa kuli Nguwe, iiyi, kusanzya matende Akwe. Cintucimwi cata kabikkilwa maanu kuti nobaba abo bakataminina kuba balanda bakwe baakakilwa ku cicita, alimwi ba kali kusola ku Mu fubaazya. Pele waa ka mu citila mulimo, kuta langila bulumbu, alimwi awo tee kwakonzya kuba cipati maningi cakalino pegwa.

²⁸² Leza, akube kuti tucite mbubonya, kuzumanana buyo kuli syanikizya ncobeni a kucita mulimo wa Leza. Alimwi koonse nkotu tusukamina kucita, Mwami, nku yoomvwa, aa Buzuba obo, "Kwa kacitwa kabotu, omulanda Wangu mubotu uusyomeka. Njila mu lutangalo lwa Mwami lwaka bambilwa nduwe kuzwa ku malengelo a inyika." Leza, ko tupa kucita eco, a kubamba luswaanano kuli umwi aumwi. Elyo akube kuti Muuya Uusalala ube andiswe a ku tusololela a kutulailila muli zyoonse nzo tucita. Elyo kotupa buumi bulamfu, ndiza, ikuti na kulakonzeka, kubona Kuboola kwa Mwami Jesu. Twa cilomba mu Zina Lyakwe. Ameni.

Kalelekwa kaanzyo ako kaanga
Myoyo yesu mu luyando lwa Bunakristo;
I luswaanano lwa mizeezo iiokozyenye
Luli mbuli lwa kujulu.

Cindi twa andaana,
Lino cila tupa kucisa kwa mukati;
Pele tu cino swaangene mu moyo,
A kulangila kuyo swaangana alubo.

²⁸³ I Bbaibbele lyakati, "Ba kaimba ciimbo nkabela ba kazwa." Leza amu longezye lino, mane Nka mubone alubo, Munsono cifumo, Mwami nawayanda. Kweende kabotu.

²⁸⁴ Jim, Nse konzya kusukana janza lyako, sunumasiku. Leza aku longezye. I Mwami aku longezye.



KUBA KU LUBAZU LWA JESU TNG62-0601
(Taking Sides With Jesus)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwasanu mangolezya, Gandapati 1, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org